

高祖周之麟
仁如樂升
全選

太祖實錄建隆元年七月甲申立皇后制曰朕受天景福故父事
高宗率土樂推乃子視黔首坐明堂而讀時令正中禁以崇國風
庶資博厚之功用廣邦家之業稟長樂之慈訓舉長秋之舊章乃
命有司告於清廟咨爾琅琊郡夫人王氏象緯炳靈公侯貴胄挺
天人之奇表會王者之昌圖朕昔在舊藩常觀內助奉晨昏而罔
倦服浣濯而無辭贊予開國之基賴爾宜家之慶翬衣未舉椒掖
難虛既侔大似之賢宜易小君之號貽謀百世正位六宮可立為
皇后爾其佐佑興運恢張內朝樛木垂陰期於逮下桂華委照法
彼無私顧彤管之在旁思大練之為美若此則緝山餘烈配沙麓

之嘉祥。淮水長源，接銀潢之濬浪；后妃之德，史冊有光。勉脩令名，往踐厥位。仍令所司擇日，脩禮冊命。珂按制詞，中首稱咨爾是與冊文無異，至入尾詞，先書可立為皇后，後申命戒始用。廷告體令所司，脩冊與今制殊不同。此蓋國朝立后第一典故，不可不詳訂也。
岳珂愧郈錄

太祖奉詔北征，至陳橋，為諸軍推戴。通在殿閣，聞有變，惶遽而歸。軍校王彥昇、馮通於路策馬逐之，通馳入其第，未及闔門，為彥昇所害。妻子皆死。太祖聞通死，怒彥昇專殺，以閉國初，隱忍不及罪，即下詔曰：易姓受命，王者所以應期。臨難不苟，人臣所以全節。故周天平軍節度檢校太尉、同中書門下平章事、侍衛親軍、馬步軍副指揮使韓通，振迹戎伍，委質前朝，彰灼茂功，踐更勇爵。夙定交于霸府，遂接武于和門。艱險共嘗，情好尤篤。朕以三靈眷佑，百姓樂推，言念元勳，將加殊寵。蒼黃遇害，良用憮然。可贈中書令，以禮收葬。遣高品梁令珍護喪事。

宋史韓通傳

四六經語對經語史語對史語詩語對詩語方安帖太祖郊祀陶
穀作赦文不以邊豆有楚對秦稷非馨而曰豆邊陳有楚之儀秦
稷奉惟馨之薦近世王初察在翰苑作寶錄宮青詞云上天之載
無聲下民之虐匪降時人許其裁剪謝四六談塵

范魯公與王溥魏仁浦同日罷相為一制其辭曰或病告未寧。或
勤勞可矐。時南郊畢質溥皆再表求退仁浦以疾在告乞骸骨故


云
石林燕語
葉夢得

△ 呂丞相端自太常丞知蔡州召入拜戶部員外郎為樞密直學士
時王二丈禹偁誥詞畧曰多直道以事君每援經而奏事丁謂談錄

國家圖書館 NATIONAL CENTRAL LIBRARY, TAIWAN, R.O.C.

△唐致仕官非有特勅例不給俸國初循用唐制至真宗乃始詔致仕官特給一半料錢蓋以示優賢養老之意當時詔云始呈材而盡力終告老以乞骸賢哉雖歎於東門邈矣遂辭於北闕用尊者德特示殊恩

石林燕語



熙陵卽祚之踰年二月庚子有詔更御名制曰王者對越上天祇見九廟凡因祭告必著名稱思稽古以酌中貴難知而易避爰遵故事載易嘉名此當時播告之旨也珂案太宗初諱上字與藝祖聯稱建隆造邦已改從光字復與魏悼王同行太平興國初既膺大統魏悼王改從廷字以避尊尊之稱至是甫四閱月復詔改焉雖更定之意具如詔旨其實去聯文尊王統所以辨名分示等威也

愧郊錄

張洎與錢若水夜直太宗召二人草制詞加李昉左僕射班洎輒
前數唐以來十餘名相皆有德望鎮服天下故自右加左今以此
待昉非公議所允若水欲進解之洎當帝前以笏排若水曰陛下
孰知矣明洎進制草有云黃樞重地難委於具臣蒼昊景靈懼懼
於大譴太宗竟從洎意昉止右僕射歸班

泮南餘載

宰相拜罷恩典重輕詞臣受旨者得以高下其手李文正公昉太平興國八年以工部尚書為集賢史館相端拱元年為布衣翟馬周所訟太宗召學士賈黃中草制罷為右僕射令詔書切責黃中言僕射百寮師長今自工書拜乃為殊遷非黜責之義若以均勞逸為辭斯為得體上然之其辭略云端揆崇資非賢不受昉素高聞望久展謨猷謙和秉君子之風純懿擅吉人之美輟從三事總彼六卿用資鎮俗之清規式表尊賢之茂典其美如此淳化二年復歸舊廳四年又罷優加左僕射學士張洎言近者霖霖百餘日昉職在變和陰陽不能決意引退僕射之重右減於左位望不侔

因而授之何以示勸上批洎奏尾止令罷守本官洎遂草制峻詆
腦詞云變和陰陽輔相天地此宰相之任也苟或依違在位啓沃
無聞雖居廊廟之崇莫著彌綸之效宜敷朝旨用罷鼎司昉自處
機衡曾無規畫一作擁一作樅化源而滋久孤物望以何深俾長中
臺尚為優渥可依前尚書右僕射罷知政事歷考前後制麻只言
可某官其云罷知政事者洎創增之也洪武容齋四筆

太宗平興國五年涇州安定縣婦人怒夫前妻之子婦斷其喉而殺
之下詔曰刑憲之設蓋厚於人倫孝慈所生實由於天性矧乃嫡
繼之際固有愛憎之殊法貴原心理難共貫自今繼母殺傷夫前
妻之子及姑殺婦者並以凡人論楓窗小牘

錢若水為學士嘗草賜趙保忠詔云不斬繼遷存狡免之三穴潛
疑光嗣持首鼠之兩端太宗覽之甚悅謂若水曰此四句正道著
我意又與趙保吉詔有既除手足之親已失輔車之勢其辭甚美
太宗批其後云依此詔本極好子延年寶藏之

錢惟質
金坡遺事



真宗即位之次年賜李繼遷姓名而復進封西平王時宋湜宋白
蘇易簡張洎在翰林俾草詔冊皆不稱旨惟宋公琪深蹟上意必
欲推先帝欲封之意因進辭曰先皇帝早深西顧欲議真封屬軒
鼎之俄遷建漢壇之未逮故茲遺命特付眇躬爾宜望弓劍以拜
恩守疆垣而效節上大喜不數月參大政

湘山野錄

宋白集有賜諸道節度觀察防團刺史知州以下賀登極進奉詔
書云朕仰承先訓。績嗣丕基。眷命歷之有歸。想寰區之同慶。卿輟
由俸祿。恭備貢輸。遙陳稱賀之誠。知乃盡忠之節。省覽嘉歎。再三
在懷。實真朝登極時詔書也。乃知是時貢物皆守臣以俸祿自備。
今既以庫金為貢而推恩則如故。可謂厚恩矣。陸老學菴筆記

真宗景德中置資政殿大學士授王冀公班翰林承旨上一時以
為殊寵三十年間除三人皆前宰相也宋宣獻公罷參知政事仁
宗眷之厚因加此職自冀公後非宰相而除者宣獻一人而已時
謝希深當制云有國極資望之選今纔五人儒者兼翰墨之華爾
更九職當時頗稱之宣獻嘗歷龍圖閣學士端明殿學士再為翰
林學士三為侍讀學士而後除資政大學士至是併為九也

石林

燕語

大中祥符五年南康軍建昌縣李士衡莊遇晦明即光彩出沒一夜雷電風雨暴作翌日山折泉湧急流中得一古器篆文款識甚奇太守劉保衡指以為鼎投進答詔云眷彼名區出茲古器既瑰奇而有異爰貢奉以斯來省閱之餘嘉尚良切保衡繪形刊石尚在今觀石刻制作精巧正古酒爵非鼎也當時失於稽考故詔書亦但言古器云

吳曾能改齋漫錄

天聖二年七月宰臣王欽若等拜表請上皇太后尊號曰應元崇
德仁壽慈聖皇太后命宰臣王曾撰冊文曰嗣皇帝臣某謹再拜
稽首言恭以為天下之母者。愛育之功博。居域中之大者。覆載之
道均。乃有飾盛禮以推崇。因強名而不顯。以恩則尊親倍極。以義
則中外一辭。表德垂鴻。非可以缺。况乎寧保基緒。撫覽權綱。格萬
宇之治平。副輿情之輸戴。式隆稱號。以播休爍。伏惟皇太后陛下
聰明淑哲。淵穆懿恭。襲御龍之遐源。啟曾沙之瑞命。輔佐先聖。輯
睦藩房。申翊宮朝。協敷闡教。服圖史之至戒。慕黃老之微言。及正
宮承天。居尊治內。勤儉之化。式于中闈。和平之風。被于四表。王基

允固睿問載融。曩者號弓在辰。仍几有命。粵以大寶付于菲躬。玆
焚哀荒。懼罔攸濟。寔賴慈蔭。以授洪圖。上奉頌托之明。俯慰遐邇
之望。詳錄機務。咨謀正經。憲祖宗之舊章。厲官師之疑績。本乎子
物之惠。濟乃守成之業。方今蠻夷款服。封宇靖安。百度聿脩。六氣
時若。肇裡肆類。克展上儀。享是休嘉。率由保翼。故得公御庶尹。藩
嶽守臣。武旅戎酋。緇黃耄艾。咸謂周有思齊之什。播於聲歌。漢有
長樂之謠。垂于竹帛。斟酌前訓。擬議盛猷。允非鴻名。莫揚茂烈。綿
代曠典。自我而著。且推美而弗有。約已以至謙。連袂叩閤。露章五
請。臣等以因人之欲。拜跪於內。甫迴冲慮。乃徇公言。夫含章履順。

之謂應元。詔訓逮下。之謂崇德。體仁所以膺壽域之福。宣慈所以
隆聖善之懿。不勝大願。謹與百寮士庶。奉玉冊琮寶。上尊號曰應
元。崇德仁壽慈聖皇太后。伏惟懋協歡心。誕膺洪冊。承七廟之流
祥。受九旻之敷錫。擁佑家邦。祉祚無極。臣某誠懼誠忤。稽首頓首。

謹言

馬端臨文獻通考

天聖中毛應佺守賓州賜衣勅書云汝外分憂寄善布化條眷言
守土之良適及頒裘之候特申渥賜用洽朝儀今賜汝紫乾色大
綾綿旋襪衫一領至可領也

曾敏行獨醒雜志

真宗寢疾章獻太后漸預朝政真宗意不能平寇萊公探此意遂欲廢章獻誅丁謂曹利用等于是李迪楊億李遵勉等叶力處畫已定詔命使楊億為之會萊公因醉漏言晉公利用謀白太后拍萊公為反而投海上天下冤之楊億臨死取當時所為詔誥及始末事迹付遵勉收之至章獻上仙遵勉乃抱億所留書進呈仁宗及叙本末仁宗感歎再三贈億禮部尚書制曰天禧之末政漸中闡能叶元民力屏儲極蓋謂是也

東軒筆錄

冠準再入相制曰中樞之任大政攸資式叙九功用熙百度將協
群倫之望允求經濟之才東自予衷乃放綸命具官某清識淵深
懿文雅正自顯躋於廊廟久冠映於簪紳中外亟更謀謨日廣介
圭入覲鳴玉在朝朕方圖任舊人以凝庶績荐升台席仍進冢卿
置于股肱繫乃棟幹朝廷天下之根本機軸玉化之表儀接道以
言為臣不易罄一心而翼戴副四海之具瞻其惟勗哉以弼台德

治平三年予為知制誥夏六月夢丞相遣朱衣吏召命草某人為
遂清殿學士制既寤不能記其姓名及其文詞也明年五月甲辰
丞相遣朱衣吏召當制舍人呂縉叔草詔不疑為寶文閣學士後
數日得承旨張公所作詔曰迺規層宇。遂在西清。恍然記去歲之
夢與詔文離合其名若符契焉。

春明退朝錄

孫巨源作除太尉制云秦官太尉漢代上公語典而重四六談塵

國家圖書館, NATIONAL CENTRAL LIBRARY, TAIWAN, R.O.C.



盛度錢氏壻而不喜惟演蓋邪正不入也惟演建言一后立配御
史中丞范諷發其姦落平章事以節度使知隨州時度年幾七十
為知制誥責詞云三星之媾多戚里之家百兩所迎皆權要之女
蓋惟演之姑嫁劉氏而其子娶於丁謂也

東坡志林

宋綬草丁謂貶詞曰無將之戒深著於魯經。不道之誅難逃於漢法。天下快之。謂出丁傳。按實錄載謫詞首云無將之戒。舊典甚明。不道之辜。常刑罔效。此承龍川志之誤而不之考。李心傳舊聞證誤

王曾罷相制曰朕紹膺丕緒臨撫群元內咨輔弼之良外倚蕃宣
之重君臣之遇出處攸同具官某學洞聖機識窮物表早冠倫於
多士存宣力於先朝逮予續承尤所倚屬爰定謀於枚卜遂擢寘
於冢司眷言靈宮總在宰職追惟文考之奉具有列聖之祠妖焰
挺災一夕而既俾紆勞於鼎路且賦政於師垣矧惟累牘之陳時
乃素懷之遂於戲事君盡禮維舊德之靡違觀過知仁亦至公之
難廢勉膺明命往惟欽哉

宰輔編年錄

右彭城公拜相制書一通案公以至和元年中秋日相前一夕仁
宗召當直學士楊偉不至乃宣趙槩視草自此遂召學士有故不
宿者以次官遞宿然制詞與今實錄所載不同多為史官潤色惟
不改雅性內融敏識先覺八字殆後世公議非褒詔也

益公題跋

題仁宗賜恤刑勅書。仰惟藝祖開基。仁覆天下。好生之德。洽於民心。開寶二年四月。詔。扇暍泣辜。前王能事。恤刑緩獄。有國通規。今朱夏既臨。溽暑方甚。睠茲縲繫。深用哀矜。宜令有司。限詔到日。其囚人枷械。固戶庭吏。每五日一檢視。灑掃蕩洗。務在清潔。貧無所自給者。供給飲食。病者給醫藥。小罪即時決遣。重繫無有淹滯。太宗太平興國六年。詔。當鑠石流金之候。在黃沙聚棘之中。亦有灑掃供饌之文。雍熙三年四月。詔。白當此炎蒸之際。念其縲絏之人。宜伸欽恤之文。庶協長羸之候。宜令諸道州府軍監縣等。凡繫之所。並須灑掃牢獄。供給漿飲。械繫之具。皆令潔淨。疾病者為

致醫療。供送飲食。晝特傳送。無令邀難。減尅無家屬者。官給口糧。
合歸法者。候處斷之時。給與酒食。小罪逐放。大罪窮究。其情
無致淹延。以稱朕意。盖又加詳矣。禮論 魏集

王德用樞密使制曰。內樞之地。上範於斗宮。前箸之籌。參寄於人
傑。以經常武之事。是號本兵之司。圖冠厥名。疇總予務。乃眷元侯
之長。早崇右府之聯。爰擇剛辰。復還舊物。其官某志懷果烈。風際
沉雄。通於竒正之謀。居然間傑之氣。春秋說禮。韞義府以惟深。甲
令書忠。載世家而有舊。比膺推轂。薦歷干城。先十乘以臨戎。長萬
夫而觀政。德刑具舉。威惠參施。能名播於外夷。沉機隱於敵國。咨
卿俊望。擢典繁機。翼濟事功。迪宣忠力。孚乃誠而匪懈。研諸慮以
惟微。旋均基宥之勞。亟樹蕃宣之治。蹈險夷而一致。服忠孝而兩
全。簡在朕心。洽於朝論。是用升鳳池之寵秩。聯虎節之榮章。倚殿

輔邦用陪京邑。屬右樞之闕職。咨羣岳以擇材。僉曰汝賢宜弼予治。蓋天下二老出以居。加伯之尊。寢內諸侯入。則處公卿之位。抑惟曩制。舉是隆名。用起壯猷。使纂舊服。仍峻雲臺之號。兼增井牧之封。式厚耆英。有加名數。於戲樞密發令制戎事。以惟艱。樽俎折衝。經人謀而匪易。往謹乃位。益思其忠。宰輔編年錄

歐陽文忠銳意言事。大忤權貴。未幾以龍圖閣直學士為河北都運。宰相欲以事中之也。會令內侍供奉官王昭明同往相度河事。公言故事無內侍同行之理。臣實恥之。朝廷從之。公在河北。職事甚振。無可中傷。會公甥張氏妹一作虔州壻龜正之女。非歐生也。幼孤。育於家。嫁姪晟。晟自虔州司戶罷。以僕陳諫同行。而張與諫通事。發鞫於開封。巡院張懼罪。且圖自免。其語皆引公未嫁時事。詞多醜判。官孫揆止劾張與諫。通事不復支蔓。宰相聞之。怒。再命三司戶部判官蘇安世勘之。遂用張前後語案俄。又差王昭明者。監勘。蓋以公前事欲令釋憾也。昭明至獄。見安世所勘案牘。駭曰。

昭明在官家左右無三日不說歐陽脩今省判所勘乃迎合宰相
意加以大惡異日昭明喫劍不得安世大懼竟不易揆所勘但劾
歐公用張氏資買田產立戶事奏之宰相大怒既降即知制誥知滁
州而安世坐降殿中丞泰州監稅昭明降壽春監稅公責詞云不
知淑慎以遠罪辜知出非己族而鞠於私門知女歸有室而納之
羣從向以訟起晟家之獄語連張氏之資券既不明辨無取驗以
其久參侍從免致深文可除延閣之名還序右垣之次仍歸漕節
往布郡條體余寬恩思釋前咎安世責詞云汝受制按考法當窮
審而乃巧為朋比願弭事端潛落偏說陰合傳會知朕慎重獄事
不聞有司而妄徇私情替名胥役一作私密者跡其阿比之意實
尚與朋黨之風云云其後王荆公為蘇安世埋銘盛稱能回此
獄而世殊不知揆守之於前昭明主之於後使安世不能有所變
改迎合也王荆公點記

歐陽脩以論政不合固求去位年未及即告老天下高之時楊繪言今舊臣告歸或屏於外者悉未老范鎮年六十三呂誨年五十八歐陽脩年六十五而致仕富弼六十八被劾引疾司馬光王陶皆五十而求閑散陛下可不思其故耶脩喜薦士一時名卿賢士出脩門下者甚衆而薦常秩與連庶尤力秩晚仕於朝君子非之脩自以為失庶終不出脩自以為得也由是益辭宣徽之命語頗侵安石其略曰大抵時多喜於新竒則獨思守拙衆方興於功利則竒欲循常安石見之滋不悅奏從其請遂有知蔡州之命司馬光嘗以脩表中戒小人之遂非希君子之改過二語手書之知其

意有在矣
李丙
刊
錄

神宗首用富鄭公作上相以司空侍中為昭文館大學士也制乃翰林學士鄭毅夫所草末云上理乎天工則日月星辰以之順下遂乎物宜則山川草木以之蕃近則諸夏仰德以承流遠則四夷傾心一作聞風而待命毅夫自負此文敏贍因為詩曰中使傳宣內翰家君王令草侍中麻紫泥金印封題了紅燭纔燒一寸花元祐中司馬溫公作相除左僕射時學士鄧溫伯行制其末曰上寅亮於天工則陰陽風雨以之順下咸遂乎物理則山川草木以之靈內鼻安於兆民外鎮撫於四裔此二白麻特相類人謂非二公不能稱此大訓也 王銍 五 四 六 話

鄧左轄溫伯三入翰林前後幾二十年高文大冊每號稱職其立
哲宗為皇太子制首曰父子一體也惟立長可以圖萬世之安國
家大器也惟建儲可以系四海之望未云離明震長綿帝祚於億
年解吉漁亨灑天人于萬宇天下誦之

四六話



穀梁隱四年傳注云建儲非以私親所以定名分鄧潤甫草東宮
制云建儲非以私親蓋明萬世之統主器莫若長子茲本百王之
訓蓋出於此 王應麟困學紀聞

熙寧間鄧潤甫作邢紀麻云周南之詠卷耳無險詖私謁之心齊
詩之美雞鳴有警戒相成之道後王荆公退居金陵屢用之
談塵

國家圖書館 NATIONAL CENTRAL LIBRARY, TAIWAN, R.O.C.

呂寶臣為樞密使神宗欲用晦叔為中丞不以為嫌乃召蘇子容
就曾魯公第草制中云惟是一門公卿三朝侍從久欲登於近用
尚有避於當途況朕方以至公待人。不疑羣下。豈以弟兄之任事
而廢朝廷之擢才。矧在仁祖之時。已革親嫌之制。臺端之拜。無以
易卿。著上意也。晦叔既辭。上命中使押赴臺禮。上公弼亦辭。位不

從

石林燕語

朱文公曰范淳夫作異王制云周尊公旦地居四輔之先漢重王
蒼位列三公之上及我仁祖加禮荆王領惟冲人敢後叔父自然
平正典重彼工於四六者却不能及

王應麟辭學指南



▲ 王岐公答韓魏公詔。豈朕鬱於大道。未昭治亂之原。將御保其成。
功自潔進退之分。崔大雅答周益公詔。豈朕不德。未達好賢之誠。
將御既明。自全引退之節。盖徼其意。困學紀聞

王珪行郝質殿巖制云曾無夜鑿之譁自得剛牙之重周禮地官
凡軍旅夜鼓鑿千歷切注云戒守鼓也浩然齋雅談

國家圖書館 NATIONAL CENTRAL LIBRARY, TAIWAN, R.O.C.

△王荊公草制極醜詆范蜀公公笑誦其辭曰材無任職之能某披襟當之內有謀利之實則夫子自道也

程正敏判溪新語

熙寧中彗星見是歲交趾李乾德叛邕州二廣為之騷動朝廷遣
郭達趙高討之荆公作相草出師勅榜有云惟天助順已兆布新
之祥為彗星見而出師也行年河洛記王世充假隋恭帝禪位策
文云海飛犀水天出長星除舊之徵克著布新之祥允集荆公用
舊意為新語也

真公四六話



國朝舊制父子兄弟及親近之在兩府者與侍從執政之官必相
迴避熙寧初呂公弼為樞密其弟公著除御史中丞制曰久欲登
於近用尚有避於當塗公弼聞之義不能安遂乞罷樞府久之以

觀文殿學士知并州

東軒筆錄

神宗友愛嘉岐二王不許出閣固辭者數十其後改封先名翰林
學士元厚之謂曰卿可於麻詞中道殺勿令更辭也畧云列第環
宮彌聳開元之盛側門通禁共承長樂之顏

四六話



前輩公主制云瓊華在著已戒齋風之驕粉水疏園莫如徐國之
樂晏公類要亦用粉田事蓋亦脂澤湯沐之意也若駙馬則以何
晏事稱粉郎粉侯文及甫稱韓忠彥為粉昆以其為嘉彥之兄又
指王師約之父克臣為粉參益可怪

問察浩然齋雅談

元厚之作王介甫再相麻世以為工然未免偏枯其云忠氣貫日
雖金石而為開讒波稽天孰斧斨之敢闕上句忠氣貫日則可以
觀金石而為開是以下句讒波稽天則於斧斨了無干涉此四六
之病也元厚之取古今傳記佳語作四六雖金石而為自開西京
雜記載揚雄金語也四六尤欲取古人妙語以見功耳

再四六
話

元豐末章子厚為門下侍郎以本官知汝州時錢穆父為中書舍
人行告詞云鞅鞅非少主之臣悻悻無大臣之操子厚固怨之矣
元祐間穆父在翰苑詔書中有不容羣枉規欲動搖以指子厚尤
以切齒紹聖初子厚入相例遭斥逐

王明清揮麈餘話

子由作文潞公麻詞云郭氏有永巷之嚴裴公有綠野之勝乃錢
文公歸洛致語耳非王言也

王楙野客叢書

國家圖書館, NATIONAL CENTRAL LIBRARY, TAIWAN, R.O.C.

元祐二年東坡先生入翰林暇日會張秦晁陳季六君子於私第
忽有旨令撰賜奉安神宗御容禮儀使呂大防口宣茶藥詔東坡
就讀書云於赫神考如日在天顧羣公曰能代下一轉語否各辭
之坡隨筆後書云雖光明所不臨而躔次必有所舍羣公大以
聳服

惟臺餘話



△ 邵成章云元祐中太母下詔東坡視草云苟有利於社稷予何憂
於髮鬢純夫云此太母聖語也子瞻直書之 晁迥晁氏客語

國家圖書館 NATIONAL CENTRAL LIBRARY, TAIWAN, R.O.C.

元祐間獲鬼章作告永裕陵文云將帥用命爭酬未報之恩神靈在
天難逃不濁之網後人輒謂東坡以微文謗訕天乎寧有是哉許

蘇
周詩話



東坡喜朝譔以呂微仲豐碩每戲之曰公真有大臣體此坤六二
所謂直方大也微仲拜相東坡當直其詞曰果藝以達有孔門三
子之風直大而方得坤爻六二之動

蘇軾詞譔篇
孫宗鑑



前輩作四六不肯多用全經語惡其近賦也然意有適會亦有不得避者但不得強用之耳子瞻作呂申公制云既得天下之大老彼將安歸乃至國人皆曰賢夫然後用氣象雄傑格律超然固不可及

黃夢得
進者錄話



國家圖書館 NATIONAL CENTRAL LIBRARY, TAIWAN, R.O.C.

呂丞相大防微仲罷相以曹觀文出知穎昌府制有曰改元而後
與政歷九年之間有國以來首相踵三人之久蓋自國初至元祐
為首相者居位多止七八年耳

獨醒雜志



元祐六年立皇后孟氏而梁況之為翰林學士其制略曰太母以萬世為心命度宗事之重大臣以兩極陳義請建坤儀之尊謂王道之大所由興故人倫之始不可緩末云垂光紫庭襲譽彤管一時諸公皆歎其不可及前後立后制靡能過焉

元祐垂簾呂司空晦叔當國元日欲率羣臣以天聖故事請太后
同御殿行慶會稱賀之禮宣仁謙避不從止令候皇帝御殿禮畢
百官內東門拜表而已蘇子容當制作手詔云願惟菲涼豈敢比
隆於先后其在典法亦當幾合於前規

石林燕語



先公在元祐與蘇轍尤不相好公知廬州轍門人吳儁為州學教授公延鄉人方素於學舍講三經義轍為內應公坐降知壽州後在廣守與東坡邂逅各出詩文相示既得罪范致虛行責詞云謫交軾轍密與唱和媚附安李陰求進遷或以轍事語范曰吾固知之但不欲偏枯却屬對范學於先公或疑其背師蓋國事也范操行非希旨下石者

朱或萍洲可談

天聖末詔即河南永安縣訾王山建宮以奉太祖太宗真宗神宗
御容欲其近陵寢也宮成賜名會聖改訾王山為鳳臺山蘇子瞻
山陵曲赦云敞鳳臺之仙宇築龜洛之神仁祠鳳臺以山名也

石林燕語



外祖曾空青知信州日曾辨宣仁聖烈誣謗首尾甚詳言先臣極
論哲宗洞照謬妄雖追貶王珪力不能回而於珪責詞猶用先臣
之言內四句云昭考與子之意素已著明太母愛孫之慈初無間
隙哲宗再三稱善

揮麈三錄



紹聖初陸農師曾子開俱以曾預修神宗實錄被謫中書舍人林
希子中草詞云謂爾同為謗訕則于今具藁不存謂爾有所建明
則未嘗爭論而去以為得實

能改齊漫錄

國家圖書館 NATIONAL LIBRARY OF TAIWAN, R.O.C.

紹聖初黜逐元祐之臣時舍人林公希作勅云人材淆混莫難於
品流黨與縱橫無分於勝負章申公惇視之不悅復齋漫錄

林文節作啟謝諸公於蘇子由有一聯云父子以文章冠世邁淵
雲司馬之才兄弟以方正決科冠鼂董公孫之對言淵雲司馬皆
蜀人及紹聖中行子由謫詞云父子兄弟挾機權變詐驚愚惑衆
子由捧之泣曰某兄弟固無足言先人何罪耶紹聖初在外制行
元祐諸公謫詞是非去取同時相風肯然而命詞似西漢詔令有
王言體於蘇子瞻一詞尤所卓卓蘇見之曰林大亦能文章耶其
詞有云若譏朕過失亦何所不容乃代予言詆誣聖考垂父子之
恩害君臣之義在於行路猶不戴天顧視士民復何面目又曰雖
汝軼文足以惑衆辯足以飾非然而自絕君親又將誰對

野客叢書


△錢適德循為侍御史元符末攻曾布章數上正急會其子病明日將對夜其子死德循即跨馬入朝不復內顧既歸而後舉哀朝廷頗知之布敗德循遂除中丞誥詞有云方蹇蹇以匪躬孔呱呱而弗恤未幾德循轉工部尚書失言路其僚頗攻擊竟論匿哀之事德循由是得罪責詞數其躁進至云匿哀請對褻瀆軒墀德循投閑久之領宮詞而終

萍洲可談

王初寮作宣德門成賞功制云閣道穹隆兩觀寒翔於霄漢闕庭
神麗十扉闔闔於陰陽時謂上則工矣但喚下句不來四六談塵

道君皇帝以于闐玉益八寶為九竈其文云範圍天地幽贊神明
保合太和萬壽無疆王初察草詔曰太極函三運神功于八索乾
元用九增寶歷于萬年八索用九可謂切事徽廟以銀椀盛蘇合
香賜之

真風憲小牘



政和辛卯始以制命題制誥詔書依例宰執進呈周益公所謂試
言雖附於春官擬制實關於春覽凡命宰相三公三少節度使則
用制麻樞密使亦如之后妃東
宮親王公主 辭學指南
不以命題

隆祐復位制蔡元長草其詞云雖元符建號已位於中宮而永泰
上賓無嫌於並后陳了翁作蔡彈文云北門翰長乃手草廢詔之
人復后麻詞又躬寫慈闈之旨以謂訓出東朝則先帝當時不得
不從事于泰陵則陛下今日安敢輕改四六談塵

童貫簽書樞密院事制曰安疆者道德之威莫重本兵之寄經綸
者文武之用式隆馭遠之圖乃眷勲臣久宣廟畧爰正樞機之任
仍蕃命數之加肆輯朝紳。曾字詔綽具官某端莊而肅毅敦裕而
剛明氣鍾海嶽之英材擅邦家之傑精神享上備忠孝于一身敏
識造微洞豪釐於千里匪由師錫夙簡朕知方恢疆土以昭先人
之功首崇詩禮而謀中軍之帥有截其所誕開河隴之區弗遘克
奔坐襲氐羗之域裔俗聞風而面內殊鄰慕義而納交比參穆於
台躔兼奮庸于籌幄增峻撫邊之舊載遄殄寇之行矯矯虎臣志
遵號令嘽嘽王旅惟所馳驅推堅城于障塞之衝俘醜虜于軒墀

之下。實庸實壑。外安六路之虞。足食足兵。內復兩河之利。屬收司
之軍務。嘉底績以疏恩。更大鎮之節旄。極三公之位。叙進專寮席。
併衍真租。予無作好之私。時乃懋功之勸。於戲申伯。言邁既四國。
之於蕃。吉甫來歸。宜萬邦之為憲。其益資于協濟。庶克迪于丕平。
諒肩乃心。奚俟多訓。寒宰輔編年錄

童貫以左端幸大觀間。緣開邊功。建武康節鉞。公言弗與。而莫敢
櫻也。其三年二月。將行復洮州。賞石林葉少蘊。在北門微聞。當遂
為使相。懼當視草。不能自免。出語沮之。蔡元長頗媿於衆。論丁酉
鎖院。乃自檢校司空奉寧節度進司徒。易鎮鎮洮而已。少蘊黽勉
奉詔。制出告廷。鄭華原素不樂。少蘊摘語貫曰。葉內翰欺公。至托
王言。以寓微風。貫問其故。華原曰。首詞有云。眷言將命之臣。宜懋
旌勞之典。凡今內侍省。差一小中官。降香則當曰。將命脩一處寺。
觀造數件。服用轉官。則曰。旌勞公。以兩府故事。為宣威麻詞。乃爾。
是以黃門輩待公也。又其末云。若古有訓。位事惟能。德因敵以威。

懷於以制四夷之命。賞賚功而輕重。是將明八柄之權。尚書周官
分明。上面有建官惟賢一句。不使却使下一句。謂公非賢爾。賚功
輕重之語。亦以公之功止於如此。不足直釀賞也。貫初垂涎儀同
已大失望。聞之。頰面徑揖起歸。質諸館賓。俾字字解釋而已。聽之
其言頗符。則大怒。泣訴於祐陵。納告榻上。竟不受。其年五月戊午
遂以龍學出。少蘊汝州。繼又落職。領洞霄祠。少蘊時得君甚中。以
陰事始克去之。華原意以軋異已不知適。以張闡宦之威也。少蘊
自志其事。岳珂程史

童貫蔡攸將交割燕山。有日。朝廷因委之。選命諸州守臣王黼。自
以為功多。改易縣名。以張得意。乃遷蔡攸少師。守燕山。制有之曰。
王師順天地之勤。勤無戰而有征。幽都望雲霓之蘇。克奔而弗迓。降
書踵至。捷奏日聞。鼓鼙貅百萬之威。勢如破竹。收山河九郡之險。
易若振枯。恚來塗炭之場。咸襲衣冠之盛。氣振雁門之北。令行沈
漠之陬。建社稷不朽之圖。快祖宗未宣之憤。實資妙策。迄建殊庸。
攸深不欲在外。且力辭。上令薦自代者。乃舉王安中。徐夢莘三朝

四字注
接寫

王安中尤善四六致位政府別無他長除知燕山府制有曰高文
大冊宣居後學之宗。又曰推翰墨潤色之工。為劇繁允濟之任。 |

——
幼老春秋



余深拜太宰制曰太微者天子之庭上相冠東藩之位北斗者人君之象輔星近開陽之光仰觀乾緯之明俯眷經邦之重叙登元宰亮翼衆功誕揚綸綍之言乎告紳紱之聽具官某端方而肅括敦裕而清通孝足以探天人之原智足以周事物之會古訓是式卓然經世之資直道而行凜若立朝之氣徧儀三省殆閱十年項進秉于國柄實參熙于帝載惟動不應徯志御事厥集有恭辨察羣材極明王立政之助調娛庶務協太平守成之規暮年于茲萬方俾乂上之則陰陽寒暑得其序下之則紀綱法度適于中德音不瑕已諗周公之美哀職有關孰先山甫之圖是用簡於巖瞻授

以魁柄。兼峻東臺之秩。仍陪多戶之封。受任既隆。仰成彌重。於戲
予遠追二~~三~~三王之治。爾蓋自擬百揆四嶽之賢。置相之良。載
籍可數。若漢以蕭曹為冠。兩魏乃相繼有聲。如唐之房杜居前。姚
宋亦竝稱于後。顧曾何比于於是。矧時則勿有間之。勉恢大猷。追

紹隆古

宰輔編年錄

余相罷節越^鉞換觀。文吏房請詞程伯起舍人當制。問于先公。先公
云。念雖經武之雄。終匪隆儒之體。吳丞相元中宣和間當外制。作
河北曲赦云。桑麻千里。皆祖宗涵養之休。忠義百年。亦父老教訓
之德。又作种師道制云。系出終南。處士之後。世有山西。良將之規。
王飛子飛。早以文受知於豫章。宣和當外制。其謝表云。洵鯨波之
再涉。偶遂生還。悅芸省之暫游。旋從外補。王嘗隨奉使高麗。作書
狀官也。又云。敢期文陛之一登。所望脩門之重入。四六談麈

宣和未罪已詔如天變。遣見而朕不悟。百姓怨懟而朕不知。乃用
陸宣公語。宇文叔通詞也。四六談麈。

國家圖書館, NATIONAL CENTRAL LIBRARY, TAIWAN, R.O.C.

閣行蔡京責官詞曰政事所寄尤嚴誤國之誅人臣之姦莫重欺
君之罪我有常憲揚于大庭太師致仕上柱國楚國公食邑一萬
二千六百戶食實封四千四百戶蔡京頃以時才久膺柄任兩冠
台衡之峻三登公衮之崇庶圖爾庸以弼予治而總秉衆務出入



八年事寢紊於後來。謀悉違於初議。擅作威福。妄興事功。輕爵祿以市私恩。濫錫予以蠹邦用。借助姻戚。密布要途。援引凶邪。合成死黨。以致假利民以決興化之水。托祝聖而飾臨平之山。豈曰懷忠。待將邀福。屢有告陳之迹。每連狂悖之嫌。雖僅上於印章。猶久留於里第。偃蹇弗避。傲睨罔悛。致帝意之未孚。垂星文而申譴。言章繼上。公議匪容。顧欲用恩。難以屈法。其褫師臣之秩。俾參宮保之官。姑慰羣情。尚為寬典。於戲上天垂象。明罰所以弭灾。人道惡盈。省躬所以引咎。往欽善貸。無重後愆。可特授太子少保。致仕。依前楚國公勲封食邑實封如故。在外任便居住。仍放謝辭。

朱勝非

秀水間居錄

宣和內禪王循德為承旨當草赦事出倉卒云紹二百年之祚運
奠三萬里之幅員施及眇躬嗣膺神器永念纘承之重懼極淵冰
載惟臨御之艱憂深朽索及內禪皇太子詔到天下方曉然

四六

談塵

謝任伯參政在西掖草蔡太師謫散官制大為士大夫所稱其數
京之罪曰列聖詒謀之憲度掃蕩無餘一時異議之忠賢耕鋤略
盡其語出於張文潛論唐明皇曰太宗之法度廢革略盡貞觀之
風俗變壞無餘也

老學菴筆記



靖康內降王氏封國夫人淵聖中批可入朕之乳母四字先公奏
云當於腦詞下稱皇帝乳母某氏而草云蚤參慈保之嚴謹於燥
濕之視四六談塵

譚彥成追贈陳瑩中云汲黯何為坐息淮南之變鄭公若在必輟
遼東之行葛魯卿云夷考平日素絲之節無聞坐廢累年白首之
言猶在

能改齋漫錄

靖康之亂元祐皇后手詔曰漢家之厄十世宜光武之中興獻
公之子九人唯重耳之獨在事詞的切讀之感動蓋中興之一助
也建炎登極之詔曰亶亶萬幾難以一日而曠位皇皇四海詎可
三月而無君又曰聖人何以加孝朕每懷問寢之思天子必有所
尊朕欲救在原之急嗟我文武之列若時忠義之家不食而哭秦
庭士當勇於報國左袒而為劉氏人咸樂於愛君期一德而一心
佇立功而立事同俟兩宮之復終圖萬世之安其詞明白亦占地

步
羅大經鶴林玉露

宋四六話二

先臣開寶九年二月入朝一日太祖召宴後苑時惟太宗及秦王
侍坐酒酣詔先臣與太宗叙兄弟之禮命中人翼起之先臣叩頭
辭讓繼之以泣方得免先臣太平興國三年入朝太宗詔赴苑中
宴先臣時獨臣兄安僖王惟濟侍焉因泛舟於宮池太宗舉御杯
賜先臣跪而飲之明日奉表謝其畧曰御苑深沉想人臣之不到
天顏咫尺惟父子以周親

歲惟演家王故事

盧相多遜素與趙韓王不協韓王為樞密使盧為翰林學士一日
偶同奏事上初改元乾德因言此號從古未有韓王從旁稱贊盧
曰此偽蜀時號也帝大驚遽令檢史視之果然遂怒以筆抹韓王
面言曰汝爭得如他多遜韓王經宿不敢洗面翌日奉對帝方命
洗去自此隙益深以及于禍多遜朱崖謝表末云班超生入玉門
非敢望也子牟心存魏闕何日忘之天下聞而哀焉

石林燕語

浦中李續好學有高志廬中條山以泉石吟詠自樂未嘗造州縣
真宗祀汾陰詔赴行在續不起有表稱謝云扣行溫詔初聞丹鳳
御來一片閒心已被白雲留住王闢之渾水燕談錄

王元之表風摧霜敗芝蘭之性終香日遠天高葵藿之心未死劉
元城表云志存許國如萬折而必東忠以事君雖三已而無愠斯
言可以立懦志

困學紀聞

國家圖書館 NATIONAL CENTRAL LIBRARY, TAIWAN, R.O.C.

舊翰林學士地勢清切皆不兼他務文館職任自校理以上皆有
職錢惟內外制不給楊大年久為學士家貧請外表辭千餘言其
間兩聯曰虛忝甘泉之後臣終作若教之餒鬼從者之病莫興方
朔之飢欲死

沈括
夢溪筆談



晏元獻謝昇王記室表云衣存缺衽式贊於謙冲饒去飛蒿不忘
於規諫韓詩外傳周公誡伯禽曰衣成則必缺衽宮成則必缺隅
因學紀聞

入晏元獻進牡丹歌詩表云永平神爵之頌孝明稱美者五人正元
重九之篇德宗考第於三等按論衡云永平中神雀羣集詔上神
雀頌百官上頌文比瓦石唯班固賈逵傅毅楊終侯諷五頌金玉
孝明覽焉正元事見劉太真傳

困學紀聞

劉子儀在南陽以翰林學士召中途改知成都彌年又召為學士
至西京復加兩學士知鄭州謝表云蓬山已到屢為風引而回長
安甚遙但覺日邊之近詞出按國史劉子儀天禧四年自正字除
翰林明年出守合肥乾興元年復入翰林頃之以中丞罷又知汝
陰天聖五年三入為學士承旨六年知廬州以老罷八年薨據此
子儀實三入翰林未嘗守南成都及鄭州亦未嘗加兩學士曾記
誤也据此謝表乃宋子京然宋實自真定移守成都自成都召為
三司使以言者論列改三學士知鄭州亦與曾所記不合

證誤

曾記

丁晉公文字雖老不哀。在朱崖答胡則侍御書曰：夢幻泡影，知既往之本無。地水火風，悟本來之。不有。在海外十四年，及北遷道州。謝表云：心若傾葵，漸暖長安之日。身同旅雁，乍浮楚澤之春。又謝復秘書監表云：炎荒萬里，歲律一周。傷禽無振羽之期，病樹絕沾春之望。人亦哀之。

丁謂投荒天聖五年祀南郊中外意丁復還御史中丞陳瑋字伯
玉相州永定人上疏曰亂常肆逆將而必誅左道懷姦殺而無赦
故周庭負宸難私管蔡之弟兄漢犯不綱遂致莽丕之篡竊安危
之慮其可忽諸雷州司戶叅軍丁謂頃自書生獲升科第因緣險
佞據竊公台賄賂苞苴盈於私室威權請謁行彼公朝先帝上仙
首膺顧命聖君績緒盍罄公忠乃陰蓄於姦謀將玩窺於神器引
巫師之妖術因魘魅於宮闈易神寢之龍岡冀消除於王氣賴祖
宗垂祐社稷降靈遽顯靈於凶邪已申明於典法漢臣獲罪合行
盤水之誅君集就烹豈顧凌烟之像國家終恢全度特屈深仁止

行奪爵之文才示投荒之責歲月未幾寡惡益彰中外於茲痛憤
猶積今展裡柴之禮特推漁汗之恩凡為得罪之人悉有滌瑕之
望必慮丁謂潛輸琛貨私結要權尚假息於遐荒異量移於善地
李德裕止因朋黨不獲生還盧多遜曲事王藩更無牽復清波別

志

丁崖州多智數在海外有一販夫輒與數百緡任其貨易歲久不
問商人疑其意且欲報之曰相公或使之雖死不避丁乃預計南
京春宴必有中使在坐因作表丐還封為書投府坐約商人曰汝
必須於是日到仍須宴次投之商人欣躍而去至則如其言府坐
得書懼不敢發欲匿之又中使已見遂因中使回附奏自是得移
光州其表云雖遷陵之罪大應立主之功多孫公談圃



四六有伐山語有伐材語伐材語者如已成之柱桷畧加繩削而
 已伐山語者則搜山搜山一作披山開荒自我取之伐材謂熟事也伐山

謂生事也生事必對熟事熟事必對生事若兩聯皆生事則傷於
 奧澁若兩聯皆熟事則無工蓋生事必用熟事對出也如夏英公
 辭奉使表畧云頃歲先人沒於行陣春初母氏始棄孤遺義不戴
 天難下單于之拜哀深陟岵忍聞禁侏之音不拜單于用鄭衆事
 而公羊謂夷樂曰禁侏此生事對熟事格也後永叔作歸田錄改
 云義不戴天難下穹廬之拜情深陟岵忍聞夷樂之聲夏英公免
 起復奉使表世以為工然其間一聯云玉姬築館接仇之禮既嫌



曾子回車勝母之遊遂輟此聯亦不減前一聯也
四六話



夏文莊表云詩會餘蚺之文簡凝含醜之墨餘蚺見詩貝錦箋筆
銳干將墨含淳醜出文心雕龍
困學紀聞


國朝之制食邑滿萬戶乃封國公杜正獻公既致仕因郊祀當加
恩而食邑未滿萬戶特詔封祁國公蓋異禮也其後遺表有曰非
萬戶而忝賜履之封自三少而席司成之重蓋謂是云

徐慶
却掃編



范文正公幼孤隨母適朱氏因從其姓登第時姓名乃朱說也後
請於朝始復舊姓表中改用鄭準一聯云志在投秦入境竊同于
張祿名非伯越乘舟偶效于陶朱范蠡范睢事在文正用之尤為
切當今集中不載

龔明之中吳紀聞



范文正復元姓用陶朱張祿事世皆傳誦大中祥符五年潯陽陶
岳作五代史補百餘條蓋補王元之內相五代史闕文未備者其
書梁事中有鄭準性諒直長於牋奏成汭鎮荆南辟為推官汭嘗
亡命改姓郭氏令準草表乞歸本姓其畧曰臣門非冠蓋家本軍
戎親朋之內盱眙為人報怨昆弟之間點染無處求生背故國以
狐疑望鄰封而鼠竄名非伯越乘舟難效于陶朱志切投秦入境
遂稱于張祿如此則前已有此聯特文正公拈出尤為切當云

清
波雜志

景祐中范文正公以言事觸宰相黜守饒州到任謝表云此而為
郡練優優布政之方必也立朝增蹇蹇匪躬之節天下嘆公至誠
於國始終不渝不以進退易其守也

澠水燕談錄



高平范相謝罷相表云常欲慎惜名器俾士夫革奔競之風不敢
妄圖事功冀宗社獲和平之福崔參政公巽與公書取此云庶幾
革奔競之風格和平之福如公所云也

四六談塵



△富文忠公熙寧二年再相王荆公為叅知政事始用事與文忠不
協文忠力丐去以使相判河南府上章自劾繼政亳州今錄於此
清時竊祿難逃素食之譏白首佐朝遂起蔽賢之謗幸聖明之洞
照舉毫髮以無遺顧此薄材尚容具位中謝切念臣業非經遠識
寡通方少因章句之科得偕羣俊長脫簿書之秩獲事三朝仁宗
之顧遇匪輕英廟之丁寧尤甚旋屬大人繼照飛龍在天思肯構
於先基忍遐遺於萬物澗蘋何美雜圭璧以薦羞槽馭已疲復驛
騶之共駕殫力雖勞於負嶽小心更甚於履冰果不克堪遂貽彈
劾如安石者學強辯勝年壯氣豪論議方鄙于古人措置肯諧于

僚黨至使山林末學草澤後生放自得之良心。樂人傳之異說。蘋蘋者予。諛諛其書。足以干名。足以取貴。拖紳朝序者。非安石之黨。則指為俗吏。園冠校學者。異安石之學。則笑為迂儒。嘆古人之不生。恨斯文之將喪。臣切觀安石平居之間。則口筆邱旦。有為之際。則心身管商。至乃忽故事於祖宗。肆巧譏于中外。喜怒惟我。進退其人。待聖主為可欺。視同僚為不物。臺諫官以茲切齒。謂社稷付在何人。士大夫罔不動心。以朝廷安用彼相。為臣及此事。主若何。臣非不能秉筆華袞之前。而正其非。覆身青蒲之上。而排其失。重念陛下。方當淵默堯舜。中和禹湯。同天德之尚仁。待人臣之有體。

徒高唇吻。莫補聰明。且區區晉都。尚有相先之下佐。况赫赫昭代。豈有不和之大臣。愚念及斯。衆言陋此。伏乞陛下。特申雄斷。大決羣疑。正安石過舉之謬。以幸保家邦。白臣等後言之罪。而俾歸田里。如其尚矜微朽。處以便藩。不唯有遂于物情。亦以不妨于賢路。如是則始終事聖。史傳不附于姦朋。去就為臣。物議庶歸于直道。其臨薨二表。尤為懇切。明清家舊有之。今不復存。東坡先生公神道碑云。手封遺表。使其子上之者也。徐敦立國。亦載其畧。至於謂宮闈之臣。不可使之專總兵柄。人心不服。易以敗事。後來童貫之徒。是矣。噫哉。先見之明焉。

揮麈餘話

歐陽公坐擅止青苗錢特放罪上表謝曰敢不戒小人之遂非思
君子之改過

司馬文正公日錄

國家圖書館, NATIONAL CENTRAL LIBRARY, TAIWAN, R.O.C.



國朝百官致仕庶僚守本官以合遷一官回授任子侍從仍轉一
官宰執換東宮官熙寧初歐陽文忠公始以太子少師帶觀文殿
學士致仕示特恩也故謝表云道愧師儒乃忝春宮之峻秩身居
猷畝猶兼書殿之隆名自是以為例

揮麈後錄



韓退之上尊號表曰析木天街。星宿清潤。北嶽醫閭。鬼神受職。曾子宣賀赦表曰鈞陳太微。星緯咸若。崑崙渤海。波濤不驚。世莫能輕重之也。後當有知之者。國初士大夫例能四六。然用散語與故事。爾楊文公筆力豪贍。體亦多變。而不脫唐末與五代之氣。又喜用方語。以切對為工。乃進士賦體。爾歐陽少師始以文體為對。屬又善叙事。不用故事。陳言而文益高。次退之云。王特進莫年表奏亦工。但傷巧爾。

陳師道
后山詩話

為帥守而踵父祖嘗所居自昔以為盛事紹聖中歐陽叔弼渠知
蔡州其父文忠公之舊治也謝宰執啟云惟近輔之名邦實先人
之舊治高城不改自疑華表之歸老吏幾稀尚守朱門之舊追懷
今昔倍劇悲欣靖康中翟公巽自翰苑出守會稽其父思之舊治
也謝表云惟昔先臣再臨東越豈其暮齒乃踵前修朱邑世祠猶
有奉嘗之舊恬侯家法自憐孝謹之衰敢不慰問耆年覽觀諠俗
無忘遺愛之厚永念教忠之餘

南窗紀談

張文潛崇寧元年復直龍圖閣知穎州謝表云我來自東每競競兢而就列炊未及熟又挈挈而告行臣僚上言云我來自東是為不文欽豈有君父之前輒自稱我雖至親不嫌於無文欽有時而爾汝然非謝表所可稱之辭雖數更赦宥不可追咎亦不可不禁如今後有犯者仰御史臺即時彈核

能改齋漫錄

宋元憲晚歲有詩云老矣師丹多忘事少之燭武不知人其後元厚之作執政參知政事一日奏事差誤神宗顧謂曰卿如此忘事耶明日乞退遂用元憲語作乞致仕表云少之燭武尚不如人老矣師丹仍多忘事神宗讀表至此憐其意而留之歐陽文忠公謝致仕表云雖伏櫪之馬悲鳴難戀於君軒而曳尾之龜涵養未離於靈沼元厚之後作致仕表云蹒跚退舞敢忘舜帝之笙鏞翼翼歸飛亦在文王之靈沼又謝致仕表云冥鴻雖遠正依天宇之高華微藿雖傾尚翹日華之明澗其意謂萬物不離于天地雖致仕亦不離君父也子瞻為筆說大以此為妙云古人謝致仕表未有

蘇頌知滄州陞辭仁宗曰朕每欲用卿輒為事奪豈非命耶然卿直道久而自明頌首謝無語及偏親留京師未能偕行上問卿母誰氏對曰故龍圖直學士陳從易之女上曰是天聖間侍從耶對曰從益祥符中館職已而外遷久之因自廣州罷還不蓄南物獨載俸餘見錢過嶺仁宗聞之擢知制誥上曰其清節過於馬援矣故謝表云憫臣之數竒多難特軫淵衷勉臣以直道自明屢形天語宋名臣言行錄

周孟陽春卿英宗宮僚聖眷素厚書簡以老文稱之當議儲副時
英宗固辭春卿就臥內諭意上大悟拜春卿牀下遂正儲裕陵在
東宮朝廷復以春卿為翼善春卿為人純直謂不當為父子宮僚
上表力辭有親奉堯言躬承禹拜之句孫公談圃



王狀元君貺天聖庚午甲科及第元豐戊午垂五十年方有重金
之賜謝表特優略云橫金三紀未佩隨身之魚賜帶萬釘改觀在
廷之目豈伊散任得拜恩章車服以庸品儀辨等國朝故事惟二
府刻球路之花文武近班通一例號遇仙之樣獨承面命度越朝
規此蓋陛下寵厚老臣禮加常制憫事三朝之舊俾階四府之崇
奉以垂腰既表重鏐之麗寶之在體更增上笏之華

文獻云
王壺清話

舊制執政以上始服毬文帶佩魚侍從之臣止服遇仙帶世謂之
橫金元豐官制始詔六曹尚書翰林學士竝服遇仙帶佩魚故東
坡謝翰林學士表曰寶帶重金佩元豐之新渥蓋謂是也 却掃編





梁簡文為子辭封表云日蝕之餘無黃童之對荷戟入榛異子烏
之辨又云熙祖流聰慧之稱方建臨淮之國元仲表岐嶷之質乃
啓平原之封荷戟入榛揚雄童烏事熙祖元豐末皇弟侃一作封
晉寧王制全用熙祖元仲一聯然熙祖非美事也晉寧元封困
學紀聞

梁莊肅為相以張揆為三司副使時議不服御史呂景初吳中復

馬遵造

商本作迭

上疏論之皆斥逐蔡襄繳詞頭不肯草制故莊肅亦

罷景初謝表略曰丞相以奸而犯法政當柰何御史之職在觸邪

死亦不避

東軒筆錄

王荆公秉政薦呂惠卿及惠卿參政有射羿之意條列荆公兄弟
之失數事面奏意欲上意有貳上封惠卿所言以示荆公故荆公
表有忠不足以取信故事事欲其自明義不足以懲勝一作姦而
故人人與之為敵蓋謂是也

東軒筆錄



劉放王介同為開封試官試節以制度不傷財賦舉子多用畜字
字聲近御名介堅欲黜落攸謂禮部先未嘗定此名為諱不可用
以黜落因紛爭不已御史張戢程顯彈之遂皆贖金御史中丞呂
公著又以為議罰太輕遂奪其主判其實中丞不樂攸也謝表略
曰曠弩射市薄命難逃飄瓦在前伎心不校又曰在矢人之術惟
恐不傷而田主之牛奪之已甚蓋謂此也

東軒筆錄

正獻公知揚州賀景靈宮成表有云即上都之福地再廣真庭會
列聖之睟容益嚴昭薦又云回廊曼衍圖拱極之近僚闕殿重深
列儀坤之正位

紫微詩話

正獻公自中司罷後數年起知河陽謝上表云三學士之職嘗忝
兼榮中執法之司亦蒙真授蓋公嘗為翰林學士兼侍讀學士寶
文閣學士官至侍郎拜中丞銜內不帶權字公為中丞時官已至
侍郎故云亦蒙真授也

紫微詩話

正獻公自同知樞密院出知定州謝上表有云特以百年舊族荷
累聖不貲之恩一介微軀辱主上非常之遇又云謂臣世服近僚
有均休共戚之義察臣旁無厚援絕背公死黨之嫌又云進不敢
希功而生事退不敢弛備以曠官

蘇軾詩話



△表章有宰相氣骨如范堯夫謝自臺官言濮王事責安州通判表云內外皆君父之至慈出處蓋臣子之常節又青州劉丞相罷省官謝起知滑州表云視人郡章或有驚畏諭上恩旨罔不歡欣又云詔令明具止於奉行德澤汪洋易於宣究愛其語整暇有大臣氣象劉丞相守鄆謝表云雖進退必由其道所願學者古人顧功烈如此其卑終難收於士論此真罷相表也

范文正公岳陽樓記有云先天下之憂而憂後天下之樂而樂其
後東坡行忠宣公辭免批答徑用此語云吾聞之乃烈考曰君子
先天下之憂而憂後天下之樂而樂雖聖人復起不易斯言卿將
書之紳銘之盤盂以為一言而可以終身行之者歟則今茲爰立
之命乃所以委重投艱而已又何辭乎其後忠宣上遺表亦用之
云蓋嘗先天下之憂期不負聖人之學此先臣所以教子而微臣
資以事君此又述批答之意亦前所未見也

齊東野語

劉平石元孫既為吳賊所敗邊威益削時夏竦守涇原乃拜章求
罷兵柄其畧曰惟保定之窮邊稽有唐之前制選兼鄭滑旁總邠
寧領北平三軍洎安西四鎮精鎧五萬具裝九千秀實之出奇兵
馬璘之提禁旅禦茲西寇尚或無功而况營府久荒樓雉重葺依
然狐兔之藪莫覲貔虎之師臣受畧之辰便議營繕城纒板築地
已東堅方卜中春再程庶役又以小羗負德積歲造謀跨竇融之
故區有呼韓之舊地廣募凶黨十倍賊庭若不縻之以恩則當較
之以計方將博求跳盪精練師徒竊李牧雁門之機希羊祜終南
之算俟釁為動持重以須不需百級之勞冀成歲月之效豈意隣



城狃於常勝大將墮於奸謀忽沮我師數增賊勢改襲犀兕屬厭
餓糧四校驚嗟三秦震駭用儒不效在理已明又曰朝那平地祆
巢密迺回中川閣賊逕交通以四萬甲兵備六十城寨排列險隘
則用軍忌分聚致要衝又固圉斯闕以寡制敵未知永圖又曰資
性憂畏歷官艱難傷弓之禽聞虛弦而破膽逸網之獸肯垂蔓以
殞心由是數為言事改換其語以為謔封章傳布漏泄近機復引
破膽殞心之句為怯懦持甚示狄以弱不復原其自叙歷官艱難
之意後乃詔邊臣事有干機密者並得實封以聞竦文思精敏善
於叙事傳其章疏徧於天下亦頗以此為累焉儒林公議

治平中英宗患歷代史繁多難見令司馬溫公編進君臣事跡溫
公請置局辟官薦劉恕道原劉放貢父趙君錫無愧而無愧以親
老辭後又辟范淳父在局遂成一代書成則進上神宗賜名資治
通鑑元豐未進五代紀而書成遷公資政殿學士除淳父秘書省
正字為賞典時道原已前死貢父方貶官衡州也元祐初溫公還
朝作門下侍郎用宰相蔡持正劄子方下國子監開板杭州雕造
劇致工也令溫公門下士及館職校雕之板成遍賜宰執侍從及
校讎官各以表謝獨芸叟表能盡著書始終今載於此畧見通鑑
本末焉畧曰英宗皇帝患學者不能遍窺况人主何暇周覽思有

所述頗難其人。疇若臣哉。莫如光者。神宗皇帝揮宸翰以錫名勅。經筵而進讀。目為通鑑。時則弗迷。資彼治原。捨茲安出。又曰上下馳騁於數千載間。出入相隨於十九年內。尚假言官之督責。熟諳里俗之謗誣。卒成一代之書。仰副兩朝之志。雖古者興亡事迹。固已粲然。而光之筋力精神。於此盡矣。又曰。旅遊東國。嘗屢欲於斯文。留滯周南。遂克終於先業。嗟君臣之際遇。已極丹青。何父子之淪亡。忽悲風露。云云張芸叟又有詩謝范學士淳父云。通鑑初成。賜近臣不遺踈賤。事恩均。我投湘水五千里。君滯周南二十春。東觀汗青身是夢。西齋削藁事如新。細思當日脩書者。祇有三人今。二人謂劉貢父道原范淳父也。淳父時為講筵。芸叟為臺官也。

林敏功子仁年十六預鄉薦下第歸杜門不出者二十年元符末
詔徵不赴與弟敏修居比鄰終老以文字相友善敏修亦終身不
舉進士世號二林政和中林震為郡守謂吾宗有隱君子出郊見
之還朝舉其隱德賜號高隱處士旌表其門子仁謝表云自是難
陪英俊之遊何敢妄意高尚之事臥牛衣而待旦寒如之何搔鶴
髮以興懷老其將至

尚友錄

蔡天啓紹聖元符間為中書舍人嘗與元祐諸公遊遂遭斥逐嘗
守睦州到任謝表有曰城譙間寂一葉落而知秋島嶼縈迴二水
合而成字陳藻詩話

熙寧三年曾宣靖為昭文相以疾乞解機政久之除守司空侍中
河陽三城節度使集禧觀使王文恭為內相當制進草神宗讀至
高旗鉅節遙臨踐土之邦閭館珍臺獨揖浮邱之袂顧文恭笑云
此句甚熟想備下多時文恭云誠如聖訓歸語其子仲修云吾自
聞魯公丐去即辨此一聯嘆服上之精鑿如此

揮麈餘話

神宗自穎王即位元豐中升穎州為順昌軍節鎮時元厚之罷叅
政作穎守令郡守老儒士胡士彥作謝表公覽之以筆抹去疾書
其紙背一揮而成畧曰燾土立社是開王者之封乘龍御天厥應
聖人之作按圖雖舊錫命維新又曰興言駿命之慶基宜建中軍
之望府謂文武之德聖而順唐虞之道明而昌合為嘉名以侈舊
服

再四六話


元豐改官制新作尚書省車駕臨幸自令僕尚書侍郎以降各分
省戶皆命翰林待詔書周官一篇於廳壁蘇子容為謝表云三朝
漢省已叨過輦之恩六典周官願謹書屏之戒當時稱之沈作喆
萬簡



集賢院學士故事不分高下但以為名而品秩自從其官然在學士之列視待制則為優故元厚之以天章閣待制知南京仁宗即位亦特換授是歲遷龍圖閣直學士知廣州蘇子容罷知制誥知亳州再遇赦遂復此職嘗請別其一作共品秩不報故其謝表云惟麗正圖書之府盛開元禮樂之司在外館之地則為閒正學士之名則已重先朝著令或自二府公台而踐更近例遷官皆由兩省丞郎而兼領又云惟其恩數之優當有官儀之別亦嘗自言於公府豈敢取必於僉諧石林燕語

正郎初遇郊止得蔭子不及他親法也元祐中黃魯直應任子特請於朝捨子而先姪後遂為例東坡薦黃自代之詞瑰琦之文妙絕當世孝友之行追配古人今士夫當郊該蔭補而累奏其子者有之

清波雜誌



李端叔之儀趙郡人。以才學聞於世。弟之純亦以政事顯。名兄弟
頡頏於元祐間。端叔於尺牘尤工。東坡先生稱之。范忠宣公疾篤
口授其指令作遺表。上讀之悲愴之餘。稱賞不已。欲召用之。而蔡
元長入相。時事大變。且興獄治。遺表中語端叔坐除名。紹興中趙
元鎮作相。重脩秦陵實錄。書成加恩。呂居仁在玉堂。取其中一對
云。惟宣仁之誣謗未明。致哲廟之英一作陰靈不顯。於麻制中。時人
以為用語親切。不以蹈襲為非也。揮麈後錄

△ 范蜀公六十三歲致政歸第後十餘年上欲起之者再三蜀公表
謝云六十三而告老。蓋不待年七十五而復來。孰云中禮。朝廷無
以強竟從其請。范公稱過庭錄

△ 范淳父為其叔祖景仁草進樂表云法已亡于千載之後。聲欲求于千載之前。事為至難。理若有待。又為呂正獻草遺表云才力綿薄。豈期位列于三公。疾瘵嬰纏。敢望年踰于七十。世謂能道二公胷中事也。

手
四六話

劉丞相莘老初拜右僕射表略曰命相之難為邦所重維皇盛世
尤慎此官君臣賡歌今百三十載勲業繼踵裁五十二人劉公拜
相實元祐五年庚午距今紹興十年庚申五十年矣繼踵為相者
又二十有八人通前共八十人焉

却掃編

劉丞相萃老罷相自鄆徙青謝表云東方大國莫如鄆青微臣何
人繼為帥守趙清憲正夫自禮部侍郎除中司謝表云省部六曹
禮為清選憲臺三院丞總大剛四六談塵

沈存中緣永樂陷沒謫官久之元祐中復官分司以表謝曰洪造
與物難回霜霰之餘聖恩及臣更過天地之加又曰雖奮竭之心
難伸於已廢之日惟忠孝之志敢忘於未死之前皆新語也

四六話



滕元發光祿受知神宗最在諸公之先以議政與荆公不合遂出
為帥又以妻黨李逢事謫知池安二州既罷安州許朝見至國門
將復用之又中飛語再謫知筠州是時尚艤舟國東普照寺也先
子實公之客是時在京師托撰陳情表自辨先子為公草之盡載
于此曰人情不問賢愚莫不畏天而嚴父然而疾痛則呼父窮窘
則號天蓋情發于中而言無所擇豈以號呼之故謂無嚴畏之心
今臣之所患不止於疾痛而所憂有甚於窮窘若不號呼於君父
更將赴愬於何人伏望聖慈少加矜察臣本無學術亦無材能惟
有忠義之心生而自許昔季文子見有禮於君者事之如孝子之

養父母也。見無禮於君者，誅之如鷹鷂之逐鳥雀也。臣雖不肖，允蹈斯言。但信道直行，謂人如己。既恃深知于聖主，肯復借交於衆人。任其踈愚，積成舊怨。一日離去左右，十有餘年。攻臣之言，何所不有。偶因疑似，直欲中傷。至如臣頃在京東，謬當帥路，材微任重，祿過災生。驗凶人始造謀之年，乃愚臣未到任之日。其時陛下特遣遣臣親信，就以體量。在于臣身，並無誑誤。言事之臣，不知本末，或罔臣以失察，或誣臣以黨奸。欲于寬大之朝，為臣終身之累。幸賴聖君之照鑒，力排衆議，以保全。爰自偏州，漸移節鎮。昨因考滿，許赴闕廷。中書既不外除，交代又已到任。官為近侍，理合朝參。實欲叙愚臣久蒙含垢之恩，謝陛下稍復善藩之賜。况臣素無黨援，惟祈一望清光。今者纔入國門，復除江郡。戀闕之心，徒切。見君之日，無期。拜命傍徨，不知所措。尋觀誥意，復頒裝錢。方悟此行，非緣重譴。臣是以敢陳危懼，上冒天聰。輒希行葦之仁，曲軫遺簪之眷。竊緣筠州闕次，尚在來春。鄉里田園，素來微薄。家貧累重，四方無歸。臣非敢別有僥覬，更求錄用。但患難之後，積憂傷心。風波之間，畏怖成疾。伏望皇帝陛下，愍餘生之無幾，究前日之異恩。改授臣穎壽湖潤一郡，稍便醫藥。漸謀歸休。異日復得以枯朽之餘，一瞻天日之表。然後退歸田里，歌詠太平。自述臣子之遭逢，歸詫鄉隣之父。

老區區之願。永畢於斯。滕公讀至戀闕之心。徒切見君之日無期。起執先子手。揮涕曰。此予心欲言而不可得者也。表入神宗大悅。以滕公知湖州。湖乃公所乞也。是時林子中作禮部員外郎。與公壻。何洵直。邦彥同曹。聞滕公得湖州。以詩賀。邦彥曰。清風樓下兩溪春。三十餘年一夢新。欲識玉皇香案吏。水晶宮主謫仙人。謂公初登第時。倅湖州。距是三十年矣。年四六話

華陽賀老人星見表曰。金行貫序。顯氣肅乎西成。珠緯躔空。祥輝麗乎南極。又曰。薦人君之壽。既稽元命之圖。表天下之安。又載西京之志。一時慶語。無出其右。辭學指南

四六貴出新意然用景太多而氣格低弱則類俳矣惟用景而不失朝廷氣象語劇豪壯而不怒張得從容中和之道然後為工王岐公作慈聖皇后山陵使掩壙慰表云雁飛銀漢雖閱景於千齡龍繞青山終儲祥於百世滕元發乞致仕表云雲霄鴻去免雁贈繳之施野渡舟橫無復風波之懼呂太尉謝賜神宗御集表云鳳生而五色帳丹穴之已遙龍藏於九淵驚驪珠之忽得凡此之類皆以氣勝與語勝也

再公四六話

王荆公與吳冲卿丞相同年同歲又修婚姻之好熙寧中越兩制

舊人三十餘輩用為三司使樞密使副又薦代已為相已為相冲

卿遂擺其跡欲與荆公異力薦與荆公論事貶斥之人如呂晦叔

李公擇程伯淳還朝又欲稍變新法及力言荆公家事荆公兄弟不和事

荆公去而不復召者冲卿力也公在金陵熟聞之因中使傳宣撫

問以表謝曰晚由樸學上誤聖知智曾昧於保身忠每懷於報國

讒誣甚巧竊憂解免之難危拙更安特荷眷憐之至况遠跡久孤

之地實適言易間之時而離明昭哲於隱微解澤頻繁於䟽迹所

謂適言易間乃謂冲卿也未幾冲卿薨於位公作挽詞云氣鍾舊

國山川秀者譏其鄉里本建州也 五
四六話

齊齋倪公曰荆公表云旌旃指燕及氏羗樓櫓相望誕彌河隴
此摘取詩語兩字用之前輩多如此 辭學指南


陸宣公隨德宗自奉天還闕興元元年下悔過制書曰失守宗祧
越在草莽不念率德誠莫追於既往永言思咎期有復於將來明
徵其義以示天下其後荆公罷相守金陵謝上表末云經體贊元
廢任莫追於既往承流宣化收功尚冀於將來用宣公語意乃知
文章師承未有無從來者也

王荆公在金陵有中使傳宣撫問并賜銀合茶藥令中外各作一表既具藁無可於公意者公遂自作今見集中其詞云信使恩言有華原隰寶奩珍劑增賁邱園盖五字見四句中言約意盡衆以為不及也

四六談麈

熊伯通任金陵為王荆公幕府官代公作立貴妃表云有警戒相承之道無險詖私謁之心荆公取而用之後人因用此一聯相承不已

西公四六話



譚昉曲江人荆公少年仕宦韶州之友也特善牋表荆公在金陵
稱其一對云車斜韻險競病聲難競病二字曹景宗故事也白樂
天與元微之書曰何處春深好詩以斜車二字為韻往來幾百篇

宰臣呂大防等言。昨奉聖旨。宣諭皇帝納后有期。已令入內侍省。檢舉施行者。伏以蓬山啟夏。渭涘興周。于胥度土之辰。親迎造舟之地。若稽盛典。適契亨期。將開前寢之模。宜謹曲臺之議。恭惟皇帝陛下。天錫仁孝。日新光明。躬親萬幾。雖稟東朝之訓。表帥九御。尚虛中壺之尊。伊欲迓于家邦。必先正其服位。太皇太后殿下。念宗祊之奉。篤風教之先。歷詢慶門。咨求淑媛。將協定祥之兆。當陳備物之嚴。嘉命惟行。體二儀之判合。舊章可舉。在六禮之親成。自納采至於告期。繇命使訖乎上禮。車服有等。幣贄有常。古今相沿。方冊具載。臣等不勝大願。伏望誕頒明詔。豫敕奉常。考沿革於前。

王參節文於通禮制為成式付在有司。袞冕穀圭益重謹婚之義。金根駟馬悉全象物之宜足以軌有命之自天。知得賢之配聖善承億載流化萬方。凡在懷生率同大慶。太皇亦降答詔前輩謂元祐納后禮制視天聖景祐討論特為詳備。清波雜誌

九金聚粹共圖魑魅之形。孤紉埋光尚節斗牛之氣。此呂惠卿表也。邪人指正人為邪人如此人主何以辨之。鶴林玉露

△ 呂吉甫問客蘇子瞻文詞似何人客揣摩其意答之曰似蘇秦張儀呂笑曰秦之文高矣儀固不能望子瞻亦不能也徐自誦其表語云面折馬光於講筵廷辨韓琦之奏疏甚有自得之色客不敢問而退

老學庵筆記

惠卿之謫也。劉貢父當草制，引疾而出。東坡一揮而就，不日傳都下。紙為之貴，紹聖牽復，知江寧府所作謝表，句句論辯，惟至發其私書，則云自省於己，莫知其端，又自敘云：「願惟妄論，何裨當日之朝廷。」徒使煩言有黷在天之君。父觀此一言，使其得志，必殺二蘇無疑矣。蓋當時論列多出子由，而謫詞則東坡當筆也。

朱弁
曲洧舊聞

子瞻與吉甫同在館中吉甫既為介甫腹心進用而子瞻外補遂
為仇讎矣元祐初子由作右司諫論吉甫之罪莫非蠹國殘民至
比之呂布自資政殿大學士貶節度副使安置建州而子瞻作中
書舍人行謫詞又劇口詆之號為元凶吉甫既至建州謝表末曰
龍鱗鳳翼固絕望於攀援蟲臂鼠肝一冥心於造化以子瞻兄弟
與我所爭者蟲臂鼠肝而已子瞻見此表於邸報笑曰福建子難
容終會作文字

再四六話

呂吉甫自罷叅知政事最為優蹇元祐間貶為散官居於建州凡
十年再見紹聖固當預政章子厚蔡元度先得路百計逐之老於
為帥繼以蔡元長久據相位以妖人事再貶武昌至張天覺作相
始薦於上皇名為宮使留京師吉甫作謝表云歷官三十八任受
恩雖出於累朝去國四十二年留侍方從於今日

 默記

元章簡公厚之致政表云正至衣冠莫綴通聯之列歲時牛酒尚
需甲令之恩又謝越州表云驅車萬里虛出玉門之關乘駟一麾
幸至會稽之郾謝子耆寧除職表云疲牛抱犢同藟豐草之甘倦
鳥將雛不失上林之樂皆為人稱頌其作王荆公相麻亦世所稱
工然腦詞乃云若礪與舟世莫先於汝作有袞及繡人久佇于公
歸或以為先後失倫四六談塵

△元厚之久作藩郡後聞儂智高餘黨寇二廣移知廣州而所傳乃
妄改知越州厚之謝上表云忽聞羽檄之馳謂有龍編之警橫水
明光之甲得自虛聲雲中赤白之囊倡為危事用李德裕獻替記
伐劉稹栢李石令中人石元貫奏橫水明光之甲曳地何由取他德
裕曰從伊十五里精兵明光甲曳地必須破却此賊後所傳果妄
遂誅劉稹栢焉卷四六話

△唐于公異為李西平作收京城露布云肅清宮禁祇謁寢園鐘虡
不移廟貌如故皆以為工而不知其所自先是傳季友為宋公劉
裕作謁五陵表云山川無改城闕為墟官廟隳頓鐘虡空列又宇
文周平高齊詔曰幽青海岱折簡而來真北河南傳檄可定公異
蓋出此也近世陳履常稱曾南豐表語云鈞陳太微星緯咸若崑
崙瀚海波濤不驚信為奇偉然韓退之先云折木天街星宿清潤
北嶽鑿閭神鬼受職子固亦淵源于此耳世間好語往往壞於相
似前輩要作不經人道語然用意過當反累正氣為文務大體又
似不當如此要自清新簡遠為佳耳

寓簡

先生嘗稱曾子固謝頌朔表臣幸備藩方預聞告朔去親方遠也
驚歲月之新許國雖堅更嘆功名之晚以為妙處全在晚字曾鞏
後身日志



宋四六話三

張洎參政事江南李後主時大臣國亡受知太宗復作輔臣時王
元之禹偁為翰林學士洎手書古律詩兩軸與之元之以啟謝云
追蹤季札辭吳盡變為國風接武韓宣適魯獨明於易象謂其自
他國入中朝也

孟咏與并州劉鈞蠟丸帛書云早歲曾奉尺書遠達睿聽丹素備
陳於翰墨歡盟已保於金蘭洎傳帛伐之嘉音實動輔車之喜色
尋於褒漢添駐師徒只待靈旗之濟師更遣前鋒而出境

宋史世家



豫章潘興嗣家有李後主歸朝後乞潘慎修掌記室手表慎修李
氏之舊臣而興嗣之祖也其表畧云昨因先王臨御問臣頗有舊
人相伴否臣即乞徐元弼元弼方在幼年於箋表素不諳習後來
因出外問得劉鋹曾乞得廣南舊人洪侃今來已蒙遣到徐元弼
其潘慎修更不敢陳乞所有表章臣且勉勵躬親臣已國殘骸死
已無日豈敢別生僥覲干撓天聰只慮章奏之間有失恭慎伏望
睿慈察臣素心其銜位稱檢校太尉右千牛衛上將軍上柱國
隴西郡公食邑千戶後連劄子云奉聖旨光祿寺丞徐元弼右贊
善大夫潘慎修並令往李煜處而楊大年作慎修誌文云喬木不

勝。空悲故國。曳裾王府。猶見故君者。謂此也。李後主手表僕嘗摸
得之。愛其筆札清妙。不凡。兵火亡失已久。因記其梗概焉。後見大
年所作慎修墓誌。乃云。俾事故君。是為上介。思喬木于故國。尚見
世臣。曳長裾於王門。兼掌記室。四六話

△偽蜀翰林學士范禹稱亦嘗冒張姓。謝啟云。昔年上第。誤標張祿之
名。今日故園。復作范睢之裔。然不若文正公之精切。青箱雜記

吳處厚曰近世釋子多務於吟詠惟國初贊寧獨以著書立言尊
崇儒術為事極為王禹偁所激賞與之書曰使聖人之道無傷於
明夷儒家者流不至於迷復儒林公議



淳化元年遣戶部郎中柴成務往使高麗。麗俗信陰陽鬼神之事，頗多拘忌。每朝廷使至，必擇良月吉辰，方具禮受詔。成務在館踰月，乃遺書於治曰：王奕葉藩輔，尊獎王室，凡行大慶，首被徽章。今國家特馳信使，以申殊寵，非止歷川塗之綿邈，亦復蹈溟海之艱危。皇朝賸遇，斯亦隆矣。而乃牽於禁忌，泥於卜數，眩惑日者之浮說，稽緩天子之命書。惟典冊之垂文，非卜祝之能曉。是以書稱上日，不推六甲之元辰；禮載仲冬，但取一陽之嘉會。粲然古訓，足以明稽所宜，改圖速拜。君賜倘鳳，統無滯克。軫拱極之誠，則龍節有輝。免貽辱命之責。謹以誠告。王其圖之。

宋史高麗傳

陶岳商公父也與寇萊公同年岳調密州幕屬寇守密寇且少陶
公就拜講長少禮陶納之後有政謝寇云與韓非同傳於老子何
傷以叔向為兄是仲尼太過侯鯖錄



△ 四六用事固欲切當然雕鐫太過則反傷正氣非出自然也國初
有年八十二而魁大廷者其謝啟云白首窮經少伏生之八歲青
雲得路多太公之二年此語殆近乎俳近有士子年十有_九以詩
賦擢第予為之作啟云年踰賈誼亦濫置於秀才_才齒少陸機顧何
能於文賦蓋二者之年齒相上下也

梁溪漫志

類

陳正敏遜齋間覽梁灝八十二歲雍熙二年狀元及第其謝啟云
白首窮經少伏生之八歲青雲得路多太公之二年後終祕書監
卒年九十餘此語既著士大夫亦以為口實予以國史考之梁公
字太素雍熙二年廷試甲科景德元年以翰林學士知開封府暴
疾卒年四十二子固亦進士甲科至直史館卒年三十三史臣謂
梁方當委遇中途夭謝又云梁之秀穎中道而摧明白如此遜齋
之妄不待攻也

容齋四筆

王禹偁老精四六有同時與之在翰林而大拜者王以啓賀之曰
三神山上曾陪鶴駕之遊六學士中獨有漁翁之艱白樂天曾有
詩云元和六學士五相一漁翁故也

青箱雜記



楊文公億初入館時年甚少故事初授館職必以啓事謝先達時
公啓事有曰朝無絳灌不妨賈誼之少年坐有鄒枚未害相如之
末至一時稱之

却掃編

△ 楊文公為執政所忌母病謁告不俟朝旨徑歸韓城與弟倚居踰
年不調公有啟謝朝中親友曰介推母子願歸棉上之田伯夷弟
兄甘受首陽之餓後除知汝州而希旨言事者攻擊不已公又啟
與親友曰已擠溝壑猶下石而弗休方困疾藜尚關弓而相射青
箱雜記

天聖中劉子儀賀五王出閭啟云芝函曉列星飛降天上之書棣
藜晨趨嶽立受印中之字皆隱用五字王字也

四六話



天聖庚午歲殿試賦題藏珠於淵韻脚八字君子非貴難得之物
是年劉丞相沆中第二人其謝啟云對靈光之殿難含飛動之詞
賦合浦之珠莫叙去來之意能改齋漫錄

丁晉公賤崖時權臣實有力焉後十二年丁以祕監召還光州致
任時權臣出鎮許田丁以啓謝之其略曰三十年門館游從不無
事契一萬里風波往復盡出生成其婉約如此又自夔漕召還知
制誥謝兩府啓二星入蜀難分按察之權五月渡瀘皆是提封之
地後云謹當揣摩往行軌躅前效慎密於孔光不言溫樹體風流
予謝傳惟詠蒼苔

湘山野錄

契丹知王師屢為元昊所敗遣使劉六符蕭英貽書求關南之地
述周世宗取地之後有人神共憤廟社不延之語自謂與元昊素
定君臣之分世為甥舅之親又云殊無忌噐之嫌輒肆殘人之伐
乃遣富弼報聘許歲增金幣以代關南賦輸

儒林公議

真宗朝錢希白賢良方正擢第慶曆中子明逸子飛彥_嘉子高相

繼制舉登科嘉祐末蘇軾弟轍同年制策入等衣冠以為盛事故

子高謝啓曰兩朝之盛相繼者父子十年之間並進者兄弟子瞻

汝州謝表曰兄弟並竊於賢科衣冠或以為盛事而子瞻入等尤


高故啓_謝啓曰誤玷久虛之等希白從孫藻皇祐五年登進士第是

年書判_{一作晚書}中選後十年復登科舉謝啓曰十年三第屢玷於主

司一門四人無替於祖烈澠水燕談錄

錢易希白子彥遠字子高明逸字子飛俱以賢良登科族人蒸醇
老既應說書進士俱中第又應中大科熊伯通以啟賀蒸知制誥
曰七年三第閱賢良文學之科一門四人襲潤色討論之職四人
謂易惟演明逸及蒸也

王公四六話



虞部郎中周仁得監永豐倉有通謁者進士呂中及見之十歲小
兒出一啟為贄仁得讀之有莊周之壑已空。孔緒之車初適。仁得
問孔氏之車出何書乃厲聲呼仁得父祖名化為大鼠入倉而去
錢易洞微志

陳文忠公堯叟字唐夫端拱二年狀元及第文惠公堯佐字希元
端拱二年舉進士第十六人康肅公嘉咨字嘉謨咸平三年狀元
及第三人皆秦國公省華之子也方仲弟希元登第之明年賜緋
與父省華同日改秘書丞故堯夫有啟事云蟾桂驪珠連歲有弟
兄之美魚章象簡同時聯父子之榮吾鄉三洪皆忠宣公皓之子
也兄弟連中詞科紹興十三年忠宣以徽猷學士直翰苑紹興二
十九年其仲子文安公遵始入西省隆興二年文惠公迨繼之乾
道二年文敏公邁又繼之相距首尾二十二年故景廬有謝表云
父子相承四上鑾坡之直弟兄在望三陪鳳閣之游二事實為本

朝儒林榮觀之盛 游宦紀聞

陶穀

曹汾尚書鎮許下其子希翰及第用錢二十萬榜至鎮開賀宴日
張之於側時進士胡錡有發賀略曰桂枝折處著萊子之采衣楊
葉穿時用魯連之舊箭後名第又曰一千里外觀上國之風光
十萬軍前展長安之春色清異錄



仁宗賜進士及第詩云恩袍草色動仙籍桂香浮黃冕仲謝及第
啟全用以為一聯云恩袍色動。迷芳草之依依。仙籍香浮。惹春風
之拂拂。東坡戲之曰好作聞喜燕酸文。

能改齋漫錄

綱素雜記云永叔代王狀元謝啟陸機閱史尚靡識於撐犁。枚舉

皇

屬文徒自成於翫。沈元用啟讀撐犁而靡識敢謂知書問祈招而不知尚慙寡學陸機不識撐犁事竟不知載何書僕謂此見元晏春秋曰予讀匈奴傳不識撐犁孤塗之事有胡奴持燭顧而問之奴曰撐犁天子也言匈奴號撐犁猶漢人稱天子也於是曠然發寤其事亦著藝文類聚要諸書然則不識撐犁者乃皇甫謐非陸機也歐公謂陸機得非別有所據乎

野客叢書

永叔頗聞晏因賦雪詩有語

隱居詩話云晏元獻殊作樞密使一日雪中退朝歐陽修陸經二學士過

之因置酒共賞歐陽修即席賦詩有須憐鐵甲冷徹骨四十餘萬屯邊兵元獻快然不悅

其後歐陽出守青社

晏亦出殿宛邱歐乃作啓叙生平出處以致謝悃其略曰伏念相

公始掌貢舉修以進士而被選掄及當鈞衡又以諫官而蒙獎擢

出門館不爲不舊受恩知不爲不深晏得書即於紙尾作數語授

掌記謄本荅之甚滅裂坐客怪而問焉晏徐曰作荅知舉時一門

生書也意終不平

潘子真詩話


文章有彼此相資之事有彼此相須之對有彼此相須而曾不及
當時事此所以助發意思也唐人方有此格謂之互換格然語猶
拙至後人習用講論而意益妙如楊汝士陪裴晉公東維夜宴詩
曰昔日蘭亭無艷質此時金谷有高人止於此而已至永叔和杜
岐公詩曰元劉事業時無取姚宋篇章世不知二美惟公所兼有
後生何者欲攀追其後蘇明允代人賀永叔作樞密啟曰在漢之
賈誼談論俊美止於諸侯相而陳平之屬寔為三公唐之韓愈詞
氣磊落終於京兆尹而裴度之倫實任相府然陳平裴度未免謂
之不文而韓愈賈生亦嘗悲於不遇蓋人之於世美好必自有倫



而天之於人賦予亦莫能備此又何啻出藍更青研朱益丹也後
至荆公賀韓魏公罷相啟略云國無危疑人以靜一周勃霍光之
於漢能定策而終以致疑姚崇宋璟之於唐善致理而未嘗遭變
記在舊史號為元功固未有獨運廟堂再安社稷弼亮三世教寧
四方岷然在諸公之先煥乎如今日之懿若夫進退之當於義出
入之適其時以彼相方又為特美此又妙矣

四六話

歐陽永叔以讒罷政事呂微仲時為館職與公書曰巧言萋斐徒
成見錦之文雅行委蛇奚玷素絲之節其謹嚴精確如此文忠深
歎服之寓簡



梁書劉杳傳周捨問杳尚書官著紫荷橐相傳云挈橐竟何所出
杳對曰張安世傳持橐簪筆事孝武皇帝數十年韋昭張晏注並
云橐囊也近臣簪筆以待顧問能改齋漫錄劉偉明贈熊本詩云
西清寓直荷為橐左蜀宣風繡作衣蓋用劉杳傳著紫荷橐事張
安世持橐簪筆之意而偉明乃以荷為菱荷之荷何耶歐陽文忠
回吳舍人啓云紅葉翻階直禁垣之清切紫荷持橐陪法從以雍
容又上胥偃啓云白蟬素簡以香生茲馬辟惡紫袷荷橐而備問
最近清光乃知誤非一人然隋樂志尚書錄令僕射朝服綴紫荷
錄令左僕射左荷右僕射吏部尚書右荷此又何耶姑待博識者



又西溪叢語被紫荷索荷囊索即持荷之荷也或以為紫荷囊非也
宋子京云猥挈荷囊預後豹乘皆沿龔之誤如二家所云是歐
宋果誤矣予案晉輿服志八坐尚書荷紫以生紫為袷囊綴之於
服加于左肩昔周公負成王制此服衣至今以為朝服或云漢世
用盛奏事負之以行宋書禮志朝服肩上有紫生袷囊綴之朝服
外俗呼曰紫荷南齊書輿服志紫袷囊名曰契囊世呼為紫荷隋
禮儀志梁制尚書令僕射尚書銅印墨綬朝服納言饋進賢冠佩
水蒼玉腰劍紫荷執笏詳諸書所云則是帶此囊於朝服之外故
云著亦猶世說云謝遏少年時好著紫羅香囊之義也吳曾姚寬
俱惑於挈囊持索之語遂以荷作去聲讀姚又直改著為被如二
公所云是衣紫而負囊也由未見紫袷為囊之制又不知晉宋間
俗呼為紫荷故未免紛々如此歐陽公云紫袷荷囊而備問可謂
真識紫荷者也吳所引綴紫荷事乃禮儀志言後魏之志非樂志
也持索事見趙克國傳非張安世傳而注中亦無韋昭此又劉香
記之不審也

張漢雜記

△謝希深初以奉禮郎鎖廳應進士舉以啟事謁見楊大年有云
○鈴○其○空○上○念○無○君○子○者○解○組○不○顧○公○其○如○蒼○生○何○大○年○自○書○此○四
句於扇曰此文中虎也由是知名

歐陽修歸田錄



△神宗初即位王介中父劉放貢父同考試進士中父以舉人卷子
用小畜字疑畜字與御名同音貢父爭以為非中父不從固以為
御名貢父曰此字非御諱乃中父家之諱也因相詬罵既出試院
御史以為言貢父坐罷同判太常禮院罰銅歸館有啟謝執政云
虛船觸舟快心不怨強弩射市薄命何逃前輩稱其工又貢父謝
京東漕表畧曰不知足而為屨是匪難能懲于羹而吹虀乃非適
變亦薄時之奔競功利者非難耳

神宗嘗謂錢穆父少師曰知與高麗王書云免諸梁陰陽之患悅
滕文哭泣之哀可謂得體矣
李忠定公集

國家圖書館 NATIONAL CENTRAL LIBRARY, TAIWAN, R.O.C.

王欽臣除太僕卿東坡賀啓有云萬事不理問伯始而可知三篋
若亡問一作安世而一作猶在其後孔平仲賀蘇子容頌吏部尚
書復云萬事不理當問胡公三篋若詢亡請詢安世方勺洵宅編




鄭毅夫自負時名國子監以第五人選意甚不平謝主司啟詞有
李廣事業自謂無雙杜牧文章止得第五之句又云騏驎已老甘
駕馬以先之巨鰲不靈因頑石之在上主司深銜之他日廷策主
司復為攷官必欲黜落以報其不遜有試業似獬者枉遭斥逐既
而發考卷則獬乃第一人及第

沈氏夢溪筆談

△ 滕元發甫賀正獻呂公拜相啟云玉璫釣瀨家傳渭水之符金鼎
調元代出山東之榭又云寰區大抃盡還仁祖之風朝野一詞復
見申公之政當時稱誦之

能改齋漫錄



王荆公父名益以都官員外郎通守金陵而元厚之作金陵幕官其契分久矣荆公既相神宗欲慎選翰林學士時厚之久在外老於從官荆公對曰有真翰林學士但恐陛下不能用耳上固問之因道姓名上久之曰元絳在外久不以文稱且令為制誥如何荆公曰陛下果不能用耳况已作龍圖閣直學士難下遷知制誥遂自外徑除翰林學士中外大驚既就列有稱職之譽不久遂參大政故厚之深德荆公其後荆公居金陵厚之以太子少保致仕歸平江以啟謝荆公曰眷林泉之樂方遂乞骸望衮繡之歸徒深引

先子嘗言王荊公作相天下士以文字頌其道德勲業者不可以數計也。如陳祥道啟曰：六經之書得孔子而備，六經之理得先生而明。王禹玉作除相麻詞曰：至學窮于聖原，貴名薄於天下。熊伯通賀啟曰：燭照數計，洞九變之本原。王振金聲，破千齡之理鬱。又曰：永惟卓偉之烈，絕出古今之時。鄧溫伯作白麻曰：道德合符乎古人，學問為法于海內。越升冢宰，大熙衆功。力行所學而朝以不疑，謀合至神而人莫為間。若此者，劇多然不若子瞻贈太傅誥曰：浮雲何有，脫屣如遺。此兩句乃能真道荊公出處妙處也。人謂中含譏切恐大不然。

元豐末劉誼以論常平不便罷提舉官勒停遊金陵以啟投王荆
公令其再起稍更新法之不便于民者荆公答以啟略曰起於不
得已。蓋將有行老而無能為云胡不止。 四六話



呂惠卿與王荊公相失。惠卿服除，荊公為宮使居鍾山，以啟講和。荊公謝之，今具載于此。呂書曰：惠卿啟合乃相從，疑有殊于天屬。析雖或使，殆不自於人為。然以情論形，則已析者宜難于復合。以道致命，則自天者詎知其不人。如某叨蒙一臂之交，謬意同心之列，忘懷履坦，失戒同戲。關弓之泣，非踈躓足之辭，未已。而溢言皆達，弗氣並生。既莫知其所終，茲不疑于有敵。而門牆責善，數移兩解之書。殿陛對休，親奉再和之詔，固其願也。方且圖之，重罹苦塊之憂。遂稽竿牘之獻，然以言乎昔，則一朝之過，不足害平生之懽。以言乎今，則八年之間，亦將隨數化之改。內省涼薄，尚無細故之

慙仰揆高明。夫何舊惡之念。恭惟觀文特進相公知德之奧。達命之情。親踈冥於所同。憎愛融于不有。冰炭之息。豁然僅示於至恩。桑榆之收。繼此請圖于改事。側躬以待。惟命之從。東軒筆錄

廖明友略作四六最為高竒。嘗謂僕言須要古人好語。換却陳言。如職名二字。便不可入四六。如上表云。初見吏民。已宣條教之類。真可惜。惡爾明略。賀安厚卿啟曰。遠離門牆。遁迹江湖之外。闕望麾葆。榮光河洛之間。又賀張丞相啟云。中台之光。下飾萬物。前者之畫外制。四夷方進有德。而朝廷尊。用真儒。而天下服。又云。日月亭午。信無邪陰。山川出雲。亟有時雨。又謝厚卿答書之啟云。寂寞江濱。若戎車之陷淖。棲遲嵩品。信塞馬之依風。暉然晨光。照此節屋。許安世少張自蜀。漕責房州。倅謝執政啟云。賤貧于有道之邦。自知愧耻。負犯于可封之日。無足哀矜。議者謂引咎歸已。不文過以

自矜得責降之義  四六話

林自為太學博士上章相子厚啟云伏惟門下相公有猷有為無相無作子厚在漏舍因與執政語及大罵云這漢敢亂道如此蔡元度曰無相無作雖出佛書然荆公字說嘗引之恐亦可用子厚復大罵曰荆公亦不曾奉勅許亂道况林自乎坐皆默然

老學菴

筆記

曾魯公雖年八十筆勢尚雄曾子宣謫守鄱陽手寫一束慰之云
扶搖方遠六月不得不息消長以道七日自當來復楊經臣維嘗
受而誦之曰此非知其然而為之神驅於氣使為之也 五月四六
話



曾魯公識度精審達練治體當其在中書方天下奏報紛紜雖日
月曠久未嘗有廢忘之者其為文章尤長於四六雖造次東牘亦
屬對精切曾布為三司使論市易事被黜曾公有東別之略曰塞
翁失馬今未足悲楚相斷蛇後必為福曾赴饒州道過金陵為荆
公誦之亦歎愛不已

東軒筆錄

毛澤民啟云揚子雲貌寢官卑絰雖元而謂白九方堙機深識妙
馬本驪而為黃李清御啟云斯風和泯則朝取溫造而暮拔石洪
吾道不行則近舍皇甫而遠求居易困學紀聞



△ 文之所以貴對偶者謂出于自然非假於牽強也潘子真詩話記
禹玉元豐間以錢二萬酒十壺餉呂夢得夢得作啟謝之有白水
真人青州從事禹玉歎賞為其切題後毛達可有謝人惠酒啟云
食窮三載曾無白水之真人出錢百壺安得青州之從事此用夢
得語尤為無功非惟出于剽切亦是白水真人為虛設也至若東
坡得章質夫書遺酒六瓶書至而酒亡因作詩寄之曰豈意青州
六從事化為烏有一先生二句渾然絕無斧鑿痕更為真切後齋

△ 蔡持正既孤居陳州鄭毅夫冠多士通判州事從毅夫作賦吳處
厚與毅夫同年得汀州司理來謁毅夫間與持正遊明年持正登
科寔顯于朝矣處厚辭王荆公薦去從滕元發薛師正辟于中山
大忤荆公抑不得進元豐初師正薦於王禹玉甚蒙知遇已而持
正登庸處厚乞憐頗甚賀啟云播告大廷延登右弼釋天下霖雨
之望慰海內巖石之瞻帝渥俯臨輿情共慶共惟集賢相公道包
康濟業茂贊襄秉一德以亮庶工邊羣邪以持百度始進陪于國
論俄列俾於政綏論道於黃閣之中致身於青霄之上竊以閩川
出相今始五人蔡氏登庸古惟二士澤于秦而騁辯汲汲霸圖義

輔漢以明經區區暮齒孰若遇休明之運當強仕之年尊主庇民
已陟槐廷之貴代天理物遂躋鼎名之崇處厚早辱埏陶竊深欣
躍稀苓馬勃敢希乎良鑿之求木屑竹頭願充乎大匠之用然持
正終無汲引之意

揮塵三錄

林文節子中以啟賀東坡入翰苑曰父子以文章名世蓋淵雲司
馬之才兄弟以方正決科邁是董公孫之學

清波雜志



跋袁光祿戲與東坡同官事蹟時羅公齊為杭之貳車有啓云談
笑風雲咳吐珠玉弟兄射策有機雪慷慨之風父子談經無歎向
異同之論是故名動四海號稱三蘇亦為世所深知攻媿集

表啟中最以短句中四字為難以其語少而意多因舊為新涵不
盡無窮意故也前人之語能稱此格者如劉原父謝館職啟整齊
百家是正六藝元厚之謝表云埴麓萬民金玉百度彭器資上辭
子厚啟報國丹心憂時白髮舒信道謝復官表九幽路曉萬蟄戶
開蓋可傳載諷味者尤難也

賴

毛憲守長沙謝平原云湖南之地二千里序詩幸託於昌黎平原
之客十九人脫賴願同於毛遂

困學紀聞

國家圖書館 NATIONAL CENTRAL LIBRARY, TAIWAN, R.O.C.

劉斯立 跋
草老丞相長子賢而能文建中靖國間丞相追復斯立
以啟謝諸公云晚歲離騷旋招魂于異域平生精爽猶見夢于故
人能改齊漫錄

國家圖書館 NATIONAL CENTRAL LIBRARY, TAIWAN, R.O.C.

陸益中德先解人宣和再為中執法閨門孝友嘗彈蔡條范丞相
建炎間答其啟云久居言路抨彈多權貴之臣屢掌文衡登拔皆
純正之士范射策日陸曾謂其不純正舒起居清國詞也四六談
塵



終慎思者大名人家貧能苦學衣冠故敝風貌復寢陋始未應舉
魏之舉人儕伍中視之蔑如也既就試遂為解首其謝解啟略曰
三年於此衆人皆指笑乎毛生一軍皆驚大將果終歸于韓信又
董儲郎中憫其窮窘嘗以書薦于士人之富者庶幾濡其涸轍而
彼人者殊無哀王孫之意終子乃取書歸復而具啟納于董生曰
魯箭高飛謂聊城之必下秦都不割懷趙璧以空歸人多嘉其切
當也

董生
墨客揮犀

▲任博夫忠厚元祐紹聖間有聲太學後坐上書入籍流落不調者
久之有投時相啟云籠中翦羽仰看百鳥之翔岸側沉舟坐閱千
帆之過能改齊漫錄

司馬溫公還朝作門下侍郎至大拜四方賓客賀啟語稍過重者必以書謝卻而還之者至多吳處厚為太常博士啟賀公曰伏以賢國之基用其賢所以固國忠民之望擢其忠乃以得民制命一頒輿情共悅恭惟某官道高致主德裕庇民磨涅而堅白弗渝用舍而行歲自遂著龜先見昔已推其至誠松柏後凋今乃顯其孤搢方當倚注之際勉率奮熙之功庶令四海風謠播休聲而不已千秋史策傳茂實以無窮溫公手東還之曰稱譽太過不敢克當處厚復啟納之曰處厚前日喜公拜命無階踵賀輒貢短啟叙致悃悞伏蒙謙損特甚乃謂稱譽太過不敢克當即時封還使處厚

既報且惕逃罪無地比欲置而弗再然又以前啟凡二十句止百
餘字字皆撫實而言殆無半語虛飾故首敘國家輔佐須以忠賢
為本而選用必先從民之望如此則國家安而民悅若公之進退
出處謂之忠賢即非耶今既大用然則天下之人悅乎故啟稱用
賢所以固國擢忠乃以得民蓋謂是也又公在先朝專以正道輔
拂故啟稱道高致主專欲惠養元元故啟稱德裕庇民久居散地
未嘗隕獲故啟稱磨涅而堅白弗渝力辭貴位略不絆戀故啟稱
用舍而行歲自遂往日之明則可謂著龜之先見今日之事則足
見松柏之後凋然處厚復以大名之下其寔難副故又愛公而中
勸之曰方當倚注之際勉率奮熙之功則庶幾四海風謠播休聲
而不已千秋史策傳茂實以無窮蓋此等事又在卒功終譽之後
當俟他日見之乃知此啟並無愧辭今再遣一介仰塵左右伏惟
台慈特賜收留溫公乃受馬因備書此段以見溫公之謙德每如
是也

△ 晉人所謂不意永嘉之末復聞正始之音永嘉正始乃魏晉年名
胡武平上呂丞相啟云手提天鐸鏘正始之遺音夢授神椽擯奪
朱之亂色蓋不悟正始為年名也

老學菴筆記



東坡帥定武有武臣狀極朴陋以啟事獻坡讀之甚喜曰奇文也
客退以示幕客李端叔問何者最為佳句端叔曰獨開一府收徐
庾於幕中並用五材走孫吳於堂下此佳句也坡曰非君誰識之
者端叔笑謂坡曰視此郎眉宇間決無是語得無假諸人乎坡曰
使其果然固亦具眼矣即為具名之與之語甚歡一府皆驚竹坡
老人周少隱紫芝聞之李端叔嘗記其事梁溪漫志

東坡詞源如長江大河洶湧奔放瞬息千里可駭可愕而於用事對偶精妙切當人不可及如張子野買妾詩全用張氏事祭徐君猷文全用徐氏事送李方叔下第詩用古戰場日五色皆當家事殆如天成徐君猷孟亨之皆不飲作詩戲之用徐邈孟嘉飲酒事仍各舉當時全語以為對其通守餘杭日答高麗使私覲狀云歸時事於宰旅方勞遠勤發私幣於公卿亦蒙見及發幣一事非外夷使者致饋之故實乎

梁谿漫志

琵琶行云家在蝦蟆陵下住予按國史補云舊說董仲舒墓門下
人至皆下馬故謂之下馬陵語訛為蝦蟆陵故東坡詩云隻雞敢
安喬公語下馬聊尋董相墳又謝徐朝奉啟云過而下馬空瞻董
相之陵盖用此事

嚴有翼
藝苑雌黃



東坡嶺外歸與人啟云七年遠謫不自意全萬里生還適有天幸
所視字皆漢人語也又黃門謝復官表一毫以上皆出于帝恩累
歲偷安有慙于公議秋毫以上皆帝力也用張教語四六談塵



陳後山無已賀梁右轄啟云辭榮道祿雖自計之甚都挈國躋民
如人望之未已四六談麈

國家圖書館, NATIONAL CENTRAL LIBRARY, TAIWAN, R.O.C.



秦少游觀在元祐諸館職最後自校對黃本書籍方除正字以啟
謝諸公當時稱之用三國志蜀秦宓博識諸葛孔明呼為學士唐
詩人秦系自號東海釣鰲客張建封始署為校書郎少游用此當
家二故事作啟略云切觀前史具見鄙宗西蜀中郎孔明呼為學
士東海釣客建封任以校書雖為將相之品題且匪朝廷之選用
夫何寡陋遠爾遭逢

先子嘗言四六須只當人可用他處不可使方為有工卻饒自陝
西運使移知鄧州先子以啟賀之云教實自西浸被南明之國民
將愛父疇興前古之歌乃邵氏自陝移鄧之啟也

四六話



唐張籍用裴晉公薦為國子博士而東平帥李師道辟為從事籍
賦節婦吟見志以辭之云君知妾有夫贈妾雙明珠感君纏綿意
繫在紅羅襦妾家高樓連苑起良人持戟明光裏知公用心如日
月事夫誓擬同生死還君明珠雙淚垂何不相逢未嫁時先子元
祐中除知陳留縣唐君益帥荆南方董辰沅邊事辟先子通判沅
州先子已得陳留而辭之以啟謝君益曰抱壁懷沽雖免匹夫之
罪還珠自歎空成節婦之吟

顧起敦詩罷臺官久之得太原倅與先子同官素相好也敦詩作
火山軍試官歸詫得人且言其解頭作謝啟甚工云夢蘆中之鹿
奚辨其真探領下之珠適遭其睡先子戲謂敦詩曰主文何太恍

惚耶 月廿四六話



邢惇夫以詩寄無已無已和云漢廷用少公何在不使羣飛接羽
翰今代貴人須白髮掛冠高處未宜彈盖元祐之初多用老成故
也又除官一篇云扶老趨嚴詔徐行及聖時端能幾字正敢恨十
年遲肯復金根繆寧辭乳媪譏向來憂畏斷不盡鹿門期或云才
得一正字亦未須云趨嚴詔後作謝啟復云名雖文字之選寔為
將相之儲又云頭童齒豁敢辭乳媪之譏聞淺見輕益畏金根之

繆
王直方詩話

曾丞相子宣三直玉堂作牋表有氣而備朝廷體其賀章子厚復
資政啟曰浩若江海風波莫之動搖屹如棟梁虺蜺無以傾撓其
自南遷歸丹陽聞之大觀元會作表以賀略云九賓其在列鏘劍珮
而肅鴛鸞五輅在庭明旂常而載日月蓋雖老而文字不衰亦久
在朝居文字職習性也

韓子蒼為舍人曾公袞以啟賀之韓答云舊知四六之工彌起再
三之嘆曾為浙漕謝先公啟云蒸出芝菌猶能為瑞世之祥收之
桑榆亦未嘆逢時之晚四六談塵

孫元中啟事云好事多艱酒散時念揚雄之句諸公盡登臺省講
憐鄭老之窮對偶亦新奇

三山老人語錄

國家圖書館 NATIONAL CENTRAL LIBRARY, TAIWAN, R.O.C.

王文恪公陶嘗言四六如蕭條二字須對綽約與據鞍矍鑠須對攬轡澄清若不協韻則不名為聲律矣文恪謝正字啟略云雕蟲篆刻童子尚眦于壯夫血指汗顏拙者徒羞于巧匠又謝自陳移守許表一聯云有汲黯之直未死淮陽之郊無黃霸之才願老潁川之守謂陳州淮陽郡許州乃潁川郡黃霸自潁川入為三公而我

不敢頷也用事親切有工類如此

四六話

韓子華丞相兄弟將相貴仕為潁川甲族罷相後得帥鄉郡文恪
賀啟曰夙推荀氏之龍重致潁川之鳳謂荀氏八龍及黃霸守潁
川致鳳凰之瑞也

年廿四六話



沈晦元用宣和間以代筆獲罪既脫籍遂中首選時廷問易數元
用素留意遂中第一人有啟謝主文孫仲益孫答云偶一時困刀
筆於吏前不崇朝動聲名于天下雖萬人吾往矣非特掉三寸之
舌於十九人之中借前箸以籌之故能知一日之差在八百年之
後謂此也劉方明昉謂余云宣和辛丑歲當廷試是時已備易數
為問偶方臘為亂議者謂當求直言徽宗因封秘問題以待後舉
故梁師成得之以授沈故沈有素備能改齊漫錄

宋四六話四

真宗皇帝祀汾而還駕過伊闕親灑宸翰為銘勒石文不加點羣臣皆呼萬歲其文曰夫結而為山融而為谷設險阻於地理資守距于國都足以表坤載之無疆示神州之大壯者也矧復洪源南導高岸中分夏禹濬川初通闕塞周成相宅肇建王城風雨所交形勢斯在靈葩珍木接畛而揚芬盤石檻泉奔流而激響寶塔千尺蒼崖萬尋秘等覺之真身刻大雄之尊像豈獨勝遊之是屬故亦景貺之潛符躬薦兩圭祝汾陰而祈民福言旋六轡臨雒宅而觀土風既周覽于名區乃刊文于真石銘曰高闕魏義羣山逸選

乃固王城城是通伊水形勝居多英靈萃止螺髻偏摩雁塔高峙奠
玉河濱回輿山趾鳴蹕再臨貞珉斯紀風紀風紀小牘

△吳正肅試賢良方正科殿試策因論古今風俗之變皆隨上所好
惡有曰城中大袖外有全帛之奢雨下墊巾衆為一角之效是時
試策猶間用對偶句也神宗喜此兩句對輔臣誦之有意大用正
肅者寔肇於此

書四六話

張齊賢

陶晟虢州人陶公穀叔事之自前延安軍司馬授華州行軍陶翰
林為序親書以送之略曰聖上即位之三年命前延安軍司馬參
戎闡於華下綏舊俗也踐華寧秦之境遠皇猷者五十有九年矣
赤驥嘶風而可仰玉蟾耀彩以如畫書潛編嘉作別俟知音攀琪樹
而笑天風鼎遷周頌控文鯨而飛赤水幅裂韓詩辭多不載洛陽

舊聞記



憂

張紫巖謫居十五年憂國耿耿不替昕夕適權姦新斃時宰恃隣
好而不固圍紫巖方居母喪上疏論事朝以為狂復詔居零陵一
日慨然作几間丸墨并常支節竹杖二銘以寓意墨之銘曰存身
于昏昏而天下之理因以昭昭斯為瀟湘之寶予將與之歸老而
逍遙杖之銘曰用則行舍則藏惟我與爾危不持顛不扶則焉用
彼或錄以示當路大怒以為諷已將奏之會病卒不果它日陳正
獻俊卿為孝皇誦之摘其一銘書于御杖焉

程史

蔡京子六人孫四人鄭居中劉正夫子各二人余深王黼白時中
蔡卞鄧洵仁洵武子各一人並列從班宣和末諫官疏謂尚從竹
馬之遊已造荷囊之列

宋史朱勝非傳

國家圖書館 NATIONAL CENTRAL LIBRARY, TAIWAN, R.O.C.

范純仁堯夫丞相薨禮官謚曰忠宣考功鄧忠臣議曰每思捐身而開策常願休兵而息民祇知扶危而濟傾寧恤跋前而疐後又曰讒言亂國而明蔡確之無罪姦黨投石而謂大防之可原當衆人莫敢言之時在偏州無可用之地義形正色憤激至誠非特救當世正人端士之織羅直可戒後世亂臣賊子之迷罔狗公忘已為國惜賢又曰父母之國有時而去股肱之義於是或虧放之江湖忽如草芥紉蘭澤畔更甚屈原之忠占鵬坐隅已分賈生之死又曰側席南望而快浮雲之蔽趣節東歸而咏零雨之濛又曰法座想見其風采詔書相望於道塗時論皆以為允當

太平興國中吳王李煜薨太宗詔侍臣撰吳王神道碑時有與徐鉉爭名而欲中傷之者面奏曰知吳王事迹莫若徐鉉為詳太宗未悟遂詔鉉撰碑鉉遽請對而泣曰臣舊事李煜陛下容臣存故主之義乃敢奉詔太宗始悟讓者之意許之其警句云東隣溝禍南箕扇疑投杼致慈親之惑乞火無里婦之談始勞因壘之師終後塗山之會太宗覽讀稱歎東隣謂錢俶也

東軒筆錄

徐鉉歸朝後乞為故主李煜作墓碑朝廷從之

案翟耆年猶史太平興國中詔侍臣

撰李煜神道碑有欲中傷徐鉉者奏曰吳王事莫若徐鉉為詳遂詔徐鉉撰鉉乞存故主之義云云非鉉乞撰此所記殊誤謹附訂

於其辭有云盛德百世善繼者所以主其事聖人無外善守者不能固其存西隣起釁南箕構禍投杼致慈親之貳乞火無隣婦之詞又曰孔明罕應變之略不成近功偃王躬仁義之行終於亡國

浩然齋雅閑談

晏元獻公撰章懿太后神道碑破題云五嶽崢嶸崑山出玉四溟
浩渺麗水生金蓋言誕育聖躬實繫懿后柰仁宗夙以母儀事明
肅劉太后膺先帝擁祐之託難為直致然才者則愛其善比也獨
仁宗不悅謂晏曰何不直言誕育朕躬使天下知之晏公具以前
意奏之上曰此等事卿宜置之置區不足較當更別改晏曰已焚
草於神寢上終不悅迨升祔二后赦文孫承旨忤當筆協聖意直
叙曰章懿太后不擁慶羨實生眇躬頽復之恩深保綏之念重神
馭既往仙遊斯邈嗟乎為天下之母育天下之君不逮乎九重之
承歡四海之致養念言一至追慕增結上覽之感泣彌月明賜之

外悉以東宮舊玩密賚之歲餘參大政孫忭字夢得眉山人天聖進士參知政事謚文懿有

集 湘山野錄

題胡邦衡侍郎撰胡從周寺丞誌文金昆玉友無復二難鴻筆瓌
詞有華三絕繡篋中之遺跡附冢上之豐碑解白墮之嘲倏馬隅
世圓朱褒之夢恍若平生偉詩禮之傳芳森兒孫其競爽尚韻藏
於手澤期光紹於寶章由墮朱褒皆一時實事 益公題跋

△東坡祭徐君猷文云平生髣髴尚陳中聖之觴後夜渺茫徒挂祀
心之劍因其姓而用事尤為中的

藝
溪漁隱鼓話

國家圖書館 NATIONAL CENTRAL LIBRARY, TAIWAN, R.O.C.

東坡祭柳子玉文郊寒島瘦元輕白俗此語具服客見詰曰子盛
稱白樂天孟東野詩又愛元微之詩而取此語何也僕曰論道當
嚴取人當恕此八字東坡論道之語也彥周詩話



李廌方升祭東坡文有云皇天后土鑒平生忠義之心名山大川
還千古英靈之氣

墨莊漫錄

國家圖書館, NATIONAL CENTRAL LIBRARY, TAIWAN, R.O.C.



遠嘗一日謁水華丈於其所居烟雨堂語次偶誦人祭先生文至
降鄒陽於十三世天豈偶然文繼孟軻於五百年吾無間也之句水
華文杖曰此老夫所為者因請降鄒陽事水華云元祐初劉貢父夢至
一官府案問文軸甚多偶取一軸展視云在宋為蘇某逆數而上
十三世云在西漢為鄒陽蓋如黃帝時為火師在周為柱下史只
一老聃也河漢春渚紀聞

嘉定間宇文紹節為樞密卧病王醫師淫投藥而斃宰執往祭之
命南宮舍人李師普為文末句曰云誰過歟醫師之罪相府書吏
張日新寫至此執白衛王曰既是誤投藥劑豈可謂之醫師只當
改作庸醫之罪衛王首肯之又嘉定初玉堂草休兵之詔有曰國
勢漸尊兵威已振日新時在學士院為筆吏仍兼衛王府書司密
白衛王曰國勢漸尊之語恐貽笑於人不當素以為弱也衛王是
其說改曰國勢尊隆兵威振勵蓋吏胥亦有識義理文字之不可
不檢點也如此容齋隨筆所載一事亦然 癸辛雜識

趙令人李號易安其祭湖州文曰白日正中嘆龐翁之機捷堅城
自墮憐杞婦之悲深婦人四六之工者四六談塵

朱弁傳弁留金王倫先歸以弁奉送徽宗大行之文為獻其辭曰
歟馬角之未生魂消雪窖攀龍髯而莫逮淚灑冰天帝讀之感泣

宋史卷一百一十五

國家圖書館 NATIONAL CENTRAL LIBRARY, TAIWAN, R.O.C.

隆祐哀冊徐師川撰云作合秦陵賢而不見答容制政房闡聖而不
可知席大光偶目書辭其書遂以命趙叔簡書之同上四六談塵

八 杭學自昔多四方之士淳祐辛亥鄭丞相清之當國朝議以遊士
多無檢束羣居率以私喜怒軒輊人甚者以植黨撓官府之政扣
閣攬黜陟之權或受賂醜詆朝紳或設局騙脅民庶風俗寢壞遂
行下各州自試於學仍照舊比分數以待類申將以是歲七月引
試為始會教官林經德對士子上請語微失於是大閩肆罵時趙
京尹與衆教官調停一時但欲求靜遂許以三百名內一半取土
着一半取游士於是乃息越數日宰執奏事上面諭曰近行諸州
各試之法正欲散遊學之士不知臨安府憑何指揮復放外方之
人趙尹聞之恐甚乃移牒俾遊士限日出齋其計始窮乃為檄文

相率而去云天之將喪斯文。實係興衰之運。士亦何負于國。遽罹
斥逐之辜。靜言思之。良可醜也。慨祖宗之立法。廣學校以儲材。非
惟行豐芑以貽後人。蓋亦隆漢都而尊上國。肆惟皇上克廣前猷。
炳炳宸奎。釐為四學。爰爰束帛。例及諸生。蒙教育之如天。恨補報
之無地。但思粉骨何有。觸喉直列。安石之姦。共惜元城之去。實為
公議不利。小人始陰諷其三緘。終盡打於一網。不任其咎。移過於
君。是誠何心。空人之國。昔鄭僑猶謂毀校不可。而李斯尚知逐客
為非。今彼不顧行之。使我何顏居此。厄哉。吾道告爾同盟。毋見義
以不為。宜行已而有耻。苟為溫飽。可勝周粟之羞。相與提携。莫蹈

秦坑之禍。斯言既出。明日遂行。八月朔乃相率而出。

齊東野語

錢熙泉南才雄之士進四夷來王賦萬餘言太宗愛其才擢館職
嘗撰三酌酸文世稱精絕略曰渭川凝碧早拋釣月之流商嶺挑
青不逐眠雲之客又年年落第春風徒泣於鶯遷處處羈遊夜雨
空悲於斷雁鄉人李慶孫哭之曰四夷妙賦無人誦三酌酸文舉

世傳 四六話

鄭璋告吳元美作夏二子傳指蚊蠅也家有潛光亭商隱堂以亭
號潛光有心於黨李堂名商隱無意於事秦故檜尤惡之編管
史宗

姦臣傳



瑤鄉嘗代人撰婚書中有云既為管鮑之交復結陳雷之好客曰
管鮑陳雷俱朋友故事不傷於合掌乎答曰陳雷世世為婚姻若
朱陳也無名氏戊辰雜鈔

國家圖書館 NATIONAL CENTRAL LIBRARY, TAIWAN, R.O.C.

福王之子娶全竹齋少保之女婚書一聯云依光薊北苟安公位
之居回首江南惟重母家之念亦有味也時福王為平原郡公

辛雜識

國家圖書館 NATIONAL CENTRAL LIBRARY, TAIWAN, R.O.C.

朱熠本武臣嘗為內夫人妹內官弟婚啓理廟見之大加賞異特
旨授官至參知政事其啓云環帝座之九星貂珥曾參於畫室羅
嬪嬙之九御魚軒嘗綴於彤闈俱從天上之神仙來結人間之嘉
會所由燕爾夫豈偶然令弟從長奕世近龍光月殿斯沾於湛露
舍妹夫人十年陪鳳輦霓裳猶燦於朝霞水流紅葉之無心琴續
朱絃而有託瓊臺不怕雪甫歌采鸞之詩玉杵曾擣霜辱贈雲英
之詠朱乃武舉狀元温州人理宗微時識之俞詩詞錄話

吳官贊寧國初為僧錄頗讀儒書博覽強記辭辯縱橫有安鴻漸
者文詞雋敏尤好嘲詠嘗街行遇贊寧與數僧相隨鴻漸指而嘲
曰鄭都官不愛之徒時作隊贊寧應聲曰秦始皇未坑之輩往
往成群時皆善提對鴻漸所道乃出鄭谷詩愛僧不愛紫衣僧也
六一詩話



歐陽文忠公為舉子時客隨州秋試試左氏失之誣論云石言於
 晉神降於革內蛇聞而外蛇傷新鬼大而故鬼小主文以為一場
 警策遂擢為冠避暑錄話

國家圖書館 NATIONAL LIBRARY OF TAIWAN, R.O.C.



沈存中筆談說虞書憂擊鳴球搏拊琴瑟以詠謂鳴球非可以憂擊也和之至詠之不足有時而至於憂且擊琴瑟亦非可以搏拊也和之至詠之不足有時而至於搏且拊所謂手舞足蹈也而不知其然者若然則鳴球琴瑟當不成聲何名為樂乎觀詩新義云方叔率止鉦人伐鼓鉦所以退而止鼓所以動而進方其動而進也鉦人亦奮而伐鼓則士勇於進可見矣夫鉦鼓各自有人今使鉦人奮而伐鼓不幾於亂行乎此兩說自是一類余嘗以其語戲作一聯台作云士勇而前致鼓鉦之亂擊樂和之至合球瑟以無聲此亦可以一拊掌陳善拊龜新話

孫宣公與以太子少傅致仕居於鄆一日置宴詩廳

仁宗嘗賜詩刻石所居之

廳壁

語客曰白傅有言多少朱門鏤空宅主人到老不曾歸今老

夫歸矣喜動于色復頌石守道諷易離卦九三爻且曰樂以忘憂

自得小人之樂歌而鼓缶不興大耋之嘆公以淳德與學勸講禁

中二十餘年晚節勇退優游里中終始全德近世少匹

泃水燕談

錄

四六格句須襯者相稱乃有上方為造微。蓋上四字以喚下六字也。此四六之格也。前輩作謫樞密使張遜。詰云互置朋黨。交巧是非。貝錦之詞。遂彰於萋菲。挈瓶之智。已極於滿盈。丁晉公南遷作南岳齋。疏文云補仲山之袞。曲盡于巧心。和傳說之羨。難調於衆口。至曾子宣謝宰相表曰。方傷錦敗材之初。奚堪於補袞。况覆餗折足之際。何取於和羨。此又妙矣。傷錦敗材四字後漢傳全語也。

鄧潤甫撰龍興節祝壽詞用負黼衣憑玉几峇象求云非所當用
以祝壽劉嗣明作皇子剃胎髮文用克長克君之語吏持以請曰
內中讀文書最以語忌為嫌既尅長又尅君殆不可用也嗣明亟
易之陳述古草明堂赦文用奉詞紫宮語犯俗嫌陳去非草朱勝
非紀復制用方宅大憂言事者以為事涉人君陳自明草右相制
用昆命元龜以正父謂人臣不當用乞貼麻又腦詞用故國之有
世臣雖有孟子出處後來引用多以為不祥事宜曰天生賢佐國
有世臣也便無瑕疵矣詞臣草貴妃制用釐降二字侂冑制用聖之
清聖之和皆犯公論蔡北海草吳玠制云陸海神臯既失秦川之

利銅梁劍閣。敢言蜀道之難。辛炳奏玠方屏翰四川乃云既失秦川之利乞改正毋使遠方大將重以為忌遂改秦川為秦中德壽宮慶典吳挺之客草賀表有揚命二字蘇熙之曰導揚末命此頌命中語奈何用之張文潛謝表用我來自東彭汝霖謂表用我字大無禮洪景盧草葉顛制曰無以我公歸兮大慰瞻儀之望本意用公歸之句指邦人而言也故云瞻儀而當時疑之謂人君而稱臣為我公楊文公於契丹答書用鄰壤交懽不免以四字嫌又嘗戒門人為文宜避俗語既而公作表云德邁九皇門人鄭戩曰未審何時得賣生菜公笑而易之開禧用兵詔諭天下首聯云匹夫無不報之仇何其陋也劉炳草嘉王制用烝烝孝友之風言者謂烝烝之語何自而出始誦書者皆能知之命辭立意如是可乎汪彥章草赦書云八世祖宗之澤豈汝能忘一時社稷之憂非予獲已議者謂并君道數之不應曰祖宗信乎作文之難也

王應麟辭

侯鯖錄

東坡云世之對偶如紅生白熟手文脚色二對無復加也 趙德麟

國家圖書館, NATIONAL CENTRAL LIBRARY, TAIWAN, R.O.C.



余游儋耳謁姜唐佐唐佐不在見其母母迎笑食余櫛柳余問母
識蘇公否母曰識之然無奈好吟詩公嘗杖而至問曰秀才何往
我言入村落未還有包燈心紙公以手拭開書滿紙囑曰秀才歸
當示之余索讀之醉墨歆傾曰張睢陽生猶罵賊嚼齒穿齦顏平
原死不忘君握拳透爪

冷齋夜話

坡谷同遊鳳池寺坡公舉對云張丞相之佳篇。昔曾三到山谷。答
云柳屯田之妙句。那更重來。時稱名對張丞相詩云八十老翁無
字缺二 昔曾三到鳳池來坡公蓋取諸此也 獨醒襟志

錢穆父試賢良對策日晚東坡往迓其歸置酒相勞各舉令為文
穆父得傀儡除鎮南軍節度使制首句云具官勤勞王家。出入幕
府。東坡見此兩句大加嘆賞蓋世以傀儡起起於王家也。能改齊漫

錄

燕邸萊洲洋川公家裝裱褙古今畫為十冊東坡過之因為書籤
仍題其後云高堂素壁無舒卷之勞明窗淨几有坐卧之安
夷堅

志



錢塘關景仁子開為稅官為其下告訐郡守械之獄子開弟子東
徃往會稽告急於兵部侍郎汪彥章汪為馳書屬杭守事遂釋子
開具啟謝汪未達而死子東為致之汪汪書其後曰解晏子之駭
昔曾仲於賢者挂徐君之劍今有感於斯文

洪邁夷堅志

後漢周澤為太常清修時人為之語曰一歲三百六十日三百五
十九日齋一日不齋醉如泥南史孔覲明曉政事判決無壅眾為
之說曰孔公一月二十九日醉勝他二十九日醒僕嘗效程子山
作酒榜其間一聯云一月二十有九日笑人世之太狂百年三萬
六千場容我生之長醉

野客叢書

鐘

古人文章自應律度未以音韻為主自沈約增崇韻學其論文則曰欲使宮羽相變低昂殊節若前有浮聲則後須切響一篇之內音韻盡殊兩句之中輕重悉異妙達此旨始可言文自後浮巧文語體制漸多如傍犯蹉對假對雙聲疊韻之類詩又有正格偏格類例極多故有二十四格十九圖四聲八病之類今略舉數事如徐陵云陪游馭娑騁纖腰於結風長樂駕鶯奏後聲於度曲又云厭長樂之踈鐘勞中宮之緩箭雖兩長樂意義不同不為重複此類為傍犯如九歌蕙葳蒸兮蘭藉奠桂酒兮椒漿當曰蒸蕙葳對奠桂酒今倒用之謂之蹉對如自朱耶之狼狽致赤子之流離不

惟亦對朱耶對子兼狼狽流離乃獸名鳥名如此之類皆為假對

夢溪筆談

余童子端蒙鄙之樂平人由學省登紹興戊辰第幼學已能文同
里項氏極愛重之欲納為壻其意未決一日余來訪項謂曰偶得
寫景句云杜宇一聲春晝永千夢驚殘子能對否余應聲曰黃鸝
百轉曉風清宿醒消盡項大喜即以女妻之

游宦紀聞

衡山有道人本書生棄家隱山中一旦入城市藥故人忽見之怪
其神氣清明問其何為對曰佩蕙紉蘭已是青山獨往採芝食柏
終當白日上昇故人邀飲酒倏不見寓簡



唐語曰二十四考中書令謂汾陽王也而無其對或以問平甫平甫應聲曰萬八千戶冠軍候不惟對偶精切其貴亦相當也

後山

詩話

國家圖書館 NATIONAL CENTRAL LIBRARY, TAIWAN, R.O.C.

汪應辰十歲能詩游鄉校郡博士戲之曰韓愈十三而能文今子
奚若應辰答曰仲尼三千而論道惟公其然

宋史本傳

國家圖書館 NATIONAL CENTRAL LIBRARY, TAIWAN, R.O.C.

蕭燧未第時夢神人示以文書記其一聯云如火烈烈玉石俱焚
在冬青松柏不改已而果符前事

宋史本傳

國家圖書館 NATIONAL CENTRAL LIBRARY, TAIWAN, R.O.C.

賈師憲八月八日生辰四方善頌者以數千計皆詣詞嚙語也郭
應酉居安聲聲慢云捷書連晝甘雨灑通宵新來喜沁堯眉許大
擔當人間佛力須彌年八月八日長記他三月三時平生事想
祇和天語不遺人知一片閒心鶴被乾坤條定虹玉腰圍閭闔雲
邊西風萬籟吹齊歸舟更歸何處是天教家在蘇堤千千歲比曾
參多箇綵衣且侑以灑語云綵衣宰輔古無一品之曾參袞服湖
山今有半閒之姬旦所謂三月三日蓋頌其頰草坪之捷而歸舟
乃舫齋名也齊東野語

答杜仲高旃前書云老態日見夏秋間病足延痛左腕嘗作醮詞云
四肢而三痛楚十日而九呻吟其况可知 攻媿集



東坡曰世間之物未有無對者皆自然生成之象雖文字之語但
學_者不思耳如因事當時為之語曰劉蕡下第我輩登科則其前有
雍齒且侯_吾我屬何患太宗曰我見_{魏徵}常無媚則德宗乃曰人言
盧杞似姦_邪冷齋夜話



寒山子詩如施家兩兒事出列子羊公鶴事出世說對偶之工者
青蚬白鶴黃籍白丁青蚨黃網黃口白頭七札五行綠熊席青鳳裘
困學紀聞

國家圖書館 NATIONAL CENTRAL LIBRARY, TAIWAN, R.O.C.

權載之問左氏云夏五之闕良八之占名對也 困學紀聞

國家圖書館, NATIONAL CENTRAL LIBRARY, TAIWAN, R.O.C.



天子居丹宸廷臣獻六箴此省題詩也白髮不愁身外事六么且聽醉中詞此律也二公之所以對者見之於詩無非借數而已周以宗強賦故蒼籙之興紀始諸姬而阜康東門種瓜詩青門無外事尺地足天涯二公之所以對者見於賦詩無非借數與器而已詩史以皇眷對紫宸曲詞以清風對紅雨或以青州從事對烏有先生或以披綿黃雀對通印子魚因朱耶之板蕩致赤子之流離談笑有鴻儒往來無白丁是皆老於文學而見於駢四儷六之間者自然假借使得好不知膾炙幾千萬口也嘗記陳季陸應行先生舉似作賦之法用高皇對小白

螢雪雜說

前輩謂今古文章無不可作對者如以不有君子其能國乎對長
為農夫以沒世矣以九州四海悉主悉臣對億載萬年為父為母
予試宏詞表有云有文事有武備與神為謀無智名無勇武惟聖
時克此四六集句真可以為戲笑東坡表啟樂語中有全句對皆
得於自然遊戲三昧非可以巧求也翟公巽謝對衣金帶表云謂
臣有緇衣之宜敝予又改以臣從大夫之後不可徒行其為越州
以擅放稅降官謝表云豈若秦人坐視越人之瘠既安劉氏敢虞
晁氏之危氣象渾厚亦可喜也

萬簡

耿直之守京口復陳少陽之後曰如可贖兮百身猶將宥之七世
困學紀聞

國家圖書館, NATIONAL CENTRAL LIBRARY, TAIWAN, R.O.C.



東都之季清議扶之而有餘強秦之末壯士守之而不足
豈聰明而有作無作聰明由仁義以安行非行仁義

困學紀聞



○ 驢非驢馬非馬烏不烏鵲不鵲可以為對
傳景仁云烹羊急羔唯帶牛佩犢可對 因學紀聞

國家圖書館, NATIONAL CENTRAL LIBRARY, TAIWAN, R.O.C.

迂齋樓公曰。經句對經句。如在武下時。作名公考。惟汝一德於今。
三年。天維顛。思民亦勞止。有能奮庸。爰立作相。經營四方。飲御諸
友之類。固是天造地設。若萬人留田。對三事就緒。雖以史句對經
句。緣有氣勢。所以不覺。辭學指南



對偶之佳者曰九州四海悉主悉臣億載萬年為父為母平生能
著幾兩屐長日惟消一局棋有文事有武備無智名無勇功數點
雨聲風約住一枝花影月移來柳搖臺榭東風軟花壓欄杆春晝
長勸君更盡一杯酒與爾同消萬古愁天下三分明月夜揚州十
里小紅樓梨園子弟白髮新江州司馬青衫濕

浩然齋視聽鈔

古人好對偶被放翁用盡

指紙尾摸牀稜

烈士壯心狂奴故

態下澤乘車上方請劍

空虛腹壘塊骨

手版肩輿鬼子

天公牀頭周易架上漢書

溫卷熱官

醉學究病維摩無

事飲不平鳴

乞米帖借車詩

趨道士楮先生

土偶天公

長劍挂^挂頤短衣掩脛

子午谷丁卯橋

洛陽二頃光範三書

聖酒錢愚茶七椀稷三升

一彈指三折肱

天女散花麻姑

擲米玉麈尾金衰蹄

虎頭雞肋

金鷄嘴玉鹿盧

百衲^衲琴

雙鈎帖

藏經閣帖

讀書十紙上樹^千回

風漢醉侯

天愛

酒地理憂

一齒落二毛侵

癡頑老鬢鑠翁

曲肱縱理

竹

國家圖書館 NATIONAL CENTRAL LIBRARY, TAIWAN, R.O.C.

郎木客 百錢掛杖一鍾隨身。百甕齏。兩國棗。鍊炭勞薪。
銅臭飯香。笑爾輩。愛吾廬。僧坐夏。士防秋。麈尾清談。蠅頭
細字。巖下電。霧中花。唐夾寨。楚成鼻。自鼻劉克莊後村詩話

四六駢儷於文章家為至淺然上至朝廷命令詔冊下而縉紳之
簡牋書祝無所不用則屬辭比事固宜警策精切使人讀之激
諷味不厭乃為得體姑撫前輩及近時綴緝工緻者十數聯以詒
同志王元之擬李靖平突厥露布其叙頡利求降且復謀竄曰窳
中餓虎暫為掃尾之求鞫上饑鷹終有背人之意蘄州上謝表曰
宣室鬼神之間敢望生還茂陵封禪之書已期身後范文正公微
時嘗冒姓朱及後歸本宗作啟曰志在逃秦入境遂稱于張祿名
非霸越乘舟偶効於陶朱用范睢范蠡皆當家故事鄧潤甫行貴
妃制曰關雎之得淑女無險詖私謁之心雞鳴之思賢妃有警戒

相成之道。紹聖中百僚請御正殿表曰：皇矣上帝，必臨下而觀四方。大哉乾元，當統天而始萬物。東坡坤成節疏曰：至哉坤元，德既超於載籍，養以天下，福宜冠于古今。慰國哀表曰：大哉孔子之仁，泣然流涕，至矣顯宗之孝。夢若平生，謝賜帶馬表曰：枯羸之質，匪伊垂之而帶有餘斂退之心，非敢後也。而馬不進，王履道大燕樂語曰：五百里采，五百里衛，外包有截之區，八千歲春，八千歲秋，上祝無疆之壽，除少宰余深制曰：蓋四方其訓，以無競，維人必三后協心而同，扈于道時，并蔡京為三相也。執政以邊功轉官，詞曰：惟皇天付予，庶其在此。率寧人有指，敢弗于從。翟公異行外國王加恩制曰：宗祀明堂，所以教諸侯之孝。大賚四海，不敢遺小國之臣。知越州日以擅發常平倉米救荒，降官謝表曰：敢效秦人，坐視越人之瘠。既安劉氏，理知晁氏之危。孫仲益試詞科，日代高麗國王謝賜燕樂表曰：玉帛萬國，干舞已格於七旬。簫韶九成，肉味遽忘于三月。又曰：蕩蕩乎無能名，雖莫見宮牆之美，欣欣然有喜色。咸豫聞管籥之音，自中書舍人知和州既壓境，見任者拒不納，以啟答。郎僚曰：雖文書衝袖，大人不以為疑。然君命在門，將軍為之不受。鄰郡不發上供錢米，受旨推究為平亭，其事鄰守馳啟來謝，答之曰：包茅不入，敢加問楚之師。輔車相依，自作全虞之計。汪彥章

作靖康冊康王文曰漢家之厄十世宜光武之中興獻公之子九
人惟重耳之尚在為中書舍人試潭州進士何烈卷子內稱臣及
聖問不舉覺坐罷職謝表曰謂子路使門人為臣雖誠時理而徐
邈云酒中有聖初亦何心又曰書馬者與尾而五常負譴憂網禽
而去面之三永銜生賜宗齊愈坐于僉虜立諸臣狀中輒書張邦
昌字送御史臺責詞曰義重於生雖匹夫不可奪志士失其守或
一言幾于喪邦又曰睦孟五行之說豈所宜言袁宏九錫之文茲
焉安忍責張邦昌詞曰雖天奪其衷坐愚至此然君異於器代置
可乎知徽州其鄉郡也謝啟曰城郭重來疑千里去家之鶴交遊
和在或一時同隊之魚何倫除祕書少監未幾以口語出守邛謝
啟曰雲外三山風引舟而莫近海濱八月槎犯斗以空還楊政除
太尉湯岐公草制曰遠覽漢京傳楊氏者四世近稽唐室書系表
者七人謂楊震子秉秉子賜賜子彪四世為太尉李德裕辭太尉
云國朝重惜此官二百年間纔七人其用事精確如此蔣子禮邦
右相王詞賀啟曰早登黃閣獨見明公之妙年今得舊儒何憂左
轄之虛位皆用杜詩語扈聖登黃閣明公獨妙年左轄頻虛位今
年得舊儒亦可稱

予初登詞科再至臨安寓於三橋西沈亮功主簿之館沈以予買飯于外謂為不便自取家饌日相供同年湯丞相來訪扣旅食大槩具為言之湯公笑曰主人亦賢矣因戲出一語曰哀王孫而進食豈望報乎良久予應之曰為長者而折枝非不能也公大激賞而去汪聖錫為秘書少監每食罷會茶一同舍輒就枕不至及起亦戲之曰宰予晝寢於予與何誅衆未有言汪曰有一對雖於今事不切然却是一个出處云予貢方人夫我則不暇同舍合詞稱

對偶小技然亦非易事也前輩所載已多今擇所未書而可喜者
數聯於此為多聞之一助義經六子艮巽坎兌震離周禮一書天
地春夏秋冬夏 龜從筮從卿士從庶民從人相我相衆生相壽者
相 善待問者如撞鐘小應小大應大措天下者猶置器安則安
危則危 左氏公羊穀梁春秋三傳卦爻繫辭彖象大易一經
五刑之屬三千小過大過一門之聚百指家人同人 知我春秋
罪我春秋誰毀誰譽待以國士報以國士為己為人 紀信韓信
假帝假王仲尼牟尼大聖大覺 蟬以翼鳴不啻若自其口出龍
將角聽謂其不足於耳歟 司馬相如蔭相如果相如否長孫無

忌費無忌能無忌乎。人有七情喜怒哀樂愛惡欲。經存六藝詩書禮樂易春秋。九州既別冀克青徐揚荆豫雍梁一道相傳堯舜禹湯文武周孔孟。正月六月七月十月之交北風晨風凱風終風且噓。孟軻好學師孔子之孫子思文后興仁由太王以至王季。張良借箸前籌恨不食食其之肉陳平刻木為女果能冒冒頓之圍。下七十二之齊城憑三寸舌退一百萬之秦寇用八千人。柴也愚參也魯師也僻顏氏其庶幾乎夷之清尹之任惠之和孔子集大成也。妙法法因因果寺金輪金剛。錢塘寺名中和和豐豐樂樓銀杓銀甕。錢塘酒樓鄒孟子吳孟子寺人孟子一男一女。

一不男不女周宣王齊宣王司馬宣王一君一臣一不君不臣。調羹指渴梅全文文武之才學舞貪眠柳畫悲歡之態。方丈四方方四丈南北東西試場三試試三場經賦策論。朝登箕子之峰危如累卵夜宿丈人之館安若泰山。觀音大士妙音梵音海潮音諸相如來人相我相衆生相。龍飛策士狀元龍省元龍。度宗龍飛榜陳文龍為廷魁。胡躍龍為省元。虎帳得人殿帥虎步帥虎。時范文虎為殿帥孫虎臣為步帥齊東野語。

或傳富鄭公奉使遼國遼使者云蚤登箕子之峯危如累卵答曰
夜宿丈人之館安若泰山人曰酒如線因針乃見富答曰餅如月

遇食則缺

王遵詩話



國家圖書館 NATIONAL CENTRAL LIBRARY, TAIWAN, R.O.C.

陳少常亞以滑稽著稱為殿中丞日知嶺南恩州到任作書與親
藩曰使君之五馬雙旌名目而已螭螭之一文兩個真實不虛又
嘗曰生平得一對最親切者是紅生對白熟也

張師正倦游雜錄



熙寧系法行督責監司尤切兩浙路張靚王庭老潘良噐等因閱
兵赴妓樂筵席侵夜皆黜責又因借同寮船家人而坐計傭者有
作絲鞋而坐剝利者降斥份是時孔嗣宗為河北提點刑獄求
分司而去嗣宗性滑稽作營事叙其意略曰弊室數椽脚避風雨
先時二兩粗足衣糧這回自在赴筵到處不妨聽樂倩得王郎伴
勇且免計傭費了黑黍新絲不侵剝利益謂是也

東軒筆錄

彭乘為翰林學士文章誥命尤為可笑有邊帥乞朝覲仁宗許其
候秋涼即遣乘為批答之詔曰當俟蕭蕭之候爰興靡靡之行王
琪性滑稽多所侮訕及乘死也琪為挽詞云最是蕭蕭句無人繼
後風蓋謂是也

魏泰東軒筆錄



蘇

荆公禹玉熙寧中同在相府一日同侍朝忽有蟲自荆公襦領而
上直緣其鬚上頰之笑公不自知也朝退禹玉指以告公公命從
者去之禹玉曰未可輕去輒獻一言以頌蟲之功公曰如何禹玉
笑而應曰屢遊相鬚面廷御時荆公亦為之解頤墨客揮毫

國立中央圖書館, NATIONAL CENTRAL LIBRARY, TAIWAN, R.O.C.

傅欽之作中丞言劉仲馮一日貢父逢之曰小姪何過致起臺章
欽之慚云也只三年二滿文字貢父熟視笑曰七上下八入林
林玉霞侯鯖錄

元符中上巳日錫燕從臣命御新龍舟蔡元長忽墜於金明池萬
衆喧駭蔡得浮木憑出遂入次舍方一身淋漓蔣穎叔唁公曰元
長幸免瀟湘之溺蔡大笑答曰幾同洛浦之游

無名氏
有宋佳話



元符間宗室有以妾為妻者因罷開府儀同三司及大宗政職事
蔡元長行詞曰既上大宗之印復捐開府之儀章申公謂曾子宣
曰此語與手持金骨之朶身坐銀交之椅何異曾復顧申公曰頃
時記得是有行侍御史詞頭云爰遷侍御之史不記得是誰申公
顧許冲元曰此是侍郎向日亂道曾是時為樞密許為黃門也何

滕達道未遇時與諸生講學於僧舍主僧出諸生夜盜其犬而烹
之事聞有司治其罪滕公為丐免守曰如能為盜犬賦則將釋之
滕公即口占其詞曰僧既無狀犬誠可偷毀藍宮之夜吠充絳帳
之晨羞搏飯引來猶掉續貂之尾索絢牽去驚回碩兔之頭守犬
笑即置不問

梁溪漫志

張又遜平人少負才入太學有聲為節性齋長既又為時中齋長
其人眇小而好作為動以苛禮律諸生同舍多不平之莆田林叔
弓亦輕浮之士也於是以其名字作詩賦各一首嘲之其警聯云
身材短少欠曹交六尺之長腹內空虛乏劉義一點之墨詩警句
云中分文兩段風使十橫斜文上元無分人前強出些曲盡形容
之妙聞者絕倒又私試闕四門賦云想帝女下嬪大辰親家之禮諒
商均不肖幾成天子之堂九尺云假令晏子來朝莫窺其面縱使
曹交入見僅露其頭顏淵具體而微賦云博我以文約我以禮望
之儼儼然道與之貌天與之形眇乎小爾亦皆叔弓之所為也 齊東野語

尤梁溪延之博洽工文與楊誠齋為金石交淳熙中同為青宮寮
采無日不相從二公皆善謹延之嘗曰有一經句請祝監對曰楊
氏為我誠齋應曰尤物移人衆皆歎其敏確 鷓林玉露



戚里高氏子選尚偽公主富貴鼎來為主敗奪官不得名其家一
錢或戲之云向來都尉恰如彌勒下生時此去人間又到如來喫
粥處可一笑也 困學紀聞

沈丞相說為樓貯書時禮佛其上人謂之五體投地之樓以對秦
檜一德格天之閣

程榮三柳軒雜識

國家圖書館 NATIONAL CENTRAL LIBRARY, TAIWAN, R.O.C.

御史臺儀凡御史上事一百日不言罷為外官有御史王平拜命
垂滿百日而未言事同僚皆訝之或曰王端公有待而發苟言之
必大事也一日聞入劄子衆共偵之乃彈御膳中有髮其彈詞曰
是何穆若之容忽覩鬢如之狀

墨客揮犀

△王嘉叟自洪倅名為光祿丞李德遠亦名為太常丞一日相遇于
景靈幙次李謂王曰見公告詞云其鑄月廩仍號褫身章謂通判借
牙緋入朝則服綠又俸薄也王荅之曰亦見君告詞矣李曰云何
曰具官李浩但知健美不揆孤寒既名右相之名又字元樞之字
蓋謂史丞相張魏公也滿座大笑老學庵筆記

△蜀人任子淵好譎鄭宣撫剛中自蜀召歸其實秦會之欲害之鄭
公治蜀有惠政人猶覲其後來數日乃聞秦氏之指人人太息衆
中或曰鄭不來矣子淵對曰秦少恩哉人稱其敢言

老學庵筆記

曾有秀才因盜絹被執以試賦獲免其警對云窺其戶而聞無人
心乎愛矣見其利而忘其有義卷而懷之考學菴筆記墨客揮犀



有士人誤中秋賦求人作謝啓或戲與一對云蓮花裏點燈偶然
而已草堂上失火茅著可知

洪鯖錄

國家圖書館 NATIONAL CENTRAL LIBRARY, TAIWAN, R.O.C.

嶺南僻遠之地有驛名翠嵐往來宿者多飼馬於堂上驛吏諫諭
不聽乃題小詩於壁以譏之曰大馬本非堂上物莫言驛舍暫經
過大都人畜湏分別不禁鶯聲可奈何鶯聲之喻蓋昔人曾有為
驢喫牡丹賦云展似鐵之雙蹄驚回蝶夢聾如船之兩耳不聽鶯
聲驛吏之意出於此

墨客揮犀

△先大父官會稽時儀椽謝某踈雋尚氣好直言而士曹王某者挾
勢險傲恨謝不下已譖於太守將誣按致之深文先大父為辨白
得免猶以公罪罰俸謝至齋廳掀髯自若而士曹者以進奉王黼
得賜緋魚同日受命誇炫甚喜因謝曰謝儀椽之刑書薄乎云爾
謝應聲曰王士曹之章服赤也何如自通守下數十人無不絕倒

寧廟朝高文虎知貢舉以天子大采朝日為賦題試貢士而舉人
困厄者衆學舍皆嘆怨後文虎因作西湖放生池碑誤引故實及
上殿墮笏失儀兩學齋舍哀金作綵帳贈教禽戲技人趙十一郎
寓意以譏之其中有云鼠猴播笏而不失其儀士有所愧禽鳥認
書而成知所出人反不如

張仲文白獺髓

會稽有富人馬生以入粟得官號馬殿幹喜賓客有姬美艷能歌
時出佐酒客有梁縣丞者頗黠因與之目成一旦馬生殂姬出梁
捐金得之它日置酒觴客陳無損益之在座酒酣舉杯屬梁曰有
儷語奉上梁諦聽之即琅然高唱曰昔居殿幹之家爰喪其馬今
入縣丞之室毋逝我梁一坐大呼笑而主人憮然不樂無幾梁亦
死焉人尤無損之謔戲然聞者亦可以警也

齊東野語

蜀中石刻東坡文字彙其改竄處甚多玩味之可發學者文思今
具注二篇於此乞校正陸贄奏議上進劄子學問日新下云而臣
等才有限而道無窮於臣字上塗去而字竊以人臣之獻忠改作
納忠方多傳於古人改作古賢又塗去賢字復注人字智如子房
而學則過改學字作文字但其不幸所事暗君改所字暗暗君作仕
不遇時德宗以苛察為明改作以苛刻為能以猜忌為術而贄勸
之以推誠好用兵而贄以消兵為先好聚財而贄以散財為急後
於逐句首皆添注德宗二字治民馭將之方先寫馭兵二字塗去
注作治民改過以應天變改作天道遠小人以除民害改作去小



人以陛下聖明若得贄在左右則此八年之久可致三代之隆自若字以下十八字並塗去改云必喜贄議論但使聖賢之相契即如臣主之同時昔漢文聞頗牧之賢改漢文聞三字作馮唐論取其奏議編寫進呈塗去編字却注稍加校正繕五字臣等無任區區愛君憂國感恩思報之心改云臣等不勝區區之意獲鬼章告裕陵文自孰知耘耔之勞而下云昔漢武命將出師而呼韓來廷効于甘露憲宗厲精講武而河湟恢復見于大中後乃悉塗去不用擴彼西羗改作憬彼西戎號稱右臂改作古稱非愛尺寸之疆改作非貪自不以賊遺子孫而下云施于冲人坐守成筭而董擅

之臣阿里骨外服王爵中歲禍心興將鬼章首犯南川後乃自與將而上二十六字並塗去而西蕃首領鬼章首犯南川爰敕諸將改作申命諸將蓋酬未報之恩改作爭酬生擒鬼章改作生獲其下一聯初云報谷吉之寃遠同疆漢雪渭水之耻尚陋有唐亦皆塗去乃用此二事別作一聯云頡利成擒初無渭水之耻郅支授首即報谷吉之寃末句務在服近而柔遠改作來遠

△子瞻幼年見歐陽公謝對衣金帶表而誦之老蘇曰汝可擬作一
聯曰匪伊垂之而帶有餘非敢後也而馬不進至為潁州因有此
賜用為表謝云枯羸之質匪伊垂之而帶有餘歛退之心非敢後
也而馬不進後為兵部尚書又作謝對衣帶表畧曰物生有待天
地無窮草木何知冒慶雲之渥采魚鰕至陋借滄海之榮光雖若
可觀終非其有四六至此涵造化之妙旨矣

東坡守杭守穎皆有西湖故穎川謝表云入參兩禁每玷北扉之
榮出典二州輒為西湖之長

鶴林玉露



△

退之南山詩云或齊若友朋或差若先後人多不知先後之義練

塘洪慶善吏部興祖引前漢志云見神於先後宛若其注云兄弟

妻關中呼為先後予觀東坡徐州謝上表云信道直前曾無坎井

之避立朝寡助誰為先後之容或疑先後不可對坎井蓋不知亦

出於此也梁溪漫志




先生嘗愛東坡過海謝表云。臣無毫髮之能。而有邱山之罪。宜三
黜而未已。跨萬里而獨來。蓋蕭然出四六畦畛之外。後耳目志

國家圖書館 NATIONAL CENTRAL LIBRARY, TAIWAN, R.O.C.

△東坡益州謝表云天地能覆載之而不能容之於度外父母能生
育之而不能出之於死中至今膾炙人口盖用後漢袁敞傳張俊
語曰天地父母能生臣俊不能使臣俊當死復生
朱翌猗覺寮雜
記

△ 鄧安惠自翰苑出守成都謝表云捫參歷井方知蜀道之難就日
望雲已覺長安之遠用李泰伯語又嘗有啟云三山已到輒為風
引而還九關神遊不覺夢驚而失前輩文采風流醞藉如此 能改

齊漫錄



外大父晁舍人謝落職表云投鼠忌器輒詈天子之從臣剪爪及
膚不識朝廷之大體指耿黃門而言四六談塵

閻令洵仁善四六而一字不肯妄下必求警策以過人謝再除陝
西轉運使表曰識道重來端同老馬操刀却視若宰金牛謝復官
表曰悲未見于齊羊笑中分于鄭鹿臨死作發運使表曰轉輸九
路回泝萬艘過冒職名出持使旨夢遊帝所驚睜面之回春來自
日邊覺榮光之照水漸浮楚澤回望堯雲伏念臣少也羈孤長而
疵賤學宗論語孟子粗識指歸仕遇神考秦陵俱蒙獎擢而臣志
未伸于每判恩不報而逾深解消乘傳之餘心折號弓之後侵尋
晚景辜負明時項畢通喪適逢初政鑲軍西塞賜對中宸曲荷聖
知竟除宰屬忽除怨府升寘儒林未免螢窓之屋但愧桑榆之晚



三光倒影自一壺中。勸野掘封幾。知天下然而承平既久。積弊日深。公私困於盜攘。官政習于涵養。偷安則如抱薪救火。欲速則如以董療饑。必待更張。庶能漸正。然恐約束未周。于郡縣謗傷已達于闕朝。明月夜光寧無按劍。高山流水自有知音。仰恃聖明俯殫勤拙。矢心論報。沒齒為期。 五 卷四六話

孫賁起素除河東轉運使託先子代作謝表蓋河東堯故郡之地曰富歲三登有唐叔得禾之異輿情百樂興堯民擊壤之歌未云過太行回顧雲下義感親闈望長安遠在日邊心馳帝闕公素讀之笑曰公乃末篇寓忠孝之意也 五 卷四六話

張天覺丞相再召到闕謝表云十年去國門前之雀可羅一日還
朝屋上之烏亦好後有達官表亦云十年去國不聞長樂之鐘一
日還朝復見大君之鼎見魏漢津所鑄九鼎初成也

錢世奭
錢氏

私誌



九章算術五雀六燕飛集于衡衡適平一雀一燕飛而易處則雀
重而燕輕陸農師謝吏部尚書表六燕相停。試銓平其輕重。盖用
此 困學紀聞

此者刪

孫伯野傳論麗人搔擾中批曰至乃用蘇軾語初無顧忌孫表云
不知言語之合前人但見裔夷之負中國四六談塵



元暉為左司諫論事忤蔡氏謫昭潭後復管勾江州太平觀謝表

曰言之未盡悔也奚追

老學菴筆記

國家圖書館 NATIONAL CENTRAL LIBRARY, TAIWAN, R.O.C.

豐相之於舒信道鄒至完於呂望之其為人似不類然相與皆厚
甚不以鄉里及同僚故也相之為中司時猶力薦信道至完元符
中進用則實由望之薦也及其直諫遠竄望之坐薦非其人褫官
謝表云臣之與浩實匪素交以其嘗備學校之選於先朝能陳詩
賦之非於元祐比緣薦士遂取充員豈期螻螻之微自速雷霆之
譴其叙陳終不以至完為非亦不易矣

老學菴筆記

蘇在廷元老東坡先生之從孫自幼即卓然東坡許之元符末入
太學東坡已渡海每與其書委曲詳盡宣和中歷館職郎曹奉常
言者論其宗元祐學術罷為宮觀而謝表乃云念昔黨人偶同高
祖士大夫頗少之

揮麈餘話



楊子安侍郎坐黨籍謫官洛陽其謝再任官祠表云地載海涵莫
測色荒之度春生秋殺皆成造化之功卽報至丹陽蔡元度在郡
見報驚嘆諷詠之 丑 蘇四六話


△今時士大夫論四六多喜其用事精當下字工巧以為膾炙人口此固四六所尚前輩表章固不廢此然其剛正之氣形見於筆墨間讀之使人聳然人主為之改容姦邪為之破膽元符末劉元城自貶所起帥鄆當過闕公謝表云志惟許國如萬折之而必東忠以事君雖三已之而無愠坐是遂不得入見大觀間陳了翁在通州編修政典局取尊堯集了翁以表繳進其語有云愚公老矣益堅平險之心精衛眇然未捨填波之願後竟再坐貶此二表於用事下字亦皆精切而氣節凜凜如嚴霜烈日與退之所謂登泰山之封鏤白玉之牒者似不侔矣

梁溪漫志

翟三丈公巽宣和末蔡條約之用事外召從官七人公巽再以瑣
闥召力辭之未至闕有旨落職宮祠繼而復還待制公作謝表有
云彈貢禹之冠誠非本志奪伯氏之邑其又何言又云惟一與一
奪之命無有二三而三仕三已之心敢懷愠喜人多稱之

張邦基
墨莊漫

錄



翟公巽謝對衣金帶鞍馬表云顧臣非緇衣之宜故予又改以臣
從大夫之後不可徒行葉少蘊謝頒朔表曰豈特千歲之日可坐
而致將使百畝之田勿奪其時汪彥章賀進築隆兌二州及城寨
表云我陵我阿不以山谿之險有民有社在吾邦域之中皆用經
史全語而工者

墨莊漫錄

翟公異雖為蔡京所汲引然抗直不為屈初代宰相作賀日有戴承表末云衆非后何戴率傾就望之心無不爾或承永懷畏愛之德京讀終篇曰奇文也然無不爾或承對衆非后何戴似乎偏枯欲以臣不命其承易之亦不失承字而稍加親切如何公異曰勝矣然業已供奉竟不易京亦不能奪也未幾又代作天神亦現表有云聖神受命穆清告成禹錫祖宗在帝左右顧予湯孫末云在天對越之清廟肅雍之儀前席具言愧宣室鬼神之間京曰國有盛事如此公異之文真為時而出也公異徐曰疇昔不命其承抑云過矣今日為時而出厥有旨哉京雖惡其不遜然尚能容之石

林嘗喜道之 寓簡

翟公巽參政 汝文 守越以擅免民間和買縑帛四十餘萬為部使者所劾貶秩公謝表云欲安劉氏無嫌晁氏之危豈若秦人坐視越人之瘠迨去郡郡人安其政將相率投牒借留公知之命取其牘以朱印書其上云固知京兆始為五日之留無使稽山復用一錢之送其用事精當如此 梁溪漫志

道家者流謂蟾蜍萬歲背生芝草出為世之嘉祥政和初黃冠用
事符瑞翔集李諫以待制守河南有民以為獻者諫即以上進祐
陵大喜布告天下百官稱賀於廷上表云九天睿澤溥及含靈萬
歲蟾蜍聿生神草本實二物名各一芝或善辟兵或能延壽乃合
為於一體允特異於百祥命以金盆儲水養之殿中浸漬數日漆
絮敗漬雁迹雁負盡露上怒黜諫為單州團練副使謝表云芹獻以為
美野人之愛則深興乘而可欺子產之智焉在諫至之孫也

揮塵

政和間以僧為德士冠服如道士有一長老升堂云石窓奪得裴
休笏用在今朝曹溪留下祖師衣已為陳迹又一長老乞入道表
云一習蠻夷之風教遂忘父母之髮膚幾同去國之人忽見指天
之斗倘得回心而向道便當合掌以擎拳四六談塵

宣和初童貫平方寇既歸與王黼生隙黼大懼遂媚貫奮當北伐
事四年夏不謀於衆兵遽起魯公時已退休亟請對具為上言旬
止不可未幾伯氏亦有宣撫命於是魯公垂涕頰首上前曰臣不
任北伐寧自甘閒退今臣子行誠無以曉天下願陛下保全老臣
上不聽則曰臣請效栝母及語伯氏曰吾將哭師也及後燕山告
功魯公以表賀上其末云臣慮終而不慮始知守而不知通有醜
初心徒欣盛烈上覽表時喜見顏色曰太師能自直守如此因以
殺核酒醴領賚甚寵俾公慶伯氏之歸也

蔡條
鐵圍山叢談

蔡條之作叢談專欲顛倒是非誑誣史筆語語為伊父出脫

然天下後世終不可欺適成其欲益彌章爾

初置觀文殿大學士詔自今非嘗歷宰相不除著為令宣和七年
先公自北門召忽有此授方引故事退避明年復召為中書侍郎
遂拜相前告猶寄_左藏庫淵聖遣中使取以賜先公復力辭上終不
許先公不得已受之謝表略曰知章兩命之兼榮足為盛事張說
大稱之獲免有愧前修蓋謂是也

却掃編

故事宰輔領州而中使以事經由必傳宣撫問宣和間先公守南
都地當東南水陸之衝使傳絡繹不絕一歲中撫問者至十數故
嘗有謝表云天關夢回必有感恩之淚日邊人至嘗聞念舊之言
却掃編



秘書新省成徽廟臨幸孫叔詢作賀表云蓬萊道山一新羣王之
構勾陳羽衛共仰六飛之臨同時無能及者 老學菴筆記

國家圖書館 NATIONAL CENTRAL LIBRARY, TAIWAN, R.O.C.

趙延康在宣和靖康間聲望風采震耀一時及守宛邱百戰禦敵
卒全其城來朝行在高皇欲以左轄命之議者謂宗室輔政非故
事遂止方公之南徙也謝表有云臣本支百世侍後三朝又云堅
壁以保近畿慨前功之俱廢登壇而陪盛禮懷曩遇以自憐讀者
悲之

放翁題跋

宣和間尚書新省成車駕臨幸時宰命一時朝士能文者各擬謝表獨林子中者擅場其一聯云北辰居極外環象斗之宮黃道初經旁及積星之位浩然齋雅談

宣和中先公在北門有王褒者宦官也來為廉訪使在輩流中每以公廉自喜且言素仰先公之名德極相親事會入奏回傳宣撫問畢因言比具以公治行奏聞上意甚悅行召還矣先公退語諸子意甚恥之故謝表有曰老若李鄴久自安於外鎮才非蕭傅敢雅意於本朝長兄博義之文蓋具著先公之意也

却掃編

劉夙謝賜重脩都城記表曰岐鼓靡聞於逮下。嶧山何補於示夸。
辭無所媿。皆寫諸琬琰之餘。家有其書。非副在京師之比。皆警聯
也。辭學指南

歐陽瓌謝賜禦製宣德樓上梁文表曰端門層觀虹梁鬱起於中
天奎畫寶章芝檢驟來於清禁首聯雖見賜宰臣之意而奎畫寶
章芝檢不無稠疊矧是御製不應用奎畫檢芝此所以為第三人
也又曰相周王之考室初無補於涓埃仰虞帝之作歌乃獲窺於
黼黻此聯却工

辭學指南

鄭威愍公 驥新除謝上章云關陝六七任不掛權臣之橫恩崇觀
二十秋靡沾故相之餘潤公之大節如此馮翊之死義其處之有
素矣 困學紀聞

馬涓巨濟宣和間謝復承事郎表云峇堯丹闕如曾清夢之遊藍
縷綠衣猶是廣庭之賜四六談麈

國家圖書館, NATIONAL CENTRAL LIBRARY, TAIWAN, R.O.C.



童貫蔡攸收復燕山奏至宰相王黼率百官稱賀表中多得意語
云陞峻明堂既揭平朔之號軒藏石鼓仍題復古之名承九清之
命而整神霄陰相之旅建三辰之旗而向太一下臨之方


壽水間

居錄



王將明作賀復燕雲表以昆彙維其喙矣對燕民悅則取之鄭達
夫時為領樞密院事亦用上句而以周公方且膺之為對語王曰
相公屬對甚的因舉已對曰此是當家者

董斧間燕常談



宣和五年五月二十九日童貫蔡攸大奏凱以入告功於朝六月
一日蔡京上賀表曰師由義動往城于方國以和成不戰而屈舉
全燕之故地大漠弔介狄之遺民戴白垂髻歡呼而解衽壺漿簞食充
塞而載塗萬國來同一方底定乾坤動色廟社用光中賀惟北有
邦實與之府大禹所別有虞嘗巡粵我造邦之初遂為與國之敵
始約兄弟尊至祖孫金縢締交使傳洽至其強勿率偕位號者二
百年有志未遑更聖君之六七作惟昔神考于時元豐分將隸兵
聯民講武閱九軍之師陣建北面之黃旗無釁可乘有訓斯在皇
帝陛下以重華而紹帝之事以下武而繼文之聲因其天亡之時

成是席卷之勢。臣顧惟稚長。久誤春知。詩禮之庭。屢趨而過。軍旅之事。蓋未嘗聞。察之於談笑。杯酌之間。付之以疆場甲兵之事。乘其萬舉萬金之會。授之百發百中之機。是惟秉鉞以專征。豈可因人而成事。山川草木。悉歸輿地之圖。士女臣民。盡効職方之貢。此蓋皇帝陛下懋昭大德。適駿先猷。人斯效能。天實助順。揚勵無前之偉績。鋪張不世之宏休。千載君臣。適遇風雲之際。一門父子。得為勲戚之家。三朝北盟會編

宣和乙巳上皇內禪吳敏元中建議及謝門下侍郎表云上皇勸勤授皇圖於元子微臣攝直適視草於禁中初無一言以贊大議君子與其不伐野客叢書

靖康元年徽宗巡幸淮泗將還京闕禮部郎中劉觀代宰臣賀表
云漢室太公本是蓬蒿之叟唐朝肅帝殊非揖遜之人何丞相文
績以其語太樸因改云擁篲迎門陋未央之末禮御鞍馳道笑至
德之末情

能改齋漫錄



文鎮以四六知名其謝名還表云兩曾參之是非浮言猶在一王
尊之賢佞更世乃明 四六談塵

國家圖書館, NATIONAL CENTRAL LIBRARY, TAIWAN, R.O.C.



何文鎮以曲學羅正字其謝章云師友淵源安追擬於千載文章
戶牖期自立於一家獨簡聖知何名曲學四六談塵

國家圖書館, NATIONAL CENTRAL LIBRARY, TAIWAN, R.O.C.

靖康中蔡元長父子既敗言者攻之發其姦惡不遺餘力蓋其門
下士如楊中立孫仲益之類是也李泰發光時為侍御史獨不露
章且勸勿為太甚坐是責監汀州酒稅謝表云當垂涕止闕弓之
射人以為狂然臨危多下石之徒臣則不敢士大夫多稱之

揮塵

餘話

門下侍郎許將下御史獄抗章云。絲豪自知其無罪。父子相繫而
為囚。迫屬吏十有六人。繫病者百有三日。終無可坐之罪。遂加不
實之刑。宋史朱諤傳

范元長內翰靖康中謝淮東茶鹽表云瞻茲摘山之利。蓋出當時
之權明詔。惟行。盡復祖宗之舊。微生何幸。願還畎畝之中。四六談
塵

國家圖書館 NATIONAL CENTRAL LIBRARY, TAIWAN, R.O.C.

幹。高。不。犯。燕。山。郭。藥。師。令。儒。林。郎。王。樞。草。降。表。云。待。時。而。動。動。靜。固。未。知。其。常。順。天。者。存。存。亡。不。可。以。不。察。又。云。臣。素。提。一。旅。之。師。偶。遭。百。六。之。運。又。云。亡。遼。無。可。事。之。君。大。金。有。難。通。之。路。又。云。宗。主。戴。嘉。秦。官。是。與。念。一。飯。之。恩。必。報。則。六。尺。之。軀。可。捐。雖。知。上。帝。之。是。臨。敢。思。困。獸。之。猶。鬪。又。云。昔。也。東。征。雖。雷。霆。之。怒。敢。犯。今。而。北。面。祈。天。地。之。量。并。容。辭。多。不。記。

許採隘燕記

靖康丙午何文鎮栗相敵騎初退時議欲率文武百僚拜乞聖節
上壽文鎮命吏部郎中方允迪元若為三表才上即允所請後二
表不復用文鎮與允迪大稱歎賞不已且云恨不果用然當誦佳
句於百僚之上也今列于後第二表云立為天子肇興黃帝之英
姿請祝聖人允執唐堯之謙柄載陳悃愾動淵衷中謝恭惟皇
帝陛下勇智生知聰明性稟東宮主器盛德久孚於寰瀛內禪應
圖大計果安於社稷厲精為治側身修行儉奉已而厚事親寬御
衆而亟承祖維震夙之令旦華晉師之歡呼五百歲為春秋寧俯
稽於南楚一千年而華蓋還取於西池何睿意之勿休當緝儀

而固拒。伏望昭一人之有慶。納萬壽之無疆。陋彼太宗南嚮辭而
必再。超乎孝武中岳呼而此三。幸賜俞音。或從公願。第三表云節
紀千秋。歸美薦形於剡牘。享加三夏。隆謙再却乎舉觴。効罄輿情。
頻干宸聽。皇帝陛下兆於變化。生而神靈。舉建已誕彌之辰。應虹
流長發之瑞。盡仁皇之忠厚。指乾元於向辰。有神祖之聰明。數同
天於過信。正心誠意。勤邦儉家。地闢天開。而除妖災。雷厲風行。而
成功治。龍樓問寢。欣西宮鳴蹕之還。虎符發兵。至北鄙控弦之遠。
式全丕構。允謂中興。豈有首臨蘭殿之期。而當力拒華封之祝。伏
望皇帝陛下制行不以已。歛福用錫民。登五成三。偉示慈之高宴。

桑田東海。協稱壽之懽謠。罔達就日之懷。克受後天之奠。王明清

玉照新志

上宿郊宮與粘罕幹離不尙未相見遣使議事索降表上命孫覲
草表但言請和稱藩而已使人齎草示粘罕粘罕以為未是使人
往來者數四皆不中而要四六對屬作降表覲與吳玠互相推避
不下筆上曰事已至此當早辭盡禮勿計空言促使為之於是覲
玠與何棗共草成之其畧云三匝之城遽失藩籬之守七世之廟
幾為灰燼之餘既煩汗馬之勞敢緩牽羊之請又云上皇負罪以
播遣微臣捐軀而聽命又云社稷不隕宇宙再安上覽訖謂孫覲
曰對屬甚切非卿平昔閑習安能及此

宣和錄

靖康要盟錄載表曰背恩致討遠煩汗馬之勞請命求哀敢廢牽
羊之禮仰祈蠲貸俯切凌兢孫覲辭免待制狀曰靖康國破淵聖
表降亟欲援吾君擠陷於不測之危豈復計此身誅絕於中興之
後有喧公議請寘嚴科凡此誤朝誰為禍首俾二聖辱在泥塗而
不問則一時失於翰墨以何尤三朝北盟會編



張邦昌僭逆集百官作推戴表少監王紹草之先叙大金皇帝云
道合三光功高九有惇德允元智將幾于虞帝弔民伐罪義實過
於周王又叙邦昌云惟太宰相公識探天人學貫今古內外之聲
久著天人之意允洽膺大國褒崇之禮希前王作聖之功可治國
事以主斯民

三朝北盟會編



靖康末金人立張邦昌顏博文作赦書無非吠堯之辭聞者駭愕
及以大寶歸上表云孔子從佛胎之召意在尊周紀信乘蕩舟也
車誓將誑楚

野客叢書

李淑到河中府謝上表曰長安日遠戴盆之望徒深宣室夜闌前
席之期不再王陶再來河南府謝上表曰田園僅足二疏那見其
復來羽翼已成四皓寧聞於再起三公表意一同到任未幾皆卒

青箱雜記



宗忠簡公澤累表請上還京略曰今敵兵尚熾羣盜繼興比聞遠
近之驚傳已有東南之巡幸此誠王室安危之所係天下治亂之
所關恐增四海之疑心謂置兩河於度外因成解體未諭聖懷不
報宋名臣言行錄

宗忠簡公集八卷歿無一語及家事但連呼過河者三遺表猶贊
上還京先言已涓日渡河而得疾其末曰囑臣之子記臣之言力
請鑾輿亟還京闕大震雷霆之怒出民水火之中夙荷君恩敢忘
尸諫死之日都人為號慟朝野皆相弔出涕

宋名臣言行錄

張浚等義師起李文肅公邴與權直院張守分撰請復辟表及批
荅上御朝明日賜公親札略曰卿毅然正詞氣折兇醜萬衆動色
具臣醜類公謝表亦云謀寢淮南雖慙素望笏擊朱泚實厲壯心
詰責允渠激揚禁衛迨成復辟實與祕謨蓋出孤忠豈徼後福當
時稱為實錄

宋名臣言行錄



李成受招安令泗州進士許道作謝表有云恨非李廣之無雙願
効顏回之不貳有旨為文人婉順先發赴行在

三朝北盟會編



四六有作流麗語者須典而不浮汪彥章賀神降萬歲山表云恍
若壺天金成宮闕浩如玉海虹貫山川辭學指南

國家圖書 NATIONAL CENTRAL LIBRARY, TAIWAN, R.O.C.



汪彥章四六之工自少年即妙崇寧三年霍端友榜瓊林花宴謝
頌米彥章作謝表有云使嗽潤而吮清得除煩而滌穢順時致養
俯同幽雅之春開受命知榮固異衛人之夕飲又云深防復薄之
危不昧至堅之漸子孫傳誦記御林金盞之香生死不忘動宮井
玉壺之潔

墨莊漫錄

顏魯公自撫州刺史移湖州刺史汪彥章藻紹興初自湖州移撫州謝上表云惟臨汝之故都有魯公之遺跡時當唐代來自吳興雖賢愚比擬之非倫然明聖選除之得所奉明主十行之詔願布寬隆想英賢百世之風更思竒節語意條暢亦竒矣第來自吳興小疵也

能改齋漫錄

劉禹錫聽舊宮人穆氏唱歌一詩云曾陪織女度天河記得雲間
第一歌休唱正元供奉曲當時朝士已無多劉在正元任郎官御
史後二紀方再入朝故有是語汪藻始采用之其宣州謝上表云
新建武之官儀不圖重見數正元之朝士今已無多汪在宣和間
為館職符寶郎是時紹興十三四年中其用事可謂精切邁嘗四
用之謝侍講修史表云下建武之詔書正爾恢張於治具數正元
之朝士獨憐留落之孤蹤以德壽慶典曾任兩省官者遷秩蒙轉
通奉大夫謝表云供奉當時敢齒正元之朝士頌歌大業願廣至
德之中興克永思陵橋道頓遞使轉宣大夫謝表云武德文階愧

三品維新之澤。正元朝士動一時既往之悲。主上即位明堂禮成。謝加恩云。考皇祐明堂之故。操以舉行。念正元朝士之存。今其餘幾。亦各隨事引用。近者單夔以知紹興府進文華閣直學士謝表云。數甘泉法從之舊。真正元朝士之餘。夔當淳熙中。雖為侍郎一朝名臣尚多。又距今才十餘歲。似為未穩貼也。

容齋四筆

汪彥章賀呂成公初大拜啟云。方羣臣憂杞國之天。靡遑朝夕。乃兩手取虞淵之日。重正乾坤。

四六談塵

程子山紹興初為史官以狂躁得罪歸蜀遷靖州表謝曰為其自
作弗靖故使謫居此邦人以能自狀也

寓簡



紹興二年三月資政殿大學士王絢表臣昨任提舉萬壽觀兼侍
讀正月二十四日奏事殿中乞以臣父故宣德郎贈太子太保先
臣發元祐中應賢良方正能直言極諫科目所進策論十卷凡五
十篇俟裝標畢日依臣見進故事例詣通進司報進面奉聖旨依
奏絢旋得請提舉洞霄宮繳進其父所為五十篇之文表略曰惟
元祐之紀元復制科而取士維時司馬光之客有若劉安世之賢
見所為書舉以應詔因知己之遷謫并薦士而棄捐事與志違言
隨名寢盖是安世既貶發固不得名東坡嘗得其詞業致書謂慮
深詞達非淺陋所及

四朝聞見錄

中央圖書館
NATIONAL CENTRAL LIBRARY
圖書館
CENTRAL LIBRARY, TAIWAN, R.O.C.

紹興九年十月二十一日詔皇太后宮殿名慈寧三十日畢功羣臣上表云臣等言德之大者必盡萬物之報以稱其禮孝之至者必得四表之心以寧其親天祚文武之隆世基任似之德仰模太紫前考異宮宜詔揭於鴻名以答揚於流澤臣中賀竊以東朝置衛遠存長樂之鴻名中禁承顏近著寶慈之茂實皆以體王居於宸極據寶勢於坤靈廣一人欽愛之風極萬世尊崇之奉載新令典允屬聖時伏望皇帝達孝通於神明要道形于海宇紹復大業對越祖宗在天之靈抑畏小心躬達帝王高世之行人與能而樂戴天復命以中興上推履武之祥丕啟生商之慶方且致天下之

養用寅奉於母儀。成路寢之威示。日嚴於子道。臣等率顛衆志。懇
款一詞。敢稽令於前章。極崇施於顯號。叶情文而並舉。煥典冊以
增華。輦道中通朝夕。燕兩宮之喜。珮環入覲。時節奉萬年之觴。亦
垂裕於無疆。益儲休於有美。伏請建皇太后宮殿。以慈寧為名。時
顯仁太后尚羈北庭。讀此真堪為高廟泣下也。楓憲小牘

竇叔向所用柰花事出晉史云成帝時三吳女子相與簪白花望
之如白柰傳言天公織女死為之著服已而杜皇后崩其言遂驗
紹興寧德皇后訃音從北庭來知徽州唐輝使休寧尉陳之茂撰
疏文有語曰十年罹難終弗返於蒼梧萬國銜冤徒盡簪於白柰
是時正從徽廟蒙塵其對偶精確如此容齋四筆

秦會之忠獻公謝車駕幸第家人輩各拜恩數表首云注目帝車。
方望雲而盤辟移居仙境容舐鼎以飛昇。中謝後云婦子孫息同
荷優恩官封服章躡登常職。末云臣敢治外自內訓子及孫共肩
忠孝之心永享國家之福。祐陵復土被命撰哀冊文首云十年生
別萬里喪歸。

清波別志

紹興己未周敦義癸為侍御史梁仲謨汝嘉為戶部尚書敦義欲論之甫屬藁而泄其事於仲謨時秦會之秉鈞仲謨致懇款於會之會之領畧之是夕敦義牒閣門明朝有封事求對翌日會之奏事即擬除敦義為左史天意未允敦義方侍引會之下殿即喻閣門云周癸已得旨除起居郎隔下又明日敦義立螭直前愬之高宗諭會之云周癸遷易之何也會之云周癸位長言路碌碌無所建明且進退百官臣之職也倘以臣黜陟不公願先去位上云不須如此是日批出周癸與郡遂出守雪川秦含怒未已思多方誤之未幾易守平江會李仲永椿年為浙漕應辦北使會之喻意仲

永使為之所仲永之田即入奏敦義在郡錫燕金使飲食臭腐致
行人有詞講和之初不宜如此敦義落職罷郡謝表云雖宰夫是
供各司其職耳然王事有關是誰之過歟自是投閑十五年

揮塵

後錄

方公美庭實興化人其父宣和中嘗為廣南提學以卒公美後登
科至紹興間自省郎為廣東提刑以母憂去官服闋復除是職公
美辭以不忍往秦會之不樂降旨趣行公美勉強之官謝上表云
三舍教育先臣之遺愛尚存一笑平反慈母之音容未遠讀者哀
之已而竟沒於嶺外

揮塵後錄

和議成徐俯守上饒連南夫帥廣東岳飛宣撫淮西皆因賀表寓
諷俯曰禍福倚伏情偽多端南夫曰不信亦信其然豈然雖虞舜
之十二州皆歸王化然商於之六百里當念爾欺飛曰救暫急而
解倒懸猶之可也欲長慮而尊中國豈其然乎

宋史姦臣傳

秦會之既主和議大帥皆罷兵權賜田宅予為岳侯作謝表有云
功狀茂聞敢遂良田之請謗書狎至猶存息壤之盟會之讀不樂
寓簡



朱弁字少張徽州人學文頗工早歲漂泊游京洛間晁以道為學
官于朝一見喜之歸以從女弁以啟謝之云事其大夫賢者以其
兄子妻之又以李虛中之術較量休咎游公卿間六飛在維揚有
薦之者授修武郎閤門宣贊舍人副王正道倫出疆被拘在朔庭
因正道之歸贖表于上云節上之旄盡落口中之舌徒存歎馬角
之未生魂飛雪窖攀龍髯而莫逮淚灑冰天上覽之感愴厚卹其

家 揮麈三錄

七

△
張樞密子功紹興未還朝已近八十其辭免及謝表皆以屬子有
一表用飛龍在天對老驥伏櫪公皇恐語周子充左史託言於予
易此二句周叩其故則曰某方丐去恐人以為志在千里也周笑
解之曰所謂志在千里者正以老驥已不能行故徒有千里之志
耳公雖筋力衰豈無報國之志耶子功亦笑而止蓋其謹如此

四六應用所貴剪裁或屬筆於人有未然則當通情商確建王元
樞初以中書舍人權直學士院除試工部侍郎仍直除落權字辭
免奏劄第及起曹議者疑焉託一故人草謝表內一聯云百工之
事蘭省遽冒於直除。一札之書花塼復遵於故步。王改作散句蘭
省遽接於英游。花塼不失於故步。剪裁固善然花塼宜帖故步上
句或謂似稍偏枯 清波雜志

秦翰林叔厚謝宮祠表云雜宮錦於漁簑敢忘君賜話玉堂於茅
舍更覺身榮時歎其工又有一表云欲掛衣冠尚低徊於未路未
先犬馬儻邂逅於初心尤佳

老學庵筆記

國家圖書館 NATIONAL CENTRAL LIBRARY, TAIWAN, R.O.C.

叅政漢老坐其兄會稽失守落職謝章云色屑不食而哭秦素心
猶在李陵得當而報漢後效難期 四六談塵

葉石林少蘊知福州具賀朝會表云
繫昔艱難孰測聖人之勇迨
茲平定益知天子之尊 四六談塵

國家圖書館, NATIONAL CENTRAL LIBRARY, TAIWAN, R.O.C.



族叔茂振以正字權外制日秦丞相俾代作進茶鹽法表繼聞秦
自有所改定迨付出所改者不有成憲將何靖民八字耳或叩本
語云不逮也

清波雜誌

胡文定以親辭成都學事云矧當喜懼之年深計短長之日曾文
清求歸侍云朝則倚門暮則倚閭常恐失望父曰嗟子母曰嗟季
曷敢弭忘 困學紀聞



玉牒所記非止本支而凡一朝大政事大號令大更革拜罷皆在
焉。仙源積慶特其一條耳。于湖進表終始對說其詞云帝系勃鴻。
縈科條于屬籍。聖謨啟祐。嚴訓典於寶儲。堯統漢緒。肇派別於天
潢。周誥高盤。儼仙躔於東壁。惟昭穆親疎之有序。與文章詞令之
當傳。麟趾振振。共仰宗盟之益茂。虞書渾渾。更瞻聖作之相輝。其
形容玉牒方為兩盡。

事文類聚

隆興二年改乾道及甲午改純熙既已布告天下予時守贛賀表
云天永命而開中興方茂卜年之統時純熙而用大介載新紀號
之文迨詔至乃為淳熙蓋以出處有告成大武之語故不欲用洪邁容

齊續筆



以十年為一表其說見白樂天集中詩云年開第七表屈指幾多人是時六十三元日詩也又曰行開第八表可謂盡天年注曰時俗謂七十以上開為第八表蓋以十年為一表耳近時壽聖皇太后慶八十而廟堂有辭免恩例劄子曰昌齡協千秋之會東朝開八表之期又曰慶闈開八秩之算三世奉萬年之觴蓋改開為登

字 野客叢書

蓮峯周貳卿灑山朱舍人俱寓四明侍御王公年雖未及而從二
公遊宛顏亮既平周公賀表用萬馬救中原對一驢載都市朱公舍人
問之侍御適參坐誦臧質傳中數十言俱稱其強記 攻媿集

史直翁丞相表語云侵尋歲月六十有三。補報朝廷萬分無一。又
李淇水謝戶書云補報朝廷。本末無萬分之一。因循歲月甲子已
六十有奇。

浩然齋雅談

越王自草表中自序云逡巡歲月七十有三而未得所對有客以
今余大參父能四六為薦者越王召見試以表中語俾為屬對余
應聲曰此甚易以補報乾坤萬分無一為對足矣越王大加賞識
今四六話中載越王表語而不及余非越王不捨人善之意也 四

朝聞見錄

前載史越王辭免太傅表得之間見以為出於余公天錫之父暨
儲行之孫沐錄示則非辭免表蓋青詞云反本狐邱寓誠獮祭念
此闔門之多指迫於投老之一身欲用侵尋歲月八十有三未有
其對訥齋馮端方在坐應曰補報乾坤萬分無一王稱賞久之四
六話中亦載謂其本於古人之聯未知前今所載孰是吳門友人
之子胡北訪余天錫之弟天任於四明因舉聞見所載余公天任
曰是也蓋先伯所對但歲月二字非是其易為甲子天任與余公
天錫為同氣後繼其季父云

四朝聞見錄

龍川陳亮奏書阜陵幾至大用阨于卿相流泊有年光皇賜對問以禮樂刑政之要亮舉君道師道以為對時諸賢以光皇久闕問安更進迭諫獨於末篇有豈在一月四朝為禮之說光皇以為善處父子之間故親擢為第一及發卷首得亮上大喜曰天下英才為朕所得命詞臣行亮制曰往贊侯藩姑循近比朕之待爾豈止是哉盖有意於大用也亮謝阜陵表云昔者論天下大計之小臣亦嘗勸聖人隱憂之良會一時排擯十五載之多竒末路遭逢四百人之自見共幸奮身于今日獨知回首于當年末睽云設科取士雖舊貫之相仍陳力復讎亦大義之難廢

四朝間見錄

周益公相兩朝慶元間以退傅居於吉隱然有東山之望當路忌
之有呂祖泰者東萊之別派也奮然投匭乞以益公為相朝論雜
然以為公實頭指之乃鑄一官為少保下祖泰于天府杖而竄之
益公上表謝余時在里中傳得之今尚憶其全文曰告老七年宿
愆猶在貶官一茅鴻造難名敢期垂盡之年猶麗怙終之罪中謝
伏念臣疏庸一介際遇四朝逮事高皇已徧塵於臺省受知孝廟
復久玷於機衡不思勉效於同寅乃敢與聞於異論既肺肝衆所
共見豈口舌獨能自明惟光宗興念於元僚亦屬分於閫寄肆陛
下曲憐其末路爰俾遂於里居首將正於狐邱巢忽危於燕幕狂

生安發姓名輒及於樵蘇公議大喧論罰盍輸於新粲僅削司徒之秩仍存平土之官茲蓋恭遇皇帝陛下崇德尚寬馭民以敬故國皆曰殺雖無可恕之情老不加刑姑用惟輕之典遂令衰朽亦與生全臣有愧積中無階報上省愆田里視桑蔭之幾何託命乾坤比櫟材而知免初當路入浸潤欲文致以罪而難其重名音或有辨論乃置於貶及奏至引咎紆徐言正文婉洒然消釋既而東朝奉寶冊詔復其秩時廷綸有曰駭匹夫狂悖之上聞乃片言註誤之併及既有疑於三至姑薄褫於一階朕方建皇極而融合於黨偏尊重闡而濡決於慶施申念三朝之元老僅同下國之靈光寧屈彝章以全晚節屬外親之詣闕在更生初豈預知貶宮保以居閒矧彥博已嘗得謝猶不謂非罪也嘉定更化詔前祖泰過名授以文資而晦菴宋文公以下皆褒贈賜諡於是其言始申

程史

曲禮云有負薪之憂孟子云有采薪之憂義皆相近周益公謝祠
表曰介竹無功懇辭良郡負茲有疾願備祠官人謂誤寫不知公
自注云出公羊威公十六年屬負茲注屬託也諸侯疾稱負茲大
夫稱犬馬士稱負薪此言託疾也

楊伯嶽
臆乘



△今臣僚上表所稱誠惶誠恐及誠歡誠喜頓首稽首者謂之中謝中賀自唐以來其體如此蓋臣某以下亦畧叙數語便入此句然後敷陳其詳如柳子厚平淮西賀表臣負罪積蒙違尚書牋表十有四年云云懷印曳紱有社有人語意未竟也其下即云臣誠惶誠恐蓋以此一句結上數語云爾今人不察或於首聯之後湊用兩短句言震惕之義而復接以中謝之語則遂成重複矣前輩表章如東坡荆公多不失此體近時周益公為相謝復封表云華陽黑水裂地而封舊物青氈從天而下磨玷之勤未泯。執珪之寵彌加臣誠惶誠恐或以為疑嘗以問公公答之正如此

齊東野語

▲ 周益公代交趾進馴象表首聯云效牽靈囿。備法駕之前驅。已見
象為有用。又曰名應周郊之五路。克協馭儀。耳聞舜樂之八音。能
參率舞靡憚。奔馳幸捨。鳶飛之跼跼。無煩教授。俾陪獸樂之般般。
曲盡馴象生意

辭學指南



周益公表則誕皇孫賀重華宮曰有天下傳之子初微黃屋之心受帝祉施于孫侁誕青宮之胄乞致仕曰三千同臣心甫際興王之運七十致君事適臨告老之年謝復益國公曰華湯黑水裂地而封舊物青氈從天而下以言乎啓則賀陳右相曰底績政塗奮庸揆路濟巨川汝作舟楫式資利涉之功若和羹爾惟鹽梅更賴均調之助賀王德言除工部侍郎曰擢登起部仍直鑿坡閭闔晨趨班冠貳卿之玉筍絳夜草燭搖內相之金蓮賀直院陽給事椿曰塗歸東省僂直北門論事激昂百辟憚回天之力搗文按麗四方傳擲地之聲謝劉守再送朱墨錢曰長者賜不敢辭正惟禮

屈小人腹已屬饜過為身謀凡此皆字字破的篇篇出奇只在首
聯其題意繁然靡所不載可謂文中虎也公平昔所著可觀不可
殫姑舉此則嘗鼎一臠可知矣

示兒編

翰苑多雜著故其體不一某以乾道庚寅歲初忝寓直凡詞頭之
小者院吏輒以片紙錄舊作謂之屏風兒予笑曰此陶穀所謂一
生依本畫葫蘆今觀王岐公謝承旨表橐亦連別本殆屏風之類
矣其詞謂由西掖入北門行將二紀又云鼎祚^聖之肇新願藩麾之
屢易則為張文定公安道無疑然閣博燕閒浮鰲宣精等語岐公
表實用之文體大略亦相類二公蓋同直者顧不嫌於同此前輩
廣大規模也 益公題跋

慶元初嗣秀王辭中書令賜贊拜不名鄭溥之草制云天下之達
尊三德兼爵齒以俱茂人臣之不名五老與親賢而並隆公羊傳
注禮君於臣不名者有五諸父兄不名上大夫不名盛德之士不
名老臣不名說苑伊尹曰君之所不名臣者四諸父臣而不名諸
兄臣而不名先王之臣臣而不名盛德之士臣而不名咸溥初嗣
榮王賜詔書不名余草制用說苑事

困學紀聞

嘉定初元史忠獻彌遠拜右丞相相府翰林權直陳晦之筆也有
昆命元龜使宅百揆之語時倪文節思知福州即具申朝省謂昆
命元龜乃舜禹授受之語人臣不當用史相得之甚駭遂拜表繳
奏且謂當時惟知恭聽王言所有制詞合取會詞臣合與不合貼
麻時陳晦已除侍御史遂具奏之其詞內云茲方艱於論相顧無
異於象賢昆命元龜使宅百揆此蓋演述陛下卜相之意甚明而
思乃以為人臣不當用之語臣觀尚書所稱師錫帝曰虞舜與乃
言底可績者其上下文顯是揖遜授受之語而孫近行起鼎制云
亶由師錫之公蔣希行洪适制云用符師錫之公陳誠之行沈該

制云言皆可績僉曰汝諧從大禹謨之文惟口出好興戎朕言不
再禹曰枚卜功臣惟吉之從帝曰禹官占惟先蔽志昆命元龜朕
志先定詢謀僉同鬼神其依龜筮協從卜不習吉禹拜稽首固辭
帝曰毋惟汝諧今以本朝宰相制詞考之呂夷簡制曰或營求方
獲或枚卜乃從富弼制曰遂膺枚卜實契具瞻王欽若制曰廟堂
虛位龜筮協謀曾公亮制曰拂龜而見祥瑞辰而定制稽用師言
之錫進居台路之元陳執中制曰考嘉績而惟茂質枚卜以僉同
趙鼎制曰龜弗克違既驗詢謀之協陳伯康制曰詢於僉言蔽自
朕志無非用大禹謨此一跋中語此甚多不敢盡舉唐人作韋
見素相制曰爾惟不矜朕志先定此兩全句皆用禹事本朝蘇軾
草范純仁詔亦曰蔽自朕志賜文彥博詔亦曰朕命不再至於歷
試諸艱蓋堯舜事軾於呂太防胡宗愈詔屢用歷試二字然臣不
敢援此為例恐未是命龜的證國初趙普拜相制曰詢於元龜歷
選羣后又有甚的切者唐元和中裴度拜相制曰人具爾瞻天方
予賚昆命元龜爰立作相云云古人舉事無大小未嘗不命龜如
洪範周禮左傳皆可攷也凡臣所陳事理甚明所有已降相麻即
不合貼改繼得旨陳晦援證明白無罪可待倪思輕侮朝廷肆言
誣罔可特降兩官其後文節作辨析一狀甚詳又專作一書曰昆

命元龜說脩載始末然一時公論多以文節出位而言近於忿激
而陳之論辨雖詳終不若不用之為佳也

齊東野語

嘉定間加史丞相實封制云天欲治舍我誰也負孟軻濟世之才
民不被若已推之挺伊尹佐王之略用經句而帖妥然過諛失體
勲德如韓魏公荆公草加官制不過曰保茲天子進無浮寔之名
正是國人退有願言之行或謂荆公素不滿於魏公故無甚褒之
詞非也王言之體當然耳

鶴林玉露

史嵩之特除觀文殿大學士休致時劉克莊權中書舍人當草制
中有云朕聞在昔求忠臣於孝子之門人謂斯何豈天下有無父
之國又云宇宙雖廣有粟得而食諸霜露既濡啜泣何嗟及矣又
云罪臣猶知之卿勿廢省循之義退天之道也朕樂聞止足之言

周密癸辛雜識

丙申之春御筆史嵩之退安晚節已踰十年可特授觀文殿大學士依舊金紫光祿大夫永國公致仕仍盡與宰執恩數令學士院詔林存當制云高尚不事王侯朕每嘉於雅志忠愛不忘畝畝爾如有於遐心公論復以為未然

癸辛雜識

端平元年九月真文忠公除翰林學士洪舜俞命詞曰迪惟仁祖
有若臣修朝京師於甲午之元拜內相於季秋之月歐陽公之除
在至和元年九月歲在甲午用事切當如此

困學紀聞



嘉熙乙亥四月誕皇子告廟祀文學士李劉功甫當筆內用四柱
作一聯云亥年巳月無長蛇封豕之虞午日丑時有歸馬放牛之
喜蓋時方有蜀擾其用事可謂中的然或者則謂失之俳耳

齊東

野語

景定壬戌山東李壇以青齊來歸授壇保信寧武軍節度使督視
京東河北等路軍馬齊郡王制曰臣子之情尊君而愛父春秋之
法內華而外夷載嘉蓋世之豪首決歸朝之策凜義槩英風之鮮
儷超勲階爵級之常彝誕播絲綸肆頒印節李壇關河間氣淮海
俊人市駿骨而捐金招來遺軼聞雞鳴而起舞寤寐功名感辛有
為戎之言抱魯連蹈海之志慨思爾考被遇先皇屬邊吏之疏庸
致勲臣之跋扈朕迹前事諒丹赤之初心爾效膚公欲雪清於前
垢既舉漣海歸職方氏復奉淄青入王會圖無疆界彼此之分有
車書混同之漸王猛發正朔相承之論勿晉為謀馬援知帝王有

真而來。於漢專意英雄所見。今古略同。是用加兩鎮元戎之榮。峻
二府督師之拜。殄草地之逋寇。分茅土而胙齊。少慰立身揚名之
心。併下改史復官之詔。於戲。吳起守西河而事魏國。未聞並擁於
齋旄。太公表東海而封營邱。孰若徑疏於王爵。永肩忠蓋。式對寵
褒。可云云。口宣云。卿擇主之義高。歸疆之功大。擁將旄於淮蜀。胙
王社於青齊。以厲英豪。以獎忠孝。茲為異渥。益懋壯圖。其父李全
特追復彰化保康軍節度使開府儀同三司京東鎮撫使依舊京
東忠義諸軍都統制。制曰。君記人之功。不瑕疵於往事。子揚父之
美。蓋倫紀之至情。家庭有特起之豪。泉壤凜如生之氣。差辰出綽
疏渥還甄。李全海岱奇才。風雲壯傑。帥齊地陷蕃之衆。歸于本朝。
立堂門勦敵之勛。書之盟府。加卿子冠軍之號。極使相元戎之榮。
雄心方驚於白檀。異夢奄罹於黑幟。豹留皮之志。非不踐言。狼跋
胡而然。豈其獲已。是生英嗣。雅慕華風。自拔殊俗之中。來獻版圖
之舊。昔周封蔡仲。志郭鄰之愆。漢爵弓高。原馬邑之責。既獎肯堂
而裂土。乃令告第而復官。仍改汗青。用昭忠赤。以慰霜露。君萬之
感。以堅關河響附之心。於戲。剖符分功臣之封。不及觀於子貴。結
草充輔氏之役。必能報於國恩。可云云。獎諭制。招二閩。詔有曰。恩
交義結。不煩辯士之下齊。檄走書飛。已報王師之入蔡。以上皆劉

潛夫克莊筆也。時以工部尚書無直學士院一宗制詔盡出其手。筆力高妙不假瑣鑿而用事尤精切。如白檀黑憶弓高馬邑用之。李全無以加之。白檀出漢書李廣傳黑憶晉陸機夜夢黑憶繞車手決不開天明遂遇害。漢韓王信以馬邑降匈奴後其子續當復歸漢詔封為弓高侯。正與李全事體同其妙如此。時又有獎諭詔乃平舟楊元極棟當制有曰齊地開十二奉圖籍以歸本朝。禹服廣數千知衣冠之為正統。覺文氣不及後邨活動矣。劉棟隱居通議

時又有安南國王陳日照

說文無照即類字

表稱年老乞傳位其子威眈

朝廷以前無此例議所以處者久之詔從其請封威眈為國王而日照加封太國王以尊榮之二制皆佳太國王制曰春秋大一統進爵所以勸來中庸有九經嘉善所以柔遠矧功成而身退宜恩厚而禮隆乃眷南交夙勤內向堂播屬聞於承襲梯航恪奉於貢輸爰錫殊稱誕敷顯冊具官安南國王陳日照沈雄而和衆忠順而達權謹終欽居海濱而霑聖化仰觀俛察知中國之有至仁久殿是邦欲授之子目昇平之舊觀表懇惻之忱辭維商是常亟修來享之禮謂午也可竊希告老之風有嘉乃心奚靳所予尊無二

上固難攀大漢之儀官必大先式克用成周之典授師垣之極品
冠藩服之真封邑米加豐身章增貴疊此重褒之寵昭其釜養之
榮於戲安且吉者詩必稱義不忘於請命老而傳者禮所尚壽宜
介於耆頤啓爾後人祇余明訓可特授檢校太師特封安南太國
王依前云云功臣仍賜龍衣金帶王者施行威眈制曰周建諸侯
之國錫以山川漢封異姓之王及其苗裔美矣家傳於恭順俾之
世祿於蕃宣奄賜履之舊疆疏出綸之新渥安南國陳威眈挺姿
英毅秉性忠純在邦在家終始安民而和衆是父是子後先作室
而肯堂過庭雖命以繼承馳驛尚勤於奏臬際天所覆鄉風慕文
軌之同重譯而來效貢忘梯航之遠載嘉謹恪爰示寵褒爵超五
等之崇秩視三公之貴旌節長安之本色錫盾琱戈名彌凌煙之
元功高冠長劍分茅如故食采有加益堅屏翰之心庸報君親之
德於戲衆星北拱仰瞻象緯之垂百川東之孰謂鯨波之隔欽承
恩遇永底榮懷可特授靜海軍節度處置等使特進封安南國王
食邑三千戶食實封一百戶特賜效忠順化功臣王者施行是時
亡友范去非從包宏翁尚書在朝嘗錄此二制并山東李壇封齊
王制詔一宗從行都郵遞緘以示余謂皆出後邨劉公視草予讀
山東制詔見其雄奇超卓信非後邨公莫能也此前一制鎔意鑄

詞亦似出劉之筆其後趙次山仕閩歸惠余後邨文集閱視之但有山東制詔而安南前制乃不載未幾後邨卒其家會萃其平生所著別刊小本為大全集曾履祥仕閩歸又惠余一部復閱視亦無前一制如此則或出他學士視草未可知也

德居通議

寧宗在位久前星未耀乃取沂靖惠王之子為子賜名竑封濟國公嘉定十四年六月也十七年將立為太子而寧宗不豫時史丞相彌遠顓國柄皇子惡之將俟晏駕有所處置史覺其意矯詔以皇姪邵州防禦使貴誠為皇子賜名昀而以竑為三府儀同三司判寧國府封濟陽郡王寧宗崩理宗遂於柩前即位濟王既出有潘士潘丙者不能平奉王起兵于雪川朝廷遣兵討之王自經死理宗由是享天位四十有一年深德史公公嘗力諫理宗以勿復濟邸官爵勿為立後理宗入其言自臨御至升遐凡廷臣言倫紀乞繼絕者幾千百疏名臣鉅儒脣敝舌腐言之皆不報暨度宗繼

統乃始行之制曰朕紹膺丕圖。蒐舉缺典。率時昭考。友不得以因心。遺我後人。孝莫先於繼志。乃若秦邸之事。當其涪陵之時。太宗悼之已首敘舊恩。章聖承之遂盡復元節。矧親聆於詔命。而可緩於愍章。故皇叔已陵郡公竑。胄出帝家。昨分王社子。而能孝宜懷不憾之心。臣若克忠。肯犯無將之戒。恭惟聖父篤叙天倫。尺布斗粟之謠。自詒伊阻。大衾長枕之樂。豈不爾思。故母於家庭之間。而念及泉壤之下。謂事闕社稷。雖天不能違時。使澤漏墳塋。他日毋忘追叙。且寶慶所顯膺之異數。在端平亦稍慰其沈魂。何為屯膏正待。渙汗對越。敢塗之新屋。悉還茅土之故封。是用秩冠孤卿。節仍兩鎮。守冢置二千石。合修上雍之儀。乘車共七十人。尚廣封蔡之意。儻猶存歸地之魄。其往謝在天之靈。可追復少師保靜鎮潼關軍節度使濟陽郡王。仍令兩司備禮改葬。主者施行此制語。意妙絕朝野。夸誦蓋中書值院翁與可合筆也。

隱居通議

景定庚申賈師憲自軍中拜右丞相依舊京湖四川宣撫大使制
曰涕泣而表出師不遑將母旬宣而歌維翰盡以付卿忘其誰筆
也

隱居通議

度宗登極赦文有曰洪惟先皇丕承大統傳家嗣十三聖光紹寧
宗享國逾四十年遠幾仁祖馬翔父廷鸞當制也隱居通議

國家圖書館 NATIONAL CENTRAL LIBRARY, TAIWAN, R.O.C.

賈師憲以太傅平章都督諸路軍馬捍禦於太平州李尚書珣為
都督府參贊軍事實從行師進次于魯港大潰師憲奔揚州上章
待罪詔降三官罷為醴泉觀使陳為善合方直玉堂草制其戒詞
有曰膺戎狄懲荆舒朕無望周公之事率秦師雪殺恥爾尚蓋孟
明之羞蓋譏師憲每以周公自許也珣失勢翱翔江上不敢歸朝
詔赴行在奏事上童辭時為善已自禮部侍郎超拜端明殿學士
簽書樞密院以卒而允文兼權直適當答詔遂草詞有曰師出以
律否臧則為凶衆散而歸進退必以道珣得詔殊不平而措辭精
切可愛也隱居通議

賈師憲進書加恩制詞有云恭惟茂陵越我穆考前聖後聖一也
會之有元大事小事書之俟而不惑坦然示以軌範煥乎其有文
章商頌十二篇茲蓋得於考父武成二三策實見取於孟軻今余
宣乃重光成于五載日月所照罔不尊親天地之間而大豐美壹
是謨烈之佑後亦惟朝夕以輔台予所謂嚴密飽滿而欠疏暢活
動者於此可見矣葉鎮之夢鼎免右丞相依前少保授觀文殿大
學士判福州福建安撫大使制詞有曰東海記夜衣之往同州副
渭獵之求曰俞汝諧爰置諸右未殫遠業遽動遐心惟三少一請
得謝故事以為非大夫七十致事有德則勿聽引年何謂抗疏不

移胡寧忍予。是自棄朕。願上下之交。其志同也。而君臣之義如何。廢之既難。反於畱行。是用華其去位。賈師憲明堂。加恩制有曰。右我穆考。格于皇天。謨興唐虞。以俟聖人。不惑功。見河洛。號為天運。重開今也。犧尊在西。匏竹在下。侑于宗祖。交于神祇。惟朕屬。如弗勝。勿勿乎。欲饗。梁盛。秬鬯。爾乃將至。治之馨衡。統絃。緹爾。乃著孔容之側。來馬。游乎閭闔。畢寮。從乎崑崙。旰蠶。豐融。帝五位之。時序。洗濯鏟。缺民四方之。太和。以予敬休。得師殖禮。率有功而不伐。將無官之可酬。安南國王。該郊祀。加恩制有曰。服領自治之。雖殊。周疆之。索土。宇爾厚矣。俾服漢官之儀。又曰。維天於穆。賜朕宏休。孝通神明。薄四海而皆準。南暨聲教。綏萬福。以攸同。陳昉除史官。誥詞有曰。君子多識前言。往行具有典刑。聖人所修。舊史遺文。尚求旨趣。包恢除端明殿學士。簽書樞密院事。告詞曰。春秋王者無外。首明一統之經。天下大老來歸。實重五經之本。渙敷明命。孚諗羣工。具官包某。學積于原。而心彌充。智酬于變。而力彌裕。教于齊國。本伏生口授之書。儀我漢庭。皆申生力行之對。永肩一節。逮事兩朝。外而雲雷之絃。綸內而日月之獻納。所至可止。紀非道不陳。頃往聘者久之。乃覽禪而至。止爾。惟訓克邁。乃訓緝熙。曲學之功。朕儀刑有德。惟刑敷。繹咸中之慶。斯今圖小。必之助。屬采薇之勤。於稽仁。

皇有若臣。拯曾以方嚴之操。而陪宥密之聯。尚有典刑。矧乃書考。四十。必攀軌轍。置諸執政。二三。書殿穹班。武經大筆。以增西府之重。以成南方之強。噫。敷前人命。不忘大功。益欲圖救寧之事。今沖子嗣無遺。大耋尚思稽勤恤之謀。克贊廟謨。丕昭成效。馬光祖自建康除參政。有曰黃旗紫蓋。千載南方之強。大纛高牙。三命北門之管。又曰賢者時人耳。目尚見老成執政。猶吾股肱。式和駿假姚希得除資政學士。有曰大學東聽。典故西聽。曾東知於先帝。華玉茂席。文具底席。實協贊于沖人。江萬里知太平州。有曰朕綜核名實。統輯黎元。數下恩澤。詔書誰與領此。親見郡國守相。問所以然。又曰不遠帝城。尚冀京師之福。雖在外服。毋忘王室之心。嘉與函生之民。共由太平之路。吳堅兵部尚書。誥有曰王覲為可。思見春官之端。察民功曰庸峻陟夏官之常。伯洪天錫顯文閣待制。帥潭州。有曰承明勞侍從。勇辭加璧之招。岳牧用詞人。特重分符之寄。莫如南紀。用張中軍。又曰歲_初亦集爰止。已半老儒。咄咄不相助。邪獨一選士。黃萬石殿中侍御史。誥有曰適駿殿中。無雙之稱。勿替法筵第一之義。萬古在前。億世在後。惟名節之不磨。羣枉俱閉。衆正俱開。尚邦家之有賴。章鑑遺表。贈官有曰某蚤服官常。晚登禁從清要之路。老成尚想於典刑。黃散之班。俛仰已成於陳迹。反

使者得以數其過於朕前固憮然於此矣削官二列遲爾惟艾以
上皆馮集中語稟經酌雅極有本原初不為繆其短處在切疊全
句以求典實之工不知全句太多反傷重滯而無神化之妙作四
六自有法度不用全句固不可純用全句亦不可馮其未知之矣

隱居通議

敕太學環壁之宮羣才所萃忠臣義士之氣千載如生庸錫綸言
以光廟食太學土地忠文王赤心貫乎日月勁節凌乎雲霄江漢
滔滔武夫洸洸曩感激馳驅於受任辟雍湯湯威儀抑抑今聰明
正直以動人豪傑聞而作興懦夫為之有立方今

邊事

未寧想神力陰助於驅除在聖朝宜有以褒異爰因舊號用輯新
榮忠則祖述誓江之心文則諸葛出師之表英爽如在炳乎昭昭
之靈氣概不磨壯哉烈烈之日右合給據付太學忠佑廟照應德

祐元年正月日給

杭州府學碑

近時四六多以爰立對具瞻作宰相事用所謂爰立者訓於是乎
立耳不知所立者何事而即膺爰立之除式副具瞻之望除即立
瞻即望頭上安頭甚可笑也僕又考之曹氏命司馬氏文曰違兆
庶具瞻之望桓豁疏曰願陛下追收謬眷則具瞻革望魏晉人已
有此謬

野客叢書



資政侍讀除河東經畧建節制散語云眷_軍君民之重寄須文武之
全才。輟從鳴玉之近班。昭示擁旄之異數。式敷渙號。誕告明廷。熙
河帥除檢校少保易節制云。乃眷戎昭之大。有嘉邊最之優。宜增
重其事權。用疏榮於國典。責我明命。敷于治朝。
辭學指南



△王輔嗣吐金聲於中朝此子復玉振於江表微言之緒絕而復續
不意永嘉之末復聞正始之音晉人之稱衛玠蓋所尚者清談也
正始魏齊王芳年號胡武平啟以正始之遺音對奪朱之亂雅陸
務觀嘗摘其誤王季海行東坡贈太師制云博觀載籍之傳幾海
涵而地負遠追正始之作殆玉振而金聲恐亦襲武平之誤也若
正始之清談非所以稱坡公

困學紀聞

先公除翰苑以祖諱辭有旨銜內權不罄三字先公以不帶三字
止同職名不可赴院供職又固辭除述古制云玉帳談兵已興嗟
於見晚金鑿草制茲無恨於同時張達明激行 四六談塵



孫魴本畫工之子頗多避就王澈為中書舍人草魴誥詞云李陵
橋上不吟取次之詩頌凱筆頭豈畫尋常之物魴終身恨之

四六話

嘗得一誥詞云朕眷禮勲臣既極異姓王之貴疏恩私室併侈如
夫人之榮以爾修態橫生芳性和適會膺無卹之貴終隆絡秀之
家爰錫命書靡拘常典用肇封於大郡俾正位於小君往服寵光
益循柔履紹興間權外制某人行如夫人及修態橫生或者於王
言有疑時勲臣嫡室尚在正位小君之語亦有疑

清波雜志

士人為文或采已用語言當深究其旨意苟失之不考則必詔論
議紹興七年趙忠簡公重修哲錄書成轉特進制詞云惟宣仁之
誣謗未明致哲廟之憂勤不顯此盖用范忠宣遺表中語兩句但
易兩字而甚不然范之辭云致保佑之憂勤不顯專指母后以言
正得其實今以保佑為哲廟則了非本意矣紹興十九年予為福
州教授為府作謝歷日表頌德一聯云神祇祖考既安樂于太平
歲月日時又明章於庶證至乾道中有外郡亦上表謝歷蒙其采
取用之讀者以為駢麗精切予笑謂之曰此大有利害今光堯在
德壽所謂考者何哉坐客皆縮頸信乎不可不審也

△劉自之被名試用虛齋趙以夫之薦也既而為庸齋趙汝騰所激
於是以盧鉞威仲補其選盧以同里之嫌辭之云楚亡弓楚得弓
難泯同鄉之迹漢刻印漢銷印初何反汗之嫌卒辭之又蕭振再
知四川趙莊叔行詞云刻印銷印如轉圜朕嘗虛已失馬得馬如
反掌御勿容心 浩然齋雅談

林述中適帥福日見之舉名試舍人時除節度使麻云無怠無荒
以來玉朕敢忘於慎德有嚴有翼以共武爾無替于懋功四六談
塵

國家圖書館 NATIONAL CENTRAL LIBRARY, TAIWAN, R.O.C.





鄭安晚再相應之道草制云彥博重入中書特令納節王曾再登
 揆席俛就集賢困學紀聞

國家圖書館, NATIONAL CENTRAL LIBRARY, TAIWAN, R.O.C.



左揆直院洪魯齋片草麻制中間云予方重宵衣之憂汝不以晝
錦為樂入趨延英之名亟奉天章之咨又云當饋以歎濟川其誰
遺大投艱孰念牧寧之計任重致遠實惟宏毅之賢
蔣子正山房
隨筆



北海督府訓詞尤為宏偉有曰盡長江表裡之封志歸經畧舉宿
將王侯之貴咸聽指揮辭學指南

國家圖書館, NATIONAL CENTRAL LIBRARY, TAIWAN, R.O.C.

△太尉制說禮樂而崇詩書既備元戎之選戢干戈而橐弓知無忘
懿德之求辭學指南

國家圖書館, NATIONAL CENTRAL LIBRARY, TAIWAN, R.O.C.

王。器。之。京。東。淮。東。宣。撫。制。戒。詞。云。沿。於。江。而。達。泗。朕。方。恢。禹。之。九。
州。率。彼。浦。以。省。徐。爾。尚。勉。周。之。三。事。
辭學指南

國家圖書館 NOTIC CENTRAL LIBRARY, TAIWAN, R.O.C.

陳正甫草保安赦文云朕寅畏以保邦嚴恭而事帝雖不明不敏
有慚四海望治之心然無怠無荒未始一毫從己之欲真能寫出
寧宗心事天下誦之

鶴林玉露

國家圖書館 NATIONAL CENTRAL LIBRARY, TAIWAN, R.O.C.

乾道初年張魏公以右相都督江淮議者謂兩淮保障不可恃公親往視之會詔歸朝未至而免相文惠公當制其詞曰棘門如兒戲耳庸謹秋防衮衣以公歸兮庶聞辰告所謂兒戲者指邊將也而讀者乃以為詆魏公其尾句曰春秋責備賢者慨功業之惟艱天子加禮大臣固始終之不替所以悵惜之意至矣王大寶致仕詞曰閔勞以事聖王隆待下之仁歸潔其身君子盡遺榮之美大寶有遺泄之疾或又謂有所譏而實不然罷相後起帥浙東謝表曰上丞相之印方事退藏懷會稽之章遽叨進用謝生日詩詞啟曰五十當貴適買臣治越之年八十為秋辱莊子大椿之譽時正

五十歲也。紹興壬戌，詞科代樞密使謝賜玉帶表。文安公曰：有璞如此，必使琢。恍驚制作之工，匪伊垂之則有餘。允謂便蕃之賜，主司喜焉。擢為第一。乙丑年，代謝賜御書周易尚書表。予曰：八卦之說，謂之索奉以周旋百篇之義，莫得聞。坦然明白尾句曰：但驚奎壁之輝，從天而下，莫測龜龍之秘，行地無疆。亦忝此選代。福州謝歷日表曰：神祇祖考，既安樂于太平。歲月日時，又明章於庶證。正用詩鳧鷖序太平之君子，能持盈守成，神祇祖考安樂之也。洪範庶證歲月日時無易百穀用成，又用明俊民用章，皆上下聯文。未嘗輒增一字。淵聖乾龍節疏曰：應天而行，早得尊於大有象日之動。偶蒙難于明夷，易大有卦柔得尊位，應乎天而時行。左傳叔孫豹筮遇明夷象日之動，故曰君子于行，彖辭云：內文明而外柔順，以蒙大難，亦純用本文。乾道丁亥南郊赦文曰：皇天后土，監于成命之詩。藝祖太宗，昭我思文之配。讀者以為壯後語曰：天地設位，而聖人成能。既撲緼紛之况，雷雨作解，而君子赦過，式流汪濊之恩。此文先三日鎖院所作。冬至日適有雷雪之異，殆成讖云。葉子昂參知政事為諫議大夫，林安宅所擊罷去。林遂辭樞密已而置獄治其言，皆無實。林責居筠葉名拜左揆。予草制曰：既從有北之投，亟下居東之名。有欲為王留者，孰明去就之忠。無以我公歸兮。

大慰瞻儀之望。本意用公歸之句指邦人而言也。故云瞻儀而御
史單時疑之。謂人君而稱臣為我公。彼蓋不詳味詞理耳。子昂坐
冬雷罷相。予又當制曰。調陰陽而遂萬物。所嗟論道之非。因災異
而劾三公。實負應天之媿。蓋因有諷諫也。嗣漢王加恩制曰。天神
明而照四方。既下臨於精意。王孫子而支百世。茲載錫於蕃釐。又
曰。春秋享祀。獨冠周家之宗盟。老成典型。蔚為劉氏之祭酒。士衍
制曰。克羞饋祀。事其先而萬國歡心。肅倡和聲。行於郊而百神受
職。賜宰臣辭免提舉聖政書成。轉官詔曰。為天子父尊之。至永惟
傳序之恩。問聖人德何以加。莫越重華之孝。賜葉資政辭名命詔
曰。見暉曰消。願何傷於日月。得時則駕。宜亟會於風雲。賜史大觀
文以新蜀帥。改越辭免詔曰。王陽為孝子。敢煩益部之行。莊助留
侍中。姑奉會稽之計。吳璘在興元。修塞兩縣決壞渠為田。樊諭詔
曰。刻石立作。三犀牛重。見離堆之利。復陂誰云。兩黃鵠詎煩。鴻卻
之。謠用老杜石犀行云。秦時蜀太守刻石立作。三犀牛及崔方進
壞鴻卻陂。童謠曰。反乎覆陂。當復誰云者。兩黃鵠等語也。劉其甫
自潭帥除翰林學士。答詔曰。不見賈生。茲趣長沙之名。既還陸贄
宜膺內相之除。批執政辭經脩哲宗寶訓。轉官曰。念壺矩重規。當
賢聖之君。七作而立。經陳紀在謨訓之文。百篇哲廟正為第七主。

而寶訓百卷也。答蔣丞相辭免曰：永惟萬年之統，知非艱而行，惟艱。有不一心之臣，帥以正，則罔不正。禮部為宰臣，以顯仁皇后為小祥，請吉服。奏曰：練而慨然，禮應順變，期可已矣。懼或過中，又曰：漢中，天二百而興，益隆大業。舜至孝五十而慕，獨耀前徽。時高宗聖壽五十四也。辛巳親征，詔曰：惟天惟祖宗，方共扶於基緒。有民有社，稷敢自佚於宴安。又曰：歲星臨於吳，分定成肥水之勳。鬪士倍於晉，師可決韓原之勝。是時歲星在楚，故云檄書曰：為劉氏左袒飽聞，思漢之忠，儀湯後東征，必慰戴商之望。又曰：侯王寧有種乎？人皆可致富貴，是所欲也。時不再來，紫宸大宴致語曰：廟謨先定，百官修輔，而厥后惟明。黼座端臨，五帝神聖，而其臣莫及。脩聖政，轉官詞曰：念五馬浮江之後，光啟中興。述六龍御天以來，式時猷訓。又曰：薦於天而天是受，永言覆燾之恩。問諸朝而朝不知，詎測形容之妙。汪觀文復官詞曰：作雷雨之解，而宥罪在法當原。如日月之食，而及更於明。何損步帥陳敏制曰：亞夫持重，小棘門霸上之將軍。不識將屯冠長樂未央之衛尉。吳挺興州制曰：能得士心。吳起固西河之守，差運人意。廣平開東漢之興，起復知金州制曰：惟天不弔，壞萬里之長城。有子而賢，作三軍之元帥。蕭鷓巴詞曰：隨會在秦，晉國起六卿之懼。日殫仕漢，稅侯傳七葉之芳。姚仲

復官制曰李廣數奇應恨封侯之相孟明一青終酬拜賜之師追
封皇第四子郡王詞曰舉漢武三王之策方茂徽章念周文十子
之宗獨留遺憾時已封建三王也趙忠簡謚制曰見夷吾於江左
共知晉室之何憂還德裕於崖州豈令狐之復夢王彥贈官詞
曰申帶礪以丹書之誓方休甲第之功臣挂衣冠于神虎之門竟
失成營之校尉向起贈官詞曰馳至金城郡方思克國之忠生入
玉門關竟負班超之望李師顏贈官制曰青天上蜀道久嚴分閭
之權黑水惟梁州愴失安邊之傑襄帥王宣贈官詞曰黃河如帶
莫申劉氏之盟漢水為池空墮羊公之淚王淪以太常少卿朔祭
太廟忘設象尊犧尊降官詞曰犧象不設已廢司彝之供餼羊空
存殊乖告朔之禮潼川神加封祠曰駕飛龍兮靈之旂具嚴渙命
驅厲鬼兮山之左終相此邦青城山蠶叢氏封侯詞曰想青神侯
國之封自今以始雖白帝公孫之盛於我何加陽山龍母詞曰居
然生子乘雲氣以為龍惟爾有神時雨暘而利物魏丞相贈父詞
曰大名之後必大非此其身和戎如樂之和幸哉有子魏蓋以使
虜定和議致失大用贈母詞曰歲盟府之國功不殊魏絳成外宅
之宅相重見陽元封妻張氏詞曰靈仕于晉曰魏方開門戶之祥
取妻必齊之姜孰盛閨闈之美虞丞相贈父詞曰活千人有封非

其身者在其子德百世必祀畸于。人者侔於天周仁贈父詞曰有
子能賢高舉而集吳地受予顯服會同而朝漢京用東方朔非有
先生傳高舉遠引來集吳地及兩京都賦春王三朝會同漢京也樊
諭吳挺詔曰闈外致將軍方有成于東鄉舟中皆敵國應無慮於
西河梁丞相醴泉使兼侍讀制曰瓊臺間館獨冠臯伊之倫魁廣
廈細旃尚論唐虞之盛際又答詔曰一言可以興邦念為臣之不
易三宿而後出晝勉為王而留行王丞相進玉牒加恩制曰載籍
之傳五三壯太祖太宗之立極賢聖之君六七耀永昭永厚之貽
謀批以旱得雨請御殿曰念七月之間則旱咎證已深雖三日已
往為霖憂端未貫餘不勝書惟記從兄在泉幕淮東使者其友壻
也發京狀薦之為作謝啟曰襟袂相連夙愧未親之孤陋雲泥懸
望分無通貴之哀憐皆用杜詩其下句人人知之上句乃贈李十
五丈云孤陋忝未親等級敢比肩人生意氣合相與襟袂連此事
適著題而與前送韋書記詩句偶可整齊用之故併紀于此但以
傳示子孫甥姪而已不足為外人道也

容齋三筆

書編
會編
則換
名
刊

金人冊劉豫文曰維天會八年歲次庚戌七月辛丑朔二十七日
丁卯皇帝詔曰朕公於御物不以天位為己私志在救民迺知王
者為通器威罰既已殄罪位號宜乎授能迺者有遼運屬顛危數
窮否塞獲罪上帝流毒下民太祖武元皇帝仗黃鉞而拯黔黎麾
白旄而誓師衆妖氛既掃區宇式寧越有宋人來從海道願輸歲
幣祈復漢疆太祖方務善隣即從來議豈期天方肇亂自啟釁階
陰結叛臣賊虐輔宰鳩集姦慝擾亂邊陲肆朕纘承仰循先矩姑
存大體式示涵容迺復蔽匿逋逃夸大疆域肆其貪狠自起紛爭
擾吾外屬之藩鄰取其受賜之疆土因彼告援遂與解和終無聽

從巧為辭。拒爰命將帥。敦諭盟言。許以自新。終然不改。偏師薄沔。首罪奔淮。嗣子哀鳴。請復懽好。地畫三鎮。誓至萬年。凡有質要。悉同文約。既而官軍未退。夜集衆以犯營。誓墨纔乾。密傳檄而堅壁。私結人使。陰起事端。以故再遣師徒。詰茲敗累。而又起畫河之議。復成款戰之謀。既昧神明。迺昭元鑒。京城摧破。鼎祚淪亡。無併爾疆。以示不貪之德。止遷其主。用彰伐罪之心。建楚新封。守宋舊服。庶能為國。當共息民。不料懦庸。難勝重任。妄為退讓。反陷誅鋤。重念斯民。亂而無主。久罹塗炭。未獲昭蘇。不委仁賢。胡能保定。咨爾具位。劉豫夙擅。敢言之譽。素懷濟世之才。居於亂邦。生不偶世。百里雖智。亦奚補於虞亡。三仁至高。或願從于周仕。當姦賊擾攘之際。愚氓去就之間。舉郡來降。奮然獨斷。逮乎歷試。厥勲克成。委之安撫。德化行任之尹。牧獄訟。理付之總戎。盜賊息。專之節制。郡國清。况有定哀救亂之謀。必挾拯變扶危之策。使民無事。則索弓力穡。有後則釋耒。荷戈罷無名之征。捐不急之務。徵隱逸。舉孝廉。振紀綱。脩制度。省刑罰。而去煩酷。發倉廩。而息蝨螟。神人以和。上下協應。比下明詔。詢考輿情。列辟同辭。一心仰戴。宜即始歸之地。以昭建業之光。是用遣西京留守高慶裔。副使禮部侍郎知制誥韓昉。備禮以璽綬寶冊。命爾為皇帝國號大齊都大名府世脩子禮。

永貢虔誠付爾封疆並從楚舊更須安集自相攸居爾其上體天
心下從人欲忠以藩王室信以保邦圻惟天難謀惟命靡常厥德
保位爾其勉哉勿忽朕命冊計六十六方每方字兩行金填字豫遂僭立於北京
肆赦云門下自前朝失御率土無依內離民心致蠹起弄兵之盜
外開邊隙來鷹揚問罪之師山川靡寧干戈互動耕桑廢業壠畝
彌望而荆榛老幼捐生廬舍多為之灰燼原野獸於流血溝壑填
于殘骸兵火連年不休亂離自古所少言之流涕念及痛心嗟赤
子之無辜冀皇天之悔禍宣命亟班於上國郡制特設於東州願
朕何人誤承此任自念風猷寡陋家世側微昔也壯年久林泉之
是樂今焉晚節豈軒冕之為心屬乞退閑竟無允命提綱五路空
殫夙夜之勞歷試期年茂著錙銖之効雖近地稍形于康乂而遠
民未免於饑荒方圖自効而歸敢有懷它之望顯冊之既再命要
在必從避辭者凡四章無所不至使命愈加乎敦迫軍民不容於
遁逃至於屬部之州列奏樂推之牘此豈人事致爾寔有天命存
焉知便安難遂於已私則吉凶宜同於民患當天造之草昧念王
業之艱難恭受冊儀尚循墻而欲避勉膺位號若負刺之不遑雖
非虞舜之明揚幸無成湯之慙德已於天會八年九月九日即皇
帝位國號大齊布告中外咸知朕意尚念世道交喪國俗益訛貪

頑未革於餘風。詿誤多罹于憲網。力期化洽。深軫哀矜。宜布湛恩。與之更始。可大赦天下。於戲臨深履薄。何以副錫命之隆。拯溺救焚。何以慰來蘇之望。公卿宣力。士庶協心。共贊眇冲。以臻康泰。

無名氏

豫事迹

劉豫進封曹王。冊門下嚴寶冊以薦鴻名。既俯從於衆欲。布恩書以敷霈澤。宜大渙於羣生。眷予異姓之王。夙有同寅之德。聿班明命。孚告於朝。蜀王劉豫裕大而直方。高明而寬厚。早居南服。以直言強諫聞於時。頃在東州。以智畧英姿長於衆。八年享國。一節事君。屬運會之有終。識廢興之大義。視去位如脫屣。以還朝若登仙。向之富國以強兵。何霸王之足道。今也樂天而知命。豈得喪之能移。爰因慶賞之行。益永褒封之典。昨以陶邱之土。易其井絡之封。於戲列土以建侯邦。誓已堅於砥礪。盡忠以藩帝室。心宜炳若丹青。茂對寵光。永綏福履。可進封曹王食邑一萬戶。實封一千戶。仍

今有司擇日備禮冊命主者施行謝表禮成大冊澤霈普天特進
列其封階不遐遺於舊物望闕拜命闔門知恩伏念臣昔仕季朝
粗歷要宦昧圖存固亡之理竭徙薪曲突之忠項氏將亡一范增
而不用周家既勝以箕子之來歸試有微能爰許大位辭不獲已
服將若何承積年殘毀之餘凡百事艱難已極闕寇賊以置朝市
披荆榛而躬耕桑應機投隙以傾挫敵鋒損已使人以招集散徙
忘寢忘食必躬必親倍廣業之惟勤庶大恩之不玷俄加廢罷之
議愈堅措置之心要先成務於斯邦覲後受知於上國至聞混一
之意不待再三之言即隨使人往受宣命素所祇備復何遲疑八
年辛苦之經營兩手懽忻而分付帝號若釋重負王爵有感鴻恩
自得清閑而北來未嘗徘徊而南望久安僻地忽被改封洎捧讀
於訓詞若躬聽於御語溫如其玉煖然自春星斗輝輝麗煥然之
天道典謨渾渾顯大哉之王言徽軫燮下之焦桐青黃溝中之斷
木先生懸罄之室榮飾張羅之門茲蓋伏遇皇帝陛下德奉三無
仁均九有敬識百辟之享獨觀萬化之原有功而必見知無善而
常勿弃遂令窮悴得與褒嘉臣敢不守靖致虛安時處順何以効
涓埃之報惟不為名器之羞

劉豫事迹

天眷二年奏請定臣制答詔曰朕聞可則循否則革事不憚於改
為言之易成之難政或譏於欲速審而後舉示將不刊爰自先皇
已頒明命順考古道作新斯人欲端本於朝廷首建官於臺省豈
止百司之職守必也正名是將一代之典章無乎不在能事未畢
眇躬副承懼墜先猷惕增夕厲勉圖繼述申命講求雖曰法唐宜
後先之一揆至於因夏固損益之殊途務折衷以適時令於今而
累歲庶同乃繹僅有成書擬所先行用敷衆聽作室肯構第遵成
法之良若網在綱庶弭百條之紊自餘款條繼此施陳已革乃孚
行取四時之信所由適治揭為萬世之常凡在見聞共思遵守翰

林學士韓昉撰詔書曰皇祖有訓非繼體者所敢忘聖人無心每
立事於不得已朕丕承洪緒一紀於茲祇適先猷百為不越故在
朝廷之上其猶草昧之初比以大臣力陳懇奏謂綱紀以未舉在
國家之何觀且名可言而言可行所由帥事蓋變則通而通則久
以用裕民宜法古官以開政府正號以責實效著儀而辨等威天
有雷風詞命安得不作人皆願閔印符然後可捐凡此數條皆今
急務禮樂之備源流在茲祈以必行斷宜有定仰惟先帝亦鑒愚
衷神豈可誣方在天而對越時由易偶若易地則皆然自用載惟
殆非相反何必改作蓋當三復於斯言皆曰可行庶將一變而至
道乃從所議用創新規維茲故土之風頗尚先民之質性成於習
遷易為難政有所因殆宜仍舊漸祈胥効翕致大同凡在邇遐當
體朕意

金國岡見錄

陳王悟室加恩制貴尊賢式重儀型之望親親尚齒亦優宗室之恩朕俯適羣情祇膺顯號爰第景風之賞孰若台曜之先凡爾在庭聽予休命具官屬為諸父身相累朝蹈五常九德之規為四輔三公之冠當艱難創業之際藉左右宅師之勤如獻兆之信著龜如濟川之待舟楫迪我高后格於皇天屬正統之有歸賴嘉謀之先定緝熙百度董治六官雍容以折肘腋之姦指顧以定朔南之地德業茂著古今罕倫迨茲慶錫之頒詢及僉諧之論謂上公之嘉命有九而天下之達尊者三既已兼全無可增益乃敷求於載籍仍自斷於朕心杖以造朝前已加於異數坐而論道今復舉

於舊章。蕭相國賜詔不名。安平王肩輿升殿。併茲優渥。以獎耆英。
於戲。建無窮之基。則必有無窮之福。賜非常之禮。所以報非常之
功。欽承體貌之隆。共對邦家之祉。
洪皓松漠紀聞

皇統三年上。欽仁皇后尊謚。冊文臣聞正位麗極。肇造我家者。必
資淑聖。然後成帝皇之功。考謚定名。昭示厥後者。非薦徽尊。無以
見后妃之德。繫國朝之令典。著今古之彛儀。伏惟太母博厚配天。
貞明齊日。安順靜慈。肅雍塞淵。國王化以始基。篤人倫而正本。慶
流者遠。挺生胄族之華。善積在躬。秀發閨齡之妙。言成圖史。動合
箴規。鏘璜瑤以和鳴。容皆中節。飾纓緹而整治。藝則生知。粵自高
門。言歸烈祖。時屬經綸之際。進膺窈窕之求。禮未備於造舟。志已
躬於服澣。義爰六子。資生允賴於坤儀。周亂十人。同德莫先於文
母。體參龍躍。祥發燕謀。贄榛栗以告虔。羞蘋蘩而昭信。必敬必戒。

至靜至柔。教以身而先人化自家而刑國。琴瑟在御。副禕以朝。若
媯汭之嬪。虞用全舜。孝過塗山之典。夏寔佐禹。功有開必先。篤生
皇考。立子以適。肆及渺躬。永惟輔佐之憂勞。既勤祖構。宜享治安
之逸樂。遽棄母儀。迄茲纂承。彌極攀慕。弗獲逮事。徒瞻服飾之山
河未究。推尊有感。烝嘗之霜露。是以秉均元老。絕禮頌儒。謀皆一
辭。適得吉卜。請奉長秋之號。追嚴厚夜之歲。強為之名。道或存於
擬議。俄爾可測。功豈盡於形容。謹遣攝太尉皇叔祖大司空昱奉
玉冊。竊上尊謚。曰聖穆皇后。伏惟皇靈在天。景福昌後。衣冠原廟。
聿從高帝之游。松柏閔宮。寅奉姜嫄之祀。名貽不朽。德播無疆。

金集禮



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

文本心典淮郡蕭條甚謝賈相啟有云人家如破寺十室九空太
守若頭陀兩粥一飯

山房隨筆

國家圖書館, NATIONAL CENTRAL LIBRARY, TAIWAN, R.O.C.



賈師憲自江上入相去非作賀啓有曰命珪相印膽騎火之西來
羽扇綸巾賦大江之東去兩股各共一脈殊精也賈後辭相位徑
渡浙江歸紹興詔遣朝士中使宣押入朝絡繹于道越二日復造
闕詔以為平章事待以成王尊事周公之禮去非作賀啓有曰居
一二日上喜蕭何之復來以億萬年王敬周公而勿替尤當切隱

居通議

臨江丁熺乙丑諒閣榜第四人為他恩例所壓抑居第八授永州
教章采代為作啟謝辨章云諸公衮衮皆自下以升高一介休休
獨瞻前而忽後廖羣玉亟稱于賈改隆興節推

齊東野語



景定壬戌齊疆來歸公以啓賀當路有曰亦有英雄欲舉涿郡而
歸者奈無豪傑恐得荊州而失之未幾山東果復陷人以震卿為
知言又曰要使順昌之旗幟見者寒心庶幾渭橋之鼓鐘從此歸
命隱居通議

姚橘洲尹臨安時吳履齋拜相姚語客作咎賀之商量起句彭晉
叟云轉鴻鈞運紫軸萬化一新自龍首到黃扉百年幾地青耳集

陳丞相文龍咸淳初為太學生是年學中引放公試試之之旦適
奔馳弗及既至公闈則試者畢入已扃闈絕關矣公既弗得入亟
陳于當國者賈師憲特筆送入試已而同舍生忌公才名幸其不
試又以為此賈相送至有司必觀望私取則有妨同進競白于監
試者卒不啓闈公以此終不得試惟以一啓謝廟堂當時傳誦未
幾公擢戊辰進士第一敷歷清要景炎死節卒為名臣啓曰公闈
公闈鎖棘自外門牆相度包荒許歸甄治甫倉皇而得請殆粉碎
以難酬欲剖懦衷先橫感涕竊以得失有命行止非人玉勅有作
記緣風借送舟之便李廣無封侯相天教失路之迷蓋其逢不繫

巧。雖。所。投。亦。有。奇。耦。乃。若。盱。眙。有。悔。之。咎。不。勝。進。退。維。谷。之。難。
苟。非。有。物。敗。之。夫。何。使。我。至。此。伏。念。某。蘆。鹽。味。苦。葵。菹。品。凡。勇。和。
怯。公。為。獯。笑。者。八。年。矣。跋。前。蹙。後。譬。蠅。飛。不。數。武。焉。徒。以。先。緒。灰。
寒。親。頭。雪。白。慨。青。氈。之。未。復。擔。鐵。硯。以。相。從。淒。其。萍。梗。於。四。方。意。
者。株。守。於。一。試。居。然。不。武。何。以。謂。文。雞。既。鳴。矣。會。且。歸。則。可。以。速。
馬。不。進。也。非。敢。後。何。來。之。遲。閣。者。辭。焉。君。且。休。矣。竊。念。廟。堂。之。容。
物。豈。忍。場。屋。之。遺。材。聊。仰。首。以。鳴。其。窮。果。聞。聲。而。見。其。事。鄭。重。千。
鈞。之。判。料。理。一。介。之。寒。尺。度。不。拘。章。縫。交。誦。人。棄。我。取。受。相。國。之。
賜。多。誰。復。汝。憐。奈。書。生。之。命。薄。止。舉。頭。而。聽。闈。竟。搖。手。以。絕。關。如。
之。何。其。拒。人。歟。其。不。哀。之。亦。命。也。垣。圍。繞。繞。真。如。失。木。之。獲。門。外。
棲。棲。自。笑。立。袍。之。鵠。固。知。投。壁。是。致。遭。疑。初。未。入。宮。夫。誰。見。妒。吾。
過。矣。吾。過。矣。何。所。怨。尤。天。厭。之。天。厭。之。為。此。顛。沛。是。區。區。而。不。余。
畀。將。皇。皇。乎。欲。何。之。同。輩。深。嗟。不。暇。責。我。而。悲。我。達。人。相。語。安。知。
禍。翁。非。福。翁。姑。少。逃。紅。勒。帛。之。羞。終。未。了。白。紵。衫。之。債。以。俟。知。者。
知。爾。寧。有。利。不。利。耶。兩。生。不。果。來。業。已。輸。武。成。宮。之。試。三。年。將。拜。
賜。或。可。儕。光。範。門。之。班。茲。蓋。某。官。以。不。世。之。元。勳。為。斯。文。之。盟。主。
隔。截。進。士。忠。厚。樂。易。者。不。為。而。收。拾。人。才。細。大。短。長。之。並。蓄。故。當。
三。吐。哺。三。握。髮。之。際。不。忘。一。舉。手。一。投。足。之。勞。遂。令。金。躍。之。頑。均。

圓玉成之造某惟有益鞭其後再鼓而前失東隅收桑榆詎敢忘
於憤悱在公門盡桃李竊豫冀於栽培少潔心香莫殫舌筆此啓
此啓既上賈師憲嘉其材餽以瓊花露百瓶蓋揚州名酒也公復
小啓以對曰上光範書甫介舍人之謁讀醉鄉記特華從事之頌何哉韓子之
窮齋拜此曹相之醇酎溢榮觀於望外轉生意於愁邊某官酬酢
周乎廣輪淺深存乎變理一尊二簋慶明良之相逢百榼千鍾味
聖賢之深趣溥四海皆春之意開萬間庇厦之仁竟憐一夫之向
隅俾與衆人而皆醉某醺酣厚德傾倒感私天下一本瓊花曷當
嘉貺門外三千珠履願走後塵況懷大臣當報國士

隱居通議

二


山東來歸時賈師憲初入相馮景說夢得以啓賀有曰周公大誥
淮夷卒寧王之圖事孔子既相魯國歸齊人之侵疆雖曰切當然
周孔事業賢相亦難以語此況儉士之賈似道乎賈師憲既辭相
印居西湖自為平章軍國重事五日一入朝赴都堂治事賀啓有
曰日閒門館對南北兩峰之高時游廟堂總東西二府之問亦甚

切隱居通議

寶祐戊午震卿為袁州判官時方巨山岳為太守自以省闈魁望
素負材名又嘗守南康軍因杖湖廣總所綱梢為總領賈師憲勒
其具析巨山不伏聞于朝力詆師憲之非總領所劾上巨山徙知
邵武軍聲名頓重由是益自高既至袁值丁子萬大全當國以袁
玠知江州兼江西安撫沿江制置副使綱羅諸郡利原無孑遺巨
山素嫉其姦令下輒戡氣抗辨震卿適贊郡事巨山竒其人傾心
委任於是安撫司劾上巨山與震卿俱降罷明年己未秋九月十
有七日許黃逗渡丁袁俱敗竄朝綱一新布恩宥過越明年震卿
援赦恩得洗叙以啓謝檢正趙廣微崇媿有曰負弩而迎使者嘗

隨牛馬走之塵升階而擲侍郎可想烏鵲飛之意敢謂十二樓之
薄命忽遇千萬間之歡顏造化無私孤寒有恃其所學甚苦其貧
則甘少而沈浸乎詩書直欲飲上池之水壯而膠揭乎事物何異
登大行之山客媿媿而嘲雄人寥々乎說項空自憐其後臂不食
食於馬肝畢好雨箕好雨風難調衆口蜀吠日越吠雪自有他腸又
曰晚情受地露香告天所幸社稷靈長天王明聖雖未築鯨鯢而
誅六賊然已禦魑魅而去四凶神觀復回殺機頓息李定治東坡
之獄而今果安在哉歐陽辨師魯之書必有任其責者未云不圖
今日幸復見公卿篤厚之風自誓此生尚未奉郡國孝廉之對其
所以報不在斯文又自辨有曰皇天后土張巡無降賊之心白晝
通都曾參有殺人之事此語允悽壯可以感動隱居通議

馬觀文光祖為沿江制置使移築舒城賜名安慶府既畢役詔馬
公升秩以賞其勞去非為作賀啓曰某官負大聲名立實事業經
綸社稷為左右汝翼之臣表裏山河識南北必爭之地乃峙版
畫闢草萊句極尊壯當時震卿亦有作然不及此隐居通議



制置使加職名因任次山屬余作賀語有曰尊俎折衝呈赤雲之
勝氣江山如畫照黃紙之除書次山稱其穩熟又記次山為江西
運司判官時丁圭叟應奎以省元為國子錄因上書論官者誤國
致寇理宗怒其切直罷之出為江西運司幹官與次山實幕職也
也次山屬余通啓曰叩閣言事聳聞蓋世之清名贊幕同僚將挹
出塵之雅致試共論於心事殆慰滿於平生某官南省魁儒東都
節士忠義耿々與日月以爭光議論堂々忤雷霆而不懼頃妖狐
之馮社引戎馬之飲江通國震驚在廷喑默公獨憤甚請劍以斷
佞臣士皆奮然折箠而笞劾使微片言以拔巨蠹則雖百戰而

無成功閭豎動容覺朝班之增媿謀騎奪氣知中國之有人身雖
屈于一時名已加于九鼎姑贊皇華驅馳之畫遠歸赤墀供奉之
班與天子爭是非恢宏事業為人材別邪正充擴初心其如爵位
之光榮是特名教之餘緒某一官塵土十載山林痛飲而讀離騷
永慨先人之忠憤研朱而默周易欲窺往聖之精微分終老於田
廬誤見知於臺府強加辟置俾佐諏詢亦幸逢於偉人遂獲聯於
王事老韓同傳慚俎豆於諸公李杜齊名尚丹青於信史次山覽
之嘉歎曰此乃以散文為四六者正是片段議論非若世俗抽黃
對白而血脈不貫者也德居通議

次山得知撫州實建昌鄰郡且顏魯公補處也德祐乙亥二月到
任時風塵震鄰矣次山屬予作謝表及謝廟堂啓極蒙賞音亂離
失其橐僅見追記數語零落無完篇啓語有曰維撫名城實盱鄰
壤鬱山川其信美儼桑梓之相望當承平時尚可咤還鄉之繡今
艱難世豈復吟凝寢之香亟馳單車來入危壘烽燧正當於子道
旣表已迫於郊圻鳴於地舞於樓狡謀頗測鍛乃戈厲乃刃忠力
自持緩則蘇民瘼而護本根急則守臣節而死城郭天子命我蓋
將謹下國之扞防太守謂誰終恐誤上台之推擇茲蓋恭遇大丞
相身繫中朝之脈忠格列聖之靈方符堅傾國而來朝野大震及

忠定守京而後宗廟丹安云々結語云魯公嘗為刺史緬想遺忠
藝祖親戒藩侯恭承大訓 隱居通議

次山初以曾公辟為運使屬官曾公罷洪侍郎燾繼之次山以臺
命往吉州督餉餽與吉守糜左司弇有違言次山亟投劾歸里洪
愛其才力招之次山不得已再趨幕以啓謝有曰辯幕抗塵歸夢
遂歌於彈鋏使軺問俗恩光首出於招旌自叙有曰牛生陋巷天
與以貧賤肆志之資隻影窮途人知無狂惑喪心之疾頃自紅蓮
之依水已慙小草之出山會司存承朝命以拘催俾幕底服官箴
而往役怒移水中之蠅機驚海上之鷗當吾世而失諸侯不如其
已吟小山之招隱士盍歸乎來乃特枉於招呼許重陪於畫諾名
實笑狙公之朝暮來往類雁臣之春秋後洪公以京狀薦之朝次

山啓謝有曰蕭何之追韓信豈云得士之無雙秦穆之用孟明姑
示與人之能壹皆精切如此隐居通議

去非賀曾仲實侍郎三除江西運使有曰某官元豐故家端平諸
老甘泉筆墨儼父子之後先綠野園林繫朝廷之輕重穩熟流麗
可愛也又賀李提舉與再任廣西有曰綸綍疏榮節麾就熟青絲
翠節又煩馳度於周原羅帶碧篆喜見馬諳於舊路亦甚穩熟隐

居通議


去非作文有極俊麗者如正旦賀揚州制帥有曰笑倚闌干對平
山之楊柳醉摩盾鼻賦后土之瓊花如賀總領知郡有曰良二千
石正奉揚於仁風連一萬艘矧方生於春水如賀沿海制使有曰
青陽左个帝始執圭滄海東頭軍無傳箭自天介福與國同休某
官筆索侍臣詩書元帥日升若木曉回豹戟之光雲近蓬萊煥動
龍旂之影如宴贛守陳吏部樂語有曰太微積星曰郎位流光八
境之間孤雲落日長安飛詔九天而下如冬至賀揚州帥以跨
鶴之州對牽牛之度賀諸王以葭灰對茅土皆的對也又賀郡守
有曰杜陵廣廈大庇寒而士歡顏叔度歌襦不禁火而民安作如

賀揚州又曰軍士歡呼盡醉瓊花之露文書慙暇笑尋楊柳之春
如謝諸司清明節餽有曰三楮藍尾方驚賜火之新一騎紅塵遽
辱兼金之寵皆洒然無塵俗氣隱居通議

段深父浚為婺州永康令被劾罷後叙復改正去非為作啓謝廟
堂有曰百里出宰不虞美錦之傷一氣轉鈞逆賦緇衣之改又曰
歸去來田將蕪自憐飛鳥之倦反乎覆陂當復有同黃鵠之云俾
得元祐之全人所恃有太平之宰相此作殊佳隱居通議

端平初濟王夫人吳氏復舊封其父與蔣右史良貴有連良貴託
先君代為謝丞相啟其末聯云孤忠未泯敢忘漆室之憂葵厚德
難酬願效老人之結草良貴稱賞

困學紀聞



王相 燾 嘉熙間以親老辭督府辟其書曰昔温太真絕衿違母以
奉廣武之檄心雖忠而人議其失性徐元直指心戀母以辭豫州
之命情雖實而人予其順天

困學紀聞



謝枋得率鄉傳二千人舉義擢兵部架閣科降招軍錢給義兵米
似道打美招軍錢并徵所得米枋得自償萬楮餘無所償乃上書
賈相云千金為募徙木將取信於市人二卵而弃千城乃可聞予
鄰國乃得免 揮塵餘話



余試吏部銓第十三人外舅楊冰齋遺書賀先君其間一聯云第
十三傳衣鉢已兆前聞若九萬搏扶程更期遠到盖用和凝登第
名在十三及為知舉取范質即以第十三處之場屋間謂之傳衣
鉢盖外舅向亦以十三名中選故耳最為切當盖張時先輩筆也

癸辛雜識

有士人投咎事於真西山以爵齒德對師尚父又用運籌帷幄之
中館客哂之曰山曰師尚父謂可師可尚可為人父漢書言帷幄
史記作帷帳不可哂也湛淵靜語



余里中士每秋賦與計偕貧不能行者或仰給勸駕嘉泰辛酉永嘉周夢與呂齡宰德化垂滿矣士有以故例請者弗報贄以啓東裝而俟又弗報怒而索其贄余適謁琴堂坐間夢與口占授札吏復之曰伏承寵翰見索長箋愛莫能_留奮感而且駭珠璣在側固知酬應之難筆研生塵未免紆遲之咎趨客有辭而取璧楚人敢誅於亡弓所恨具舟已及瓜而代去無由洗眼觀奪錦之歸來更冀恢宏以基光大畢緘頌余作釋語曰予非摩訶薩埵乃諸公之提婆達多耳予笑莫敢言

程史

雲中有游士春時誤入趙孟議之園者為其家幹僕所辱訟之於
官郡守趙必槐德符治之士子以咎為謝云杜陵之厦千萬間意
謂大庇寒於天下齊王之園四十里不知乃為寔於國中 浩然齋

雅談



前輩有士人登科作太原職官能文輕脫朝侮同官為衆所怨太
原帥戒之因作啓事謝云才非一鷄難居累百之智異衆獨遂起
朝三之怒紫薇詩話

國家圖書館 NATIONAL CENTRAL LIBRARY, TAIWAN, R.O.C.

有薦人而不副所期者因答謝牋曰金丸初落曾見給於能言玉
柄頓揮笑誤誇其解舞能言鴨陸龜蒙事解舞羊叔子鶴事世說
所謂羊公鶴也寓簡

中央圖書館
CENTRAL LIBRARY
國立中央圖書館
NATIONAL CENTRAL LIBRARY, TAIWAN, R.O.C.

紹興中有貴人好為俳諧體詩及箋啟詩云綠樹帶雲山
卷畫斜陽入竹地銷金上汪內相啟云長楸脫却青羅帳
錄蓋千層俊鷹解下綠絲條青雲萬里後生遂有以為工者
賴是時前輩猶在雅正未衰不然與五代文體何異此事繫
時治忽非細事也

老學菴

筆記

月泉舊社久褰詩錦之華季子後人獨倣禮羅之意遂從昨歲編
致新題春日田園頗多雜興東風桃李又是一番鄉邦之勝友雲
如湖海之英游雷動古囊交集鉅軸橫陳誰揭青銅尚詢黃髮無
舍女學何至教琢玉哉不用道謀是在主為室者俾得臣而寓目
與舅犯以同心略惟騷吟良出工苦所貴相觀而善亦多自負所
能雄萬夫定羞與絳灌等伍如降一等乃待以季孟之間欲辛甘
燥濕之俱齊固甚難以曲直輕重而見欺亦不可念偉事或偶成
偶成於戲劇彼讒言特借譽而揄揚我詩如檜曹何幸吳謂縱觀於諸
老此聲得梁楚固將不負於齊盟一點無他三辰在上月泉吟社

月泉吟社回詩賞劄學古翁云效休文之八詠知類農歌拔毛遂
於衆中允高匠目矧謝池僅止五字而魯語尤戒多為首而錄全
思則過半恭惟執事雙桐政美五柳門深續雅道于一綫之餘亦
言其興尋吟盟于千里之外夫豈無人乃采艱辛之辭特置次癸
之列月泉分貺雲壑懷慙某夢斷釣天心游樂地視元頴可為至
寶奚有于今裁白苧而製深衣于焉學古愛雲仙友云田園歸隱
夙欽彭澤之高風筆硯久荒難得石湖之秀句不慙鄙劣冒爾擬
騷誤辱甄收敢言奔殿敬惟執事山林富貴軒冕錙銖釣月耕雲
詎輸製錦傍花隨柳雅稱調琴可見知幾之老成居然遠世而肥

遜適憑佳興用拂洎人餌絲泉釣江湖貨元穎買珠璧此意古矣
其利溥哉某溝壑餘生泥塗下士有懷農圃靡就犁鉏茲效輦唐
士之五言恰轅足周南之一轂僅逃孫外免媿盧前自謂狂吟思
復青檀而遠矣或云駝榜會歌白苧以邀之

月泉吟社

月泉吟社送詩賞小劄羅公福云伏以月泉舊社久盟湖海之交
春日新題賸寫田園之興得周南而正始可與北之空羣執事振
響武林舒翹文苑種秧澆藥已朝市之無心放犢聽鶯更池塘之
入夢杼機自別冠冕為宜某心所甚欣手之不釋詩成奪錦誦珠
玉者翕然禮以為羅媿瑤瑤則多矣餘如元穎并致篚筐司馬澄
翁云執事清涵繡湖香並班史菜花天秧穀候偶迎著面之風野
泉甕烟隴犁總是關心之事雖居蕭次猶占盧前高宇云伏以友
連湖海夙聞詩錦之名題借田園尚媿禮羅之意有來匡鼎豈遜
盧前執事文陣稱雄武林擢秀四時春始成石湖老去之吟三徑

人間得彭澤歸來之趣襟期樂只囊穎宜哉某得是高吟從而深
刻問巢父之珊瑚安在此則長留縱衛人之瓊玖可將終然匪報
倪梓云田園雜興偶徼舊社之同盟湖海俊游為賦長城之五字
執事假富春山為通德里耕織圖村田樂放開塵外之懷社翁昨
蠶媪符道盡眼前之景以俗為雅此詩可羣全泉翁云執事東晉
衣冠西幽風俗閑庭芳草倦游甘隱于白雲綠水新秧歸牧穩眠
于斜日卓爾有立異乎所聞躡雲云月泉壤地密依鄰燭之光春
日田園賸喜奚囊之興翮其傑製壯我齊盟執事絲瀨清風爐峯
瑞氣土脈融林陰合摻吟不赦于韶華社公醉蠶妾愁敗意直憂
于秋雨誠為蒼勁可但清新識字耕夫云農圃餘生結同盟之社
友湖山佳處有識字之耕夫所謂伊人夫豈卑我執事語無排界
體不效崑野鷺山鶯動金谷當年之感婦蠶夫秫逼石湖春日之
吟天目山人云月泉社友爰軟舊盟天目山人為題春興不勝佳
甚豈果遠而執事望邑鄰輝平齋宗派詠牛羊茁壯仍觀戲水之
乳鵝知燕雀生成又喜巡簷之窠蜜有噉其醴或拊而歌安定書
隱云執事昔者中庸今之安定趣雄物表牛倦鳥喧景入圖中風
微水滑且能慕義熙之士豈欲追正始之音槐窻居士云執事名
稱東國越之雄句比西家施之麗浴蠶飛燕野色搖春依犢市蛆

靡陰移月摹成小景曲盡巧心姜仲澤云月泉里社竊雙溪明月
之餘輝春日田園動白雪陽春之絕唱執事採撫犀言牢籠百態
歸燕忙睡牛穩頗歡顏社酒之嘗斷烟濕流水香更切齒村莊之
吠高標聳若秀句宜哉方尚老云秧疇麥稜畫圖巧寄于聲中社
酒農書詩史隱存于言外烏龍嶺之地靈尚矣白雲村之宗派依
然某薄云紵獻并以頌歸 月泉吟社

左右丞相 惟圖任舊人共政允孚爰立之期克左右厥辟宅師
丕聳具瞻之望 士勩相我國家豈輕其選王置諸其左右今得
其人 登進厥民在王廷俾聞播告永弼乃后于彛憲勿替欽承
所謂同德惟一伊尹乃格于天豈無他人雖百曹參何補于漢
惟武丁得傳說命朝夕啟乃心使太宗無元齡如左右失其手
時則有若伊陟實惟阿衡之覺先公其惟時成周足邁伯禽之

拜後

參政 間兩社以為公輔有一德以享天心 臣哉孰重於隣哉
賢者固識其大者 南山之維石巖巖允諧輿頌北斗之台星兩

兩式耀階符

樞密 聽履星辰之上運籌帷幄之中 天子守在四方允底修文之盛公輔間於兩社實資同德之良

給事中 轉圜有道坐知天意之回反汗無嫌更覺王言之大 歲蕤豹尾方看翠駕之躬陪突兀龍頭又喜黃扉之身到 盡沈頃時仗下馬之習復見前輩殿上虎之風

中書舍人 紫荷挈處光搖萬玉之班紅藥翻時風動五花之判 辭達而已矣要必見聖人之情才難不其然蓋欲極天下之選 號令鼓舞風雷亦云多矣獻納司存雨露莫若專之 山東聽

詔使扶杖有感奮之心淮南寢謀無發蒙相姍咲之論 千門柳色誰憐芻狗之陳人萬里草堂遙想槐龍之清影

左右史 君舉必書風采深增于柱下朕志先定姓名已覆于甌 中 夾玉皇之香案共欽稽古之榮築宰相之沙堤還究濟時之 業

翰苑 驚人妙語曾同御柳之飛花滿地清陰第想垣梧之依竹 黃麻之似六經方觀制作洪鈞之轉一氣即預埏陶

經筵 視君如腹心勉就月將之學相王為左右佇觀辰告之猷 諫院 聖朝無闕事抗論不休天子有爭臣舍公誰可 以為鷹

鷓不若鸞鳳寧舍豺狼而問狐狸 考司諫七品官之階雖云序
進然大人一正君之事正屬司存 冠我多角陰見睨而曰消手
批龍鱗木從繩而自直

御史書 幾年弄印上曰無以易堯一角我冠仕者皆嚴憚黜

虛位揖第一人具瞻獨坐籠街過三百步孰敢竝行 馬立仗而
不鳴虎在山而不採 虎在山而莫採藜藿豺當道而馬問狐狸

萬里秋風方快鷹鷂之擊一枝夜月尚安烏鵲之棲 行行避

駉馬頤豈無北望之心跼跼下江鳶頤少假南飛之翼

禮部 禮樂自天子出邇豆則有司存 咨伯汝作秩宗暨湯成

有一德

宗正卿 螽羽宜多於文子犬牙益固于漢宗 磐石犬牙暫典

宗藩之籍甘泉豹尾佇歸禁從之班

大理卿 從知察小大之情必不容上下其手

司農卿 九年之畜必有正假宏模一歲之入幾何行對清問

秘書省 照夜青藜暫養資于東觀翻階紅藥即平步于西垣

磨丹漬墨有來太乙之青藜正笏垂紳即侍玉皇之香案 蓬萊

弱水雖可望而不可親草茅書生敢以規而不以頌

國子監 帝席夜前對宣室鬼神之間學官晨入誨諸生行業之

勤 入學而招諸生尚想三年之舊舉酒而祭之地今惟一老之尊

直閣學士 學士象八節不過一歲之少留判火入三公使在五雲之多慶 仍魚鳧之開國峻龍馬之負圖

宮觀 雅意午橋之行樂何以寅陛之押班 日出而作管高倦飛則知還夜行不休誰作急流之勇退 從容甲第肯甘田宅之

汙笑傲午橋可窮園林之勝

奉使 使臣遠有光載驅原隰之外丈夫不為將折衝口舌之司叱馭曰驅之凌九折邛徠之坂傳檄可定也諭三秦關陝之民

都督 匪兇率彼曠野吾道非邪非熊獵于渭濱公望久矣 東

征若周公將是皇于四國北伐如吉甫本為憲于萬邦 元黃之篚爭歸赤白之囊幾息 斗以南仁傑而已知德望之素尊陝以

東周公主之宜勛名之益大

制置使 元和懋武郊迎裴度之來南渡張韓羅下魏公之拜

昔天下曹劉走馬跳兵之地乃禁中頗牧輕表緩帶其間

宣撫使 兵事節度付公允藉中權之整天下安危注意方當左轄之虛

宣諭使 楚三戶而亡秦當出萬舉萬全之計湯一征而自葛當

雪匹夫匹婦之讐

總領 自江輸淮以達京師錢流地上聚米成谷以陳形勢虜在
印中

經畧使 干羽足以柔遠苔卧綠沉樽俎足以折衝雲深紫邏

鞞刀列郡之迎古稱大府襦袴萬家之喜今在細侯 揮斥電縣

雷州聳觀教令彈壓辰山癸水正佇篇章 人於南海若東西州

暫煩分闡上失蕭何如左右手行即揚庭 越犬吠雪非至靜莫

鎮列城之浮海鰲冠山有餘力可任九鼎之重

安撫使 泰階六符下照星沙之地元戎十乘大開天柱之雲

范老子之制強敵虜曾有數百萬兵富青州之活饑民功過二十四

考 八命作牧九命作伯暫歸緹騎之臨二節以走一節以趨行

有黃麻之拜

監司 家人有嚴君焉舊膺此選皇華遣使臣也今世其官 前

時吳下阿蒙豈堪刮目明日冀州刺史更望私恩

轉運使 流馬畫謀盡蠲一石三十鍾之費搏鵬怒翼曾何六月

九萬里之難

提刑 周原馳濡轡之馬漢網漏吞舟之魚 平三尺之法王國

以長活千人者侯于門其大

提舉 民為國之本不應一付之烏鳶君乘使者車乃可再安于
鴻雁 平徭役以蘇民楨公舉刺而洗吏墨 熬波出素問鹽筴
之何繁汗簡殺青笑茶經之太淺

將帥 鶴唳風聲走苻堅於淝水鷺鳴雪夜擒元濟于蔡城 外
受命宸即行有崇文之勇決申上奏實報可從充國之便宜

太守 庶民安其里是在二千石之良刺史得其人茲為十萬戶
之福 明光侍雕輦真玉皇香案之臣皂蓋駐東藩作金華洞天
之主 先生有道義皇上輟從園壁之師太守謂誰廬陵翁來作
方壺之主 細民呼舞秀麥兩歧巨姓服馴拔薤一本 徒得君

重無俾民憂 富貴歸鄉人知從太守之樂其樂謀猷告后誰識
先天下之憂而憂 邊城蹂躪之餘野馬也塵埃也郡守經理之
始繭絲乎保障乎 東連吳會馬牛非不及之風西望武昌烏鵲
有可依之月

幕職 茲羅而致之幕下猶錐之處于囊中

曹官 所謂馬曹難久稽于足下豈無狗監能力薦于上前

縣官 讀書松竹林良多暇日種花桃李縣已滿清陰 政異遂

雉雒之樂官清任馬骨之高 取衣冠而褚之間弦歌而莞爾

主簿 鳳皇千仞不辭棲棘之卑鯉魚尺書見報成瓜之及 但

欲識韓不願封侯一萬戶且將詣習差勝讀書三十年
縣尉 苑舍聽雞聲莫非王事花村無犬吠即是民庸

家世 周拜乎前魯拜乎後邁韋平父子之榮陟格于帝戶格于
天下堯舜君民之業 喬木非謂故國文獻猶存幽蘭稱其家見
典型是似

座主 不謂暗中之摸索遂蒙送上之吹嘘 說戰場文人還迷
于五色讀刑賞論公放出于一頭

交代 雖慚尸祝越樽俎而代庖人之勞當籍吏民封府庫以待
將軍之至

先容 老夫耄矣更數旬金馬之門我公歸兮或一笑銅駝之陌
致仕 浩然懷萼菜之秋風久矣飲木蘭之朝露 司馬公之流
水青山姑從獨樂歐陽子之茅簷涼簟尚想玉堂

元旦 望公如歲與物為春
冬至 七日来復九江孔殷

生辰 蝴蝶莊周久相忘于夢寐蟋蟀彭祖今安在其短長 桃
李笑人老矣無能為也藥石生我忠焉能勿誨乎

書翰 才真樗散性實棗昏 自保歲寒勿孤月旦 儒科僅竊
於還丹世味殆如嚼蠟 夢魂欲付于潮回歸興尤濃于山色

小人可以小知無廣大高明之見大慚謂之大好仍瑣碎排偶
之辭十年太學身嘗百甕之釐一第集英袍已半霜之葉見
從郎罷拾柿葉以學書妻對葉砧然松明而理績續東華之夢
久聽朝雞誦北山之移只怨夜鶴從大將軍之出塞膏草檄書
及妄校尉之封侯獨無功級伏櫪志在千里巢林不過一枝
鵜濡其翼乃理之常猴沐而冠夫誰不笑

頌德千羊皮不如一狐之腋百鳥羣忽見孤鳳之鳴鷓鴣徙
于南溟搏扶搖而上者鳳皇翔于千仞覽德輝而下之散為霖
雨固無非被澤之天貯作烟雲要亦有不知之潤雖一譽以名

臣一毀以去臣然三仕無喜色三已無愠色羅二十八宿于心
胸振五三六經之羽翼技斷斷兮無他心怍怍兮諒直中流
砥柱百壬夙避其鋒野水孤舟六丁莫措其手敬王如孟子非
仁義不陳于前告君若君陳有謀猷乃順于外
薦辟謂棄雞肋之可惜如收馬勃以無遺

干請月明繞樹自憐烏鵲之何依海上問津或謂斗牛之可訪
辨謗衆怒所遷幾類水中之蟹一揮而去又同瓜上之蠅墮
井誰肯救而又下石焉餘燼寧復然猶有溺灰者謂虛船觸人
兩褊心不怒雖以無他然強弩射市而薄命先遭莫非自取

湔洗 難壅也豕苓也亦嘗累藥籠之收鼠肝乎蟲臂乎斯固在
化鑪之運

託范

誰謂宋遠跂予望之惟深縑綵波及晉國君之餘也幸勿

道

鄙夷 主家十二樓而妾一身豈新恩之敢覲廣厦千萬間而

盡庇非公道之馬依

洪萬 翰苑新書

李易安賀人孿生啓有有云無午未二時之分有伯仲兩楷之侶
既繫臂而繫足實難弟而難兄玉刻雙璋錦挑對襟註曰任文二
子孿生德卿生于午道卿生於未張伯楷仲楷兄弟形狀無二白
汶兄弟母不能辨以五綵繩一繫于臂一繫于足

伊世珍 嫺媛記

遼主命涿州刺史耶律昌朮貽書雄州孫全興請通好有云臣無
交於境外言則非宜事有利於國家專之亦可全興以聞太祖命
答書許之

宋史記遼國傳

熙寧二年高麗國禮賓省移牒福建轉運使羅拯云本朝商人黃
真洪萬來稱運使奉密旨令招接通好奉國王旨意形于剖述當
國僻居暘谷邈戀天朝頃從祖禰以來素願梯航相繼最爾平壤
邇于大遼附之則為睦鄰踈之則為勍敵慮邊騷之弗息蓄陸贛
以靡遑久困羈縻難圖攜貳故違述職致有積年屢卜雲祥雖美
聖辰于中國空知日遠如迷舊路于長安運屬垂鴻禮稽展慶大
朝化覃無外度豁包荒山不謝乎纖埃海不辭于支派謹當遵尋
通道遙赴豪街但茲千里之傳聞恐非重霄之紆眷今以公狀附
真萬西還俟得報音即備禮朝貢

宋史高麗傳

熙寧四年高麗遣使修貢將由四明登岍比至為海風飄至通州
謝太守云望斗極以乘槎初離下國指桃源而迷路誤到仙鄉詞
甚切當

漫水燕談錄



國家圖書館, NATIONAL CENTRAL LIBRARY, TAIWAN, R.O.C.

興化隱士陳易隱居廬山歸乃築室於興化縣之蔡溪巖不下山
者三十年襟抱易曠風韻灑然見者無不愛慕忘歸蔡子由正言
首以八行薦之易以啓事謝之云心若死灰枉被吹嘘之力身如
橐木難施雕琢之功又云昔儒門雖麤修於八行晚歸祖道惟務
了於一心心既已忘行復何有終不起 墨客揮犀

建中初曾文肅秉軸與蔡元長兄弟為敵有當時文士與文肅啟
略云扁舟去國頌聲惟在於曾門策杖還朝足跡不登於蔡氏明
年文肅南遷元度當國即更其語以獻曰幅巾還朝輿頌咸歸于
蔡氏扁舟去國片言不及於曾門士大夫不足養如此

揮麈後錄

政和以後宰執多不答外郎書啟舊見司馬溫公元祐間答在外
監司郡守賀啟曰豈期聖澤遽陟宰司覆餗致凶寔民瞻之未允
循墻引避願天意之靡回成命既頒愧顏無寄重煩謙德遠貺徽
言 四六談塵

嘗以啓上李邦彥其末云願積蠱之云久宜致理之尤難首建裁
損而國用未豐痛罷科徭而民力猶困邊陲初定當求守禦之方
敵勢稍衰可弛防閑之策權貴抑之而益橫仕流濫矣而莫澄凡
茲十數之大功未覩軒昂之成效政宜解榻以待士置驛以招賢

博采寸長用裨遠見未幾金人入邊果如所料

曲周李公事迹

正康元年冬十月予作將歸賦以貽呂少汲欲求侍養公以啓事
見答曰伏承主簿惠以華牋副之佳什屬詞近古陳義甚高橫槊
賦詩不廢軍中之樂登高舒嘯少賒社下之歸祝頌方深濡^淋霖^霖
既遂堅^留留幕下數日^{張表臣}珊瑚鈎詩話

靖康間京尹程伯起謝賜出等牙簡表云看山挂類敢為晉士之
清狂上馬投囊豈有唐賢之風度汪彥章詞四六談塵

國家圖書館 NATIONAL CENTRAL LIBRARY, TAIWAN, R.O.C.

汪彥章視中書舍人韓公駒子蒼前輩也紹興初韓寄寓臨川汪來守郡通啟曰承作者百年之師友為斯文一代之統盟別簡云僕知有公而公不知有僕藻老矣願焚筆硯以從公遊蓋前輩相敬慕如此 能改齋漫錄

李丞相靖康初以主兵失利既罷而京師父老與大學士子伏闕且搗鼓乞用李欽宗遣內侍宣諭已用綱尚未退暨名綱入仍令綱面諭遣之方退汪彥章有啟賀之云士諒公竟競舉幡而集闕下帝從民望令免胄以見國人盖用故事以配今事汪常舉以謂余作四六要當如此 能改齋漫錄

近時汪彥章投李伯紀啟云孤忠貫日正二儀傾側之中凜氣橫
秋揮萬騎笑談之頃又云士訟公寃咸舉幡而集闕下帝從民望
令免胄以見國人其贊美至矣及居翰苑草伯紀謫詞乃云朋姦
罔上有虞必去於驩兜欺世盜名孔子先誅於正卯又云專殺尚
威傷列聖好生之德信讒喜佞為一時羣小之宗與前啟又何反
也伯紀真君子而醜詆至此嘻其甚矣當時亦有以此問彥章者
彥章云我前啟自直一翰林學士而彼不我用安得不醜詆之是
可笑也

秦熺狀元及第汪彥章以啟賀會之有云三年而奉詔策固南宮
進士之所同一舉而首儒科蓋東閣郎君之未有本意求屬對之
工非有意薄之也而熺父子怒以為輕已彥章自此得罪羈直湖
湘至終身不得還近地語言之速咎蓋有無心而致之者可畏也

哉
寓簡

靖康元年殿中侍御史孫仲益覲以論事不合罷出知和州。填見
闕和州已遣接人到臨淮，遂捨舟出陸行三百里至滁之全椒，而
交代趙子鉉乃移文及書說韓駒子蒼雖贊渠赴闕，而子蒼已除
名不來，繇所受見闕敕，蓋朝廷契勘之誤。實礙條制，又別無敕劄
可以遵守。孫既見卻，遂留寓待報，嘗作一謝郡官小啟云：固有文
書街袖大人不以為疑無何君命至門將軍為之不受又云謙光
下燭屈高論以借秦興盡欲還已退飛而過宋蓋述前意也。能改

孫仲益每為人作墓碑得潤筆甚富所以家益豐有為晉陵主簿者父死欲仲益作誌銘先遣人達意于孫云文成縑帛良粟各當以千濡毫也仲益忻然落筆且溢美之既刻就遂寒前盟以紙筆龍涎建茗代其數且作啟以謝之仲益極不堪即以駢儷之詞報之畧云米五斗而作傳絹千匹以成碑古或有之今未見也立道旁碣雖無愧詞諛墓中人遂成虛語

揮麈後錄

孫覲仲益尚書四六清新用事切當宣和中與家兄子章同為兵部郎未幾子章出知無為軍仲益繼遷言官自南牀亦出知和州時淮南漕俞嗣以無為歲額上供米後時委知州取勘無為當職官吏仲益得檄漫不省也置而不問亦不移文已而米亦辦子章德仲益以啟謝之仲益答之有云苞茅不入敢加問楚之師輔車相依自作全虞之計人頗稱賞以為精切也

墨莊漫錄

紹興要盟禮文之際多可議而受書之儀特甚乾道五年欲遣使
直之先以陵寢為辭時范石湖為侍講充祈請使十月范還報章
有曰抑聞附請之辭欲變受書之禮出於率易要以必從上於是
知其忠勤後八年迄參大政云

程史



近世四六多失文體且類俳而時有可觀劉斯立為其父丞相歸
墓謝啟云晚歲牢騷魂竟招于異域平生精爽夢猶託于故人汪
伯彥罷相呂元直當國汪自辨殺陳少陽事呂令汪彥章報啟云
方一男子之上書衆知無罪而諸人知曰可殺公獨何心敵師方金人
踰淮而南有銜命出境者執政為報書云念寇至君誰與守敢率
偷安而兵交使在其間幾能釋怨如此類可喜者不可槩舉但全
篇體格或不稱是耳

高簡

余外祖王訶子文上蔣子禮除右相啓曰早登黃閣獨見名公之
少年今得舊儒何憂左轄之虛位皆用杜詩語扈聖登黃閣名公
獨少年左轄頻虛位今年得舊儒為洪文敏稱賞載之隨筆

張瑞義
田貝耳

集

項平齋自號江陵病叟余侍先君往荆南所訓學詩當學杜詩學
詞當學柳詞扣其所以云杜詩柳詞皆無表德只是實語嘗為渾
教與帥啓云故淚過故人之墓蕭蕭皆非倚杖看祝融之峯
喜山色之如舊貴耳集



秋塘陳敬甫善有雪篷夜話三卷淳熙間一豪士嘗書貴家扇云
春風一日歸深院巫峽千山鎖暮雲有滿江紅詞曰三月風前花
薄命五更枕上春無力上李季章啓云父子太史公提千古文章
之印玉堂真學士躋中朝公輔之班貴耳集

顏夷仲黃門為北界幕代梁才父答王履道謝舍人啟云誦佳句
新濫處百僚之上恨相勉晚果膺當守之知

四六談塵



徐師川視山谷為外家晚年欲自立名世客有贅見甚稱淵源所
自公讀之不樂答以小啟曰涪翁之妙天下君其問諸水濱斯道
之大域中我獨知之濠上

清波雜誌



季漢老與秦會之賀進維垣啟云推赤心於腹中君既同于光武
有大勲于天下相自比于姬公秦答之云君既同于光武仰歸美
報上之誠相自比于姬公其敢犯貪天之戒漢老得之皇恐者累

月 揮塵後錄



秦益公子伯陽以狀元登第李漢老啟賀云一經教子素欽丞相
之賢累日答兜更起鄰翁之羨秦喜諭其子能改齊漫錄

國家圖書館 NATIONAL CENTRAL LIBRARY, TAIWAN, R.O.C.

△秦會之當軸時有蜀士投啟千冊其間一聯云乾坤二百州未有
託身之所水陸八千里來歸造命之司秦尤稱道之遂得陞擢游
宦紀聞



王仲疑豐父建炎初知袁州虜人寇江西失守削籍與馬子約
皆寓居永嘉豐父兄仲山同時牧臨川以城降坐廢子約酒酣戲
之云平原太守吾兄也後秦會之再入相會之仲山壻也豐父以
啟懇之云黃紙除書久無心於夢寐青檀舊物尚有意于陶鎔會
之為開陳詔復元官奉祠

揮塵餘話

昔秦檜之在相位也建一德格天之間有朝士賀以啟云我聞在
昔惟伊尹格致皇天民到於今微管仲吾其在社檜大喜超擢之

崔林玉露



熊叔雅彥詩伯通之孫早有文名紹興初入館權郎秦會之秉鈞
指為趙元鎮客擯不用者十年慈寧回鑾會之以功升維垣叔雅
以啟賀之云大風動地不移存趙之心白刃在前獨奮安劉之略
會之大喜起知永州已而擢漕湖北其後王日嚴躡為少蓬權直
禁林會之加恩取其聯入制詞中翌日即除禮部侍郎甲戌歲策
士于庭有引此以對大問者遂魁天下

揮麈後錄

曾文清吉父孔毅父之甥也早從學於毅夫文清以蔭入仕大觀
初以銓試合格五百人為魁用故事賜進士出身紹興中明清以
啟贄見云傳經外氏早侍仲尼之間居提筆文場曾寵平津之為
首文清讀之喜曰可謂著題矣

揮麈後錄

陳剛中任寺丞以賀胡銓之謫其畧曰屈膝請和知廟堂禦侮之
無策張膽論事嘉樞廷經遠之有人身為南海之行名若泰山之
重又云知無不言願請上方之劍不遇故去聊乘下澤之車送吏

部差知贛州安遠縣

紹興正人論

△王宣子守吳慕僚投啟有云仲舒哀然舉首豈久相於江都望之
雅意本朝姑暫居于馮翊宣子喜之舉以京剡楊廷秀以大蓬漕
江東其屬亦有啟云斯文之得喪在天領袖素尊于海內賢者之
出處以道旌旗已至於江東公亦欣然剡上

浩然齋雅談

論癡符序公諱庚子長其字也余伯父揚州為漕使公首以長牋
進謁有曰衰懷錯落有秋風鱗鱗之思舊學荒涼無春草池塘之
夢伯父一見擊賞延為賓客

攻媿集



王似賀太常丞兼翰林權直一聯云白也無敵雅宜翰林供奉之
才。赤爾何如暫習宗廟會同之事。又賀司業除翰苑云國子知生
晨入太學翰林學士夜對禁中。浩然齋雅談。



洪景盧周茂振入館謝啟雖不若董彥遠之博如桃菜難悟案馮

行傳注云菜字似棗文又連桃後學者輒改菜為棗柳邝本同何

以桃棗易明桃菜難悟也啟用章懷太子注成句

按虞翻傳注翻奏鄭玄解尚書違失云古大篆邝字讀當為柳古

柳邝同字而以為味臣松之謂翻言為然故留聊柳劉同用此字

以徒聲故也與日幼婦外孫之義女郎世子之名亦儷語之工者

辰邝字字同音異

閩云案南史賈希鏡傳青州人發古塚有銘云青州世子困學

東海女郎帝問希鏡對曰此是晉司馬越女嫁苟晞兒紀聞



董彥遠除正字謝啟叙字學涉獵該洽

何云明董斯張吹景集所載與其僚塔閔元衡合疏

此啟甚諦其實亦非異書也其略云殘經不悟于郭之

何云莊十四年本新序

闕文徒存

于夏有何云成二年馬不足一者既失其全虎多于六者何云顏氏家訓自乘

其數書殘武殪頌亂湯齊烏焉混淆魚魯雜糅增河南之邑為雒

成漢東之國為隋避上則皐不從辛何云說文始皇傳絕下則對因去口

何云亦說文漢文事棗合而棘氏微何云棗據傳足省而踈姓絕何云東晉傳足當正定

文于六穗之禾訓同於導何云顏氏家訓分序于八寸之策執異為宗何云

董疏北史徐遵明傳見鄭康成論語序云書以八寸策誤作八十宗因曲為之說其解皆如此丁尾亂真鈎須失

寔何云荀子不書立書肖而既謬國名何云閔疏劉向戰國策序本字多誤脫為半字以趙



為肖以何云玉藻朝日為卷為端而遂乖服制聽朔注及正義篆形誤偽何云此

齊為立何云與誰正雲興之祁祁何云隸體散亡共守驚聲之鉞鉞何云鎖

定銀鑄之句何云金銀借對謂定銀為銀也事見車改金根之目

知一束二繩之為束何云指二首六身之為宛何云郎章立信救時惟

正於四羊何云馬國史傳疑考義共惑于三豕何云傳會作九和

之秀離析為三乃之州合樂之奏妄加文武之為斌何云魏明帝

定經之名誤合日月之為易何云虞字失部居改白水真人之兆

書忘形象作緋衣小兒之謠何云四十八安取于桑何云三十七未

足語世何云三十七句梁父七十二家名雖具在尉律四十九類

何云未詳董云四十九疑作八十九何云書蓋已亡誤存舟二間之為航何云安識門

五日之為閏何云學者徧觀異書而求其事之所出亦多識

之一也彥遠有古文集類敘云孔安國以隸古易科斗故漢人不

識古字開元又廢漢隸易以今文故唐人不識隸古原注今按書

正義謂就古文體而從隸以定之雖隸而猶古蓋存古則可慕為

隸則可識非謂隸書為隸古也闕云按今按書序一段似王氏

後自駁困學紀聞其說者

先忠宣公好讀書北困松漠十五年南謫嶺表九年重之以風淫
末疾而繙閱書策早暮不置尤熟於杜詩初歸國到關命邁作謝
賜物一副子竄定兩句云已為死別偶遂生還謂邁曰此雖不必
泥出處然有所本更佳東坡海外表云子孫慟哭於江邊已為死
別杜老羌村詩云世亂遭飄蕩生還偶然遂正用其語

洪萬
容齋五筆



國朝故事作館職則如登科例有謝啟王異除館職作啟與同舍
裴煌如晦而啟中有云伏惟某官天澤育物內恕及人其後云仰
答異恩之賜次酬洪造之私謂洪造如大造也如晦閱之驚起還
異啟曰盛文奉還且告留取頭

丹筆四六話

叔祖逍遙公舊為四六極工極其精思嘗作謝改官啟云志在
下豈若陳孺子之云乎身寄人間得如馬少游亦足知四六談塵



叔祖逍遙公初不入黨籍朱震子發內相以初廢錮乞依黨籍例
命一子官及代作謝啟云念昔先人親逢命世升堂傳道實有淵
源刻石刊章偶逃部黨上元豐太常之第奉建中宣室之咨忤彼
權臣斥從常調

四六談塵



周子武秘自中司帥越日及在崇道外祠與及啟云訪羽人于丹
邱莫繼後塵之雅躅受釐事于宣室即期前日之榮觀後見李雅
州端民云某之詞也

四六談塵

國家圖書館 NATIONAL CENTRAL LIBRARY, TAIWAN, R.O.C.

黃叔言子游守台與倭先狀云倒屣以待諸公要出我門解榻而
迎使君未有此客喜核辭之伊適仍問政之可期四六談塵

國家圖書館 NATIONAL LIBRARY OF TAIWAN 國家圖書館 NATIONAL LIBRARY, TAIWAN, R.O.C.

趙祖穎奇與伋同在太學中秋趣人作會啟云庾亮樓邊漸覩掛
簷之月揚雄宅畔蔑無載酒之人方孤坐以無聊欲就眠而未可
伏惟某人輕財有朱家之度量好客繼鄭莊之風流酒滿尊中屢
極詆諧之飲錢流地上曾無鄙吝之心東閣之宴欲開南樓之興
不淺雖一石滅燭在淳于髡豈敢望焉而五斗解醒如劉伯倫不
無覲也願戒青州之從事亟濡東海之波臣心若搖旌側聽黃金
之諾言猶在耳盍追長夜之歡過此以還未知所措

趙承之鼎臣作謝李元量 全狀元啟云嘉禾當御輒先農父之嘗
神龜勸靈偶出豫且之網 四六談塵

國家圖書館 NATIONAL LIBRARY OF TAIWAN, R.O.C.



李元祖 元亮野夫學士之孫少有俊聲與蔡蕤同學舍蕤既貴元
亮猶蹉跎場屋蕤在金陵以同舍故先謁之元亮謝以啟事云洗
足而見長者古猶非之輕身以知匹夫知無是事

能改齊漫錄



方彥蒙上時相啟云三已無怨雖知衆口之鑠金萬折必東自信
臣心之如水下句完善四六嵌塵

國家圖書館, NATIONAL CENTRAL LIBRARY, TAIWAN, R.O.C.

洪舜俞薦於鄉。鞏監試後，鞏為江東憲使，舜俞分教番陽。啟云：東坡倅錢唐，曾在門外鵝袍之外。半山憲江左，亦賞梁間燕語之詩。

因學紀聞

傳至樂上周益公啟云東門之柳自涓元都之枕何在彼刀頭之
砥蜜得未鎗銀况井眉之居瓶恍如夢寐盖指張說也 困學紀聞

國家圖書館 NATIONAL CENTRAL LIBRARY, TAIWAN, R.O.C.

△ 周益公嘗戲作賀冬啟云
數九九而哦詩自憐
午瘦癯多多而有
酒駮覺冬肥
浩然齋雅談

國家圖書館, NATIONAL CENTRAL LIBRARY, TAIWAN, R.O.C.

周益公校正文苑英華序云以堯韭對舜華非閱本草注安知其
為菖蒲案梁元帝元覽賦金鹽玉豉堯韭舜華論此也余讀他書
亦有用者如顏聚載梁太子賚河南菜啓則云堯韭未儔姬歎非
喻又以堯韭對姬歎美固曰堯韭出本草而不知所以名之之意
後見典術曰聖王之仁功濟天下者堯也天星降精于庭為韭感
百陰為菖蒲焉今菖蒲是也

施青臣校
續古叢編

或上朱文公啟云行藏勛業銷倚樓看鏡之懷窈窕崎嶇寄聲
經邱之趣困學紀聞

國家圖書館, NATIONAL CENTRAL LIBRARY, TAIWAN, R.O.C.

呂成公代其父倉部自黃州易守池州啟云爰考唐朝有杜牧把
麾之舊其臨秋浦亦齊安解組之餘雖後先遷徙之偶同顧今昔
風流之非匹 困學紀聞

陳亮少以文名於天下至老方第常抱不平之恨故及第後謝宰
報其咎云數十年窮居歛歛未諧豹變之懷五千言上徹冕旒誤
中龍頭之選又云如某者材不逮乎中人學未臻於上達十年璧
水一凡明窗六達帝庭上恢復中原之策兩談宰相無輔佐上聖
之能荷壽皇之兼容恢漢光之大度留張齊賢以貽主上俾宋廣
平兩冠羣儒靜言叨冒之多知自吹嘘之力宋名臣言行錄

TRAL
LIBRARY
NATIONAL CENTRAL LIBRARY, TAIWAN, R.O.C.

陳同甫名亮婺女人淳熙癸丑大魁作報家書云我第一滕強怒
第二朱質第三喬行簡第五其時三魁與第五名皆婺人盛哉謝
朝士啓有云衆人之所不樂在二三主上以為無他擢居第一
蓋答策論恢復頗不合朝論云港淵靜語

徐淵子為越教答項平甫云正恐異時風舞雲之流不無或者月
離畢之問或答洪舜俞云魯直大名有皎潔江梅之句少游下蔡
無了東玉佩之詞

困學紀聞


國家圖書館 NATIONAL CENTRAL LIBRARY, TAIWAN, R.O.C.

徐淵子詩云俸餘擬辦買山錢却買端州古硯碑依舊被渠驅使
在買山之事定何年劉改之賀徐直院啟云以載鶴之船載書入
觀之清標如此移買山之錢買硯平生之雅好可知 鶴林玉露



龔聖任言林德崇父嘗為劇縣有聲其與監司啟有云鳴琴堂上
將貽不治事之譏投巫水中必得擅殺人之罪時以為名言劉潛
夫宰建陽亦有一聯云每嗟民力至叔世而張弓欲竭吏能恐聖
門之鳴鼓語意尤勝信乎治邑之難也

齊東野語



薛制機言有賀自長沙鎮南昌者啟云夜醉長沙曉行湘水難教
檣燕之留朝飛南浦暮捲西山來聽佩鸞之舞又有賀除直祕閣
依舊松江制置司幹辦公事云望玉宇瓊樓之遠何似人間從綸
中羽扇之遊依然江表上巳請客云三月三日長安水邊多麗人
一詠一觴會稽山陰修禊事又云良辰美景賞心樂事四者難并
崇山峻嶺修竹茂林羣賢畢至端平中余申周翰分教毘陵題提
人簿云三年大比視郊祀天地之禮均萬乘臨軒與封拜公孤之
儀等中一聯云昭陵之仁如天積歲月而養成巨棟歐公之學如
海鼓波濤而放出老龍

山房隨筆

△或試縣學見黜後預鄉薦以啟謝縣令有不平之意令答云大敵

勇小敵怯昔固有之今日是前日非吾無愧矣 困學紀聞



有郡守招士人教子辭曰士而託于諸侯非其義也師不賢于弟
子將焉用之困學紀聞

國家圖書館, NATIONAL CENTRAL LIBRARY, TAIWAN, R.O.C.

△張宣公答教官云識其大者宣誦說云乎哉何以告之曰仁義而
已矣因學紀聞

國家圖書館, NATIONAL CENTRAL LIBRARY, TAIWAN, R.O.C.


忠定去國藥局趙師幼上書寧皇請斬忠定以謝天下蓋欲媚韓也忠定之事既白後溪劉左史光祖適帥荆襄辟公之子崇模為機幕劉公未知師幼事先辟其弟某崇模與危公稔為同年囑危草牋以謝劉公云今聞其弟之當來欲使為僚而並處念交游之讎不同國而况天倫無羞惡之心則非人是乘風教故勝母之里不可入迫人之驛不可居豈容同堂合席之至驩乃有捺爇入室之遺類縱罪不相及然水中之蜃且將避之倘機或未忘則海上之鷗不當下矣竊謂父子之間寧間于存沒賓主之際則在于從違且昔辱甄收本見齒忠臣之後若今惟苟合是玷名惡子之中

得士如斯在公焉用劉公得崇模牋愕置几上即草檄勒回師幼
弟 四朝聞見錄

▲ 蕭公翀峯登科歲第一人本丞相忠定趙公故事設科以待草茅
士凡豫屬籍挂仕版者法當遜避唱名日陞蕭公為榜首故蕭公
對御吟有名傳玉陛星辰曉澤霈金枝雨露春之句其謝啟有云
豫飛龍之選淮安論次以當先無汗馬之勞鄴侯何功而居上蓋
用宗室及蕭家事至今膾炙人口 游宦紀聞

傅伯壽為浙西憲韓侂胄用事伯壽首以啟贄之曰澄清方効於
范滂跋扈遽逢于梁冀人無耻矣咸依右相之山我則異於獨仰
韓公之斗首明趨向願出鎔陶由是擢用至僉書樞密院事韓敗
追三官奪執政恩

齊東野語



澹居外嘗怏怏失意以書祈侂冑有曰迹雖東治心在南園南園
侂冑家圃也侂冑憐之進觀文殿學士

宋史何澹傳

國家圖書館 NATIONAL CENTRAL LIBRARY, TAIWAN, R.O.C.



朱

賀茶山曾祕監有云聞諸耆舊昔在祖宗朝有道德魁偉之臣士
鄙刑名功利之學政術既斥夫卑陋國勢自極於尊安豈惟右文
飾治之方是亦折衝消萌之要至於主盟儒道典領書林必求名
勝之宗尤極清華之選又曰舊聞入洛之盛事疑於古人追數過
江之諸賢屹然獨在除刪定官謝丞相自叙有曰獨學寡聞倦遊
不遂瀾繙記誦媿口耳之徒勞跌宕文辭顧雕蟲而自笑低回久
矣感歎淒然使有一人之見知亦勝終身之不遇然而稟資至薄
與世寡諧在鄉閭則里胥亭長之所叱訶在州縣則書佐鈴下之
所蹈藉聲名湮晦衣食空無賀張都督有曰仰惟列聖之恩實被

中原之俗。耕田鑿井。舉皆涵養之餘。寸地尺天。莫匪照臨之舊。豈無必取之長算。要在孰講而後行。顧非明公。誰任斯事。賀曾台州有曰。上待老成。惟恐弗當其意。士聞靜退。自消競進之心。又曰。歷考平生。追配古人而奚愧。中更俗吏。益知儒者之有功。賀禮部侍郎有曰。惟宗伯之清華。極近臣之遴選。誠使此地。常得其人。則朝廷日尊。自頌未形之患。論議守正。亦折羣邪之萌。差夔州通判謝啟有曰。少也畸人。長而獨學。好莊周齊物之說。樂以忘憂。讀嵇康養生之篇。慨然有志。秉心不固。涉世寔深。兒女忽其滿前。藜藿至於并日。屢求吏隱。冀代躬耕。亦嘗辱記其姓名。固欲稍畀之衣食。費元化密移之力。不知幾何。悼孤生一飽之艱。乃至如此。除監司謝啟有曰。衣食不繼。自竄夔楚之邦。齒髮寔衰。倦游隴蜀之境。惟習氣未忘於筆硯。每苦心自力於文辭。藏之名山。本欲粗傳於後世。待以國士。豈期親遇於鉅公。又曰。士於知己。寧無管鮑之情。人之多言。誣為李牛之黨。又曰。哀窮悼屈。如伐木故舊之不遺懷。昔感今異。積薪後來之居上。通王宣撫自敘有曰。稟資凡陋。承學空疏。雖肝膽輪囷。賞慕昔賢之大節。乃齒牙零落。猶為天下之窮人。撫劍悲歌。臨書浩歎。每感歲時之易失。不知涕泗之橫流。知嚴州謝到任有曰。淺智褊能。薄才綿力。棲遲屏迹。但欲射石虎以終殘。

年辛苦著書不足藏名山而俟後世。偶為貧而求仕。旋觸罪而免。歸雁食無儲。鷄衣不補。凡百君子。悠悠非特達之知。平生故人。往往處嫌疑之地。欲言誰聽。投老何歸。又謝啟有曰。下愚難移。大惑莫解。不能高飛遠舉。求避橫目之民。乃復直情徑行。自擬噬臍之悔。永言窮薄。數蹈遭回。毀來靡待。於德高災生。豈由於福過。斷雲零落。敢懷出岫之心。病鶴縈纒。忽忝乘軒之寵。又曰。哀細德之儉。微開洪鈞之缺。軋念茲積譴。雖擢髮而有餘。察彼衆讒。亦吹毛之已甚。未加顯棄。聊復少收。又曰。無復入關西日。舉釣竿之手。惟希度世東封。謁玉輅之塵。賀丞相有曰。永惟夷夏。戴宋之舊。思見太

平時則祖宗在天之靈。為生賢佐。上參政有曰。為治不難。其道顧何如耳。用人若此。吾國其庶幾乎。傳聞四方。歡喜一意。某聞公論未嘗盡廢。常苦不在於朝廷。小人豈必無材。惟患與聞於國事。又曰。仁人先天下而憂。重矣。自任賢者。備春秋之責。艱哉。克終。賀李運使有曰。繁薄游戲之翰墨。嬉笑怒罵之文章。過黃初而有餘。嗟正始之復見。飛騰捷路。恥煩狗監之吹噓。散落遐荒。寧付雞林之裁鑑。賀御史中丞有曰。人情不遠。立朝誰樂於抨彈。仕者自謀。干世本求於遇合。又曰。國有紀綱。治自形於四海九州之遠。士篤名義。效或見於數世百年之餘。賀丞相有曰。時玩久安。輒生天下之

患國無遠略。必有意外之虞。賀運使有曰寬猛異施。古今莫不。予
產號衆人之母。用於鄭而莫救陵夷。申商為法家者流。弊至秦而
卒以顛覆。歷考簡編之迹。莫先儒術之功。又曰敢闔墓境。獲備屬
城。閭里無聊。擘涕下催科之筆。事功靡著。忍慙修候問之書。自敘
有曰笠澤漁家。紹興朝士。捫參歷井。久困客游。煮海摘山。屢乘使
傳。既罪愆之未洗。復衰疾之相侵。骨相宜窮。頭顱可揣。穿延和之
細殺。恍若隔生。分新定之左符。更叨起廢。又賀丞相啟有曰。廟堂
之謨。代天而理物。帷幄之算。經遠而折衝。平居用小大之材。欲其
披肝膽以自盡。一旦付疆場之事。欲其捐性命而不辭。自非有以

素服衆心。則將誰與共濟大業。晉文側席於子玉。回紇下拜於汾
陽。王商以忠塞三朝。則單于不敢仰視。平津以陰嬰充位。則淮南
謂若發蒙。自昔論世之盛衰。莫如置相之當否。以上皆放翁集中
語。凡此皆以議論為文章。以學識發議論。非胷中有千百卷書。筆
下能挽萬鈞重者。不能。後來惟劉潛夫尚書極力追攀。得其旨
趣。壯年所作絕似之。晚年稍變。槎牙蒼鬱之態。然覺枯槁。隱居

僕自幼嘗聞鄉中長老言潮至夷亭出狀元不曉所謂己亥庚子
連歲大旱鹹鹵之水果至崑山境上所謂夷亭末地是時黃由魁
天下次舉鄉中又籍之言潮水至夷亭未以為信也甲辰歲衛涇
又魁天下蘇之為州自本朝開國以來未有占大魁者而連舉預
焉甚為鄉中偉觀僕嘗作啓賀衛魁一聯有曰謂夷亭兩見潮水
若其應吉讖而登大魁而姑蘇連出異人我欲作雅歌而紀盛事

蓋實錄也 野客叢書

詔巨源轉朝奉郎與通判差遣時趙彥呐以在夔誅祿禧得州通
判巨源曰殺祿禧與通判殺吳曦亦與通判耶以啟謝安丙曰飛
矢以下聊城深慕魯仲連之高誼解印而去彭澤庶幾陶靖節之

清風

宋史楊巨源傳

△開禧兵隙將開憂國者慮其不終乙丑之元吳畏齋自鄂名過京
口以先君湖湘之契先來訪余並送出南水門謝不敏既而留中
為大蓬未幾遂以秘撰帥荆復出聞西泝時北事已章灼余念數
路出師且有殷鑒雖上流運竒先王有遺規而今未必能且是時
招偽官遣妄謀疊疊多費實無益於事天下寒心而謀國者不之
知也因草一啟代贄及之曰騎虹過賀曾親警欵之承倉鼠歎斯
尚墮塵埃之夢喜拜重來之命試伸一得之愚竊以宋受天命何
啻百唐申敵占中原又閱一甲子自崇觀撤藩籬之蔽而矣興紛
和戰之謀誕謾敗事而巽懦則有餘浮踈大言而矜夸之亡實有

志者以拘孿而廢無庸者以積累而升牢籠易制之人才。玩愒有為之歲月，肉食者鬪，正氣當可進而失機，骨節而爭逆，亮以難從而求蒙，遂致蟠固，狡兔之窟猶欲睥睨，化龍之都決策和親，姑謂奉春之熟計，卧薪自厲，誰為勾踐之盛心。金湯恐喝于豫圖，玉帛聯翩于遠餽，百年棄置亦已久矣。萬口附和以為當然，不特手足混於無別，而反使有加。將見膏血困于常輸，而未知所止。有識每一真念終夕為之寒心。今雖欲為後乃益甚，竊聞九世之大議，僅積三時之成規，蹤跡張皇已同獸鬪，議論噂喏堅闢狐疑，徒欲快一決而僥前功。詎曰計萬全而為後慮，吠畝有懷于憂國，匪旌無

路而陳情，敢忘末學之激衷。試請丈人之靜聽，嘗觀古昔中興之

業，或因東南全盛之基，規模雖狹于未宏，功業亦隨其所就。孫氏北無淮而西無蜀，距江尚固於周防，晉室內有寇而外有戎，渡水亦成于克捷，彼皆未盡有今日之所有。我乃類欲為當時之不為，邊草未搖，紛紛抵掌塞塵，一警惴惴奉頭，弛張以道。固曰隨時勇怯，任情料必至此，未嘗有十年之生聚，但聞以千里而畏人，惟昧於天下轉移之機，所以成流俗衰頹之弊。願姑寘尋常以破未識時之說，特欲舉一二以釋妄乘勢之疑。夫江淮為唇齒之邦，關陝乃腹心之地，欲近守則不當固其內，而舍其外，欲遠攻則安可即

所後而忘所先。况天險可守，共守則險亦均。地利可据，能据則利必倍。此皆不易之常理。具有已行之舊規，襄陽關中之喚兵，易進而亦易退。京師海內之腹，守可暫而不可常。通秦蜀兩道之勢，則兵力不宜輕。居陳梁四戰之郊，則守備不必泥。使靈旗再圖北指，詎不先出岷之師而大駕一日東歸。似難執居汴之策，蓋設險象存于習坎，而趨時患在于用常。誠由泗宿以下，靈壁之師因登萊而濟海道之衆，淮西則出壽春而窺許境，關外則道大散而瞰雍郊。是謂正兵皆為危道。蓋河朔雖可得而難於持久，舟師雖可用而未為全謀。即平壤以制敵，蹉跌則不支。用嶮道以出兵，餽餉則難繼。故顯忠卒成符離之衄，而至于潰。李寶僅濟膠西之捷，而不敢留水路。貽明徹之憂，陸運制武侯之出，非陳言之是。襲亦商監之可稽。若夫運上流之奇，此端繫大賢之責。一軍下蹠洛中原之勢，已搖萬騎出潁昌京畿之地。旋復南城分徇，而首尾互應。朱僊進擊而手足獨披，惟是時之舉偶困于誇書，而此日之功難言於覆篋。苟盡得策，豈復至今自兩河而言，則銅梁為舊疆，由九郡而論，則金坡為限塞。平州與三關異路，而不豫計。真兇戲哉。白溝僅一水累世，而不敢踰。亦幸安耳。今欲為能勝而必不可勝，固當審所圖而棄其難圖，豈徒舍敗績而趨成功，庶不因空名而受實禍。

宣和之捷所以貽靖康之變隆興之戰所以成乾道之盟惟思之
遠而慮之深庶功可成而憂可弭大姑少置小亦未安招撫固上
策而納歸正乃自困之資用誠至謀而遺妄謀及無益之費偽
官換授是當誅而蒙賞厚賞輕畀是以寔而易虛雖至愚猶且知
其非豈在上顧甘循其弊許移治者是許其棄地令擇利者是令
其退師徒使全家保妻子之臣用以藉口竊爵祿之寵邊城保鄣
以廟堂使闕而不免于屢遷戎閫事機以主帥晏安而常淹于難
達偃然以承平文飾之體魏乎居要境藩維之權塞下之粟反內
徙以自虛軍中之弊猶日駘而不止歲市駘而不能償耗誰興開
元監牧之謀日計漕而未足餽軍孰啟神爵屯田之策民兵文具
禁籍虛員奈何欲興不世之雋功尚爾未草易知之宿弊此特言
其梗槩初未効于涓埃已不勝賈生痛哭之私矧欲致臧官鳴劍
之議試攄悶悶女謂平平恭惟某官以世大儒助國正論貫兼資
於文武視一節於險夷歸自乘輅公議浩然而歸重畀之顯闡天
心昭若以可知上方勤西顧之憂公特任北門之寄風雲三神之
頂洊爾褰裳旌旗千騎之來楚然望履儻列城之觀望屹外閫之
蕃宣當盡遠猷庶銷過計某辱知最渥因事有言屢矣蹉跎雖粗
有少年之志斐然狂簡得毋貽小子之嗤或可執鞭願供磨盾其

諸軟熟之貢徒致高明之煩副聽策勲別當修贄畏齋在丹陽館
一覽輒喜親作數語謝曰抗身名以衛社稷久沉射虎之威疏王
爵以大門閭將表食牛之氣有來相過允荷不忘監倉學士風烈
承宗詞華振俗喜北平之有後幸郎君之克家庾氏甲官王孫令
器必有表薦以發忠嘉至於陳誼之甚高與夫期待之太過此則
諸君子之責而非一郡守之憂某行官沔鄂之間即有兵民之寄
當呼老校退卒問先烈之宏規將與羣公費人誦故雋之名緒叙
謝之意匆草莫殫予是一得之謀頗徹於諸公間矣又一年稍稍
如言宇文頤齋聞之從章以初錄本公會除次對謬以克自代薦
且有志識不羣之褒初未相識也故余投謝駢儷有曰初不求于
識面直自得于知心蓋指此它日又特刻亟稱之于廟堂余迄不
知所蒙近繙故笈偶見存本因悼殄瘁潜然出涕書之以志余之
愧於知己者焉

程史

東萊呂成公祖謙集皇朝文鑑既成孝宗錫名文鑑除公直秘閣
暨賜御府金帛成公謝表云既叨中秘清切之除復拜御府便蕃
之賜陳騷時為中書舍人執奏以為此特編類之勞恐賞太厚上
不悅陳成公遂力辭帖職上不從

四朝聞見錄



建炎三年先忠宣公銜命使北方以淮甸賊蠭起除蕪淮南京東
等路撫諭使俾李成以兵護至南京公遣書抵成成方與耿堅圍
楚州答書曰下涸虹有紅巾非五千騎不可往軍食絕不克唯命
公陰遣客堅強成啟兵公行未至泗謀云有迎騎甲而來副
使龔琦憚之送兵亦不肯前遂返旆即上疏言李成以饋餉稽緩
有引衆納命建康之語今靳賽薛慶方橫萬一三叛連衡何以待
之方舍垢養晦之時宜選辨士喻意優加撫納疏奏高宗即遣使
撫諭成給米五萬斛初公戒所遣持奏吏須疏從中出乃詣政事
堂白副封時方禁直達忤宰輔意以託事滯留為罪特貶兩秩而



許出滁陽路紹興十三年使回始復元官時已出知饒州命予作
謝表直叙其故曰論事見從猶獲稽留之戾出疆滋久屢沾曠蕩
之恩始拜明綸得仍舊扶伏念臣頃繇乏使不敢辭難值三盜之
連衝阻兩淮而存食深虞猖獗之患或起呼吸之間輒露便宜與
加勤恤雖璽書賜報樂聞充國之建言而吏議不容見謂陳湯之
生事虧除繇歷歲時敢自意于來歸遂悉還於所奪茲蓋忘
人之過與不同功念臣昔麗於微文蔽罪本無於它意故從數赦
俾獲自新書印既畢父兄復共議秦檜方擅國見此表語言未必
不怒乃別草一通引咎曰使指稽留宜速虧除之戾聖恩深厚卒
從救拭之科仰服矜憐唯知感戴伏念臣早繇乏使遂俾行成值
巨寇之臨衝欲搏人而肆毒仗節宜圖于報稱引車何事於遠巡
徐偃出疆既失受辭之體申舟假道初無必死之心雖從貶秩以
小懲尚許以而自贖徒行萬里無補一豪敢妄異于隆寬乃悉
還於舊貫茲蓋忘人之過撫下以仁陽為德而陰為刑未嘗私意
賞有功而赦有罪皆本好生坐使孤臣盡前宿負云云

徽宗以紹興乙卯歲升遐時忠宣公奉使未反命滯留冷山遣使
臣沈玠往燕山建道場於開泰寺作功德疏曰千歲厭世莫遂乘
雲之仙四海過音同深喪者之感况故宫為禾黍改館徒饋于秦
牢新廟遊冠招魂漫歌於楚些雖置河東之賦莫止江南之哀
遺民失望而痛心孤臣久繫惟歐血伏願盛德之祀傳百世以彌
昌在天之靈繼三后而不朽

容齋三筆



盤洲洪公擬宰臣賀復河南表有宣王復文武之土光啟中興齊
人歸鄆謹之田不失舊物之句
辭學指南

國家圖書館, NATIONAL CENTRAL LIBRARY, TAIWAN, R.O.C.



韓文公王仲舒銘云敷文帝階擢列侍從野處謝敷文閣直學士
表云宣布中和方歌盛德之事擢列侍從遽復敷文之階雖借用
而切當

困學紀聞

表斷句須有力如洪景廬但驚奎壁之輝自天而下莫測龜龍之
秘行地無疆辭學指南

國家圖書館, NATIONAL CENTRAL LIBRARY, TAIWAN, R.O.C.

移吉陽軍鼎謝表曰白首何歸悵餘生之無幾丹心未泯誓九死
以不移檜見之曰此老倔強猶昔

宋史趙鼎傳

國家圖書館 NATIONAL CENTRAL LIBRARY, TAIWAN, R.O.C.

朱文公慶元二年冬十二月癸丑褫職罷祠臺臣擊僞學至榜朝
堂未幾張貴謨指論太極圖說之非而沈繼祖以追論伊川程正
公為察官而胡紘草公疏未上會以遷去職遂轉授繼祖故有是
命公遂拜表稱謝曰罪多擢髮分甘兩觀之誅量極色荒姑示片
言之貶迨復尋於白簡始知麗于丹書鐫延閣論撰之名輟真祠
香火之奉茲為輕典永賴洪庥捧戴奚勝感箴曷喻中謝伏念臣
草茅賤品江海孤生蚤值明時已誤三朝之眷獎晚逢興運復叨
上聖之深知名自藩維擢參經幄略無可紀足稱所蒙既遠去于
朝行即永歸於農畝然猶畀之秩祿使庇身於卜祝之間實在清

流容廁跡于圖書之府。所宜恭恪。或違悔尤。乃弗謹於彝章。遂自
投於憲網。果煩臺劾。盡發陰私。上瀆宸嚴。下賊聞聽。凡厥大譴。大
呵之目。已皆不忠不孝之科。至於衆惡之交歸。亦乃羣情之共棄。
而臣瞶眊。初固聞知。及此省循。甫深疑懼。豈謂乾坤之造。特回日
月之光。略首從之常規。既俾但書于簿。罰稽青終之明訓。倘許卒
遂於餘生。是宜衰涕之易零。惟覺大恩之難報。此蓋伏遇皇帝陛
下。堯仁廣覆。舜哲周知。謂表正於萬邦。已極忠邪之判。則曲全於
一物。未傷黜陟之公。遂使頑蒙。獲逃竄殛。臣敢不涵濡聖澤。刻勵
愚衷。雖補過修身。無及桑榆之暮景。然在家憂國。未忘葵藿之初

心四朝聞見錄

景定壬戌曾仲實侍郎為江西轉運使時度宗以忠王立為皇太子四月九日乃其誕辰次山為曾公作賀箋有曰純乾直月祥開初九之潛索震承華德稟函三之極諸司傳誦交稱精切蓋四月應乾而初九潛龍爻應儲副且協其誕日也

隱居通議

梁由木誌

陸放翁名游字務觀文士也高宗紹興末已為樞密院編修官孝宗初立召對與尹穡同時賜進士出身恩過甚渥俄以不謹交游罷通判鎮江府上不樂由是屢薦不官久之乃從范至能成大入蜀既而補郡稍遷部使者又以言廢淳熙末起守嚴陵入見上勞勉之既到官以表謝曰明主恩深書生命薄唐帝之知李白一官不及於生前漢皇之慕相如遺梟徒求於身後上頗憐之內禪前十日命以軍器少監權禮部郎中孝皇愛惜人才不終棄如此

居通議

周漢國公主增封兩國次山為運司進賀皇帝表有曰王姬有下嫁
於皇車服之儀帝制坦明復增湯沐之邑及公主薨又進慰箋於
東宮有曰太傅之教在前動遵於禮有姊之喪拱右悲發乎情願
於晨昏定省之餘勉進哀樂中和之諫其慰皇帝表有曰豈不嬰
於皇情願悉歸之天數皆確論也隱居通議

周國公主出降去非為趙廣微尚書進賀表有曰乾元御極化爰
始於修齊。吳索承華。恩聿隆於選尚。猗歟天合。允矣邦榮。末云王
姬肅雍。婦道信內。則之咸宜。帝堦貴重。朝廷喜中興之僅見。蓋自
南渡後。累朝未有帝姬出降故也。隱居通議

包樞相恢嘗^知平江府兼淮浙發運使奉詔行公田事既告成得
轉通議大夫去非為作謝表曰百畝畢公田之事詔俾奉行十行
賜方國之書恩叨遷轉造語穩熟公田之行也賈師憲實主之雖
曰省造楮以重國計然當時行之極擾浙右震動包公以大儒奉
風旨大失士望故其轉官也公論惜之隱居通議

樞密包公道夫平生最疑周禮以為非聖哲之書遂著書剖其非

號曰周禮六官辨景定壬戌公與劉潛夫尚書同侍讀緝熙殿潛夫奏之有詔宣取歐聖弼為作進表雖所辨未當而表則極佳每

恨失其稟今年壬辰歲六月留盱因叩其子聲道再求得之

按至元二

十九年壬辰公年五十三歲此蓋當時紀失而復得之歲月而編輯則在闕歸之後也

道在五經固昭垂於

軌範書籍六典敢妄肆於管蠡不圖一得之愚仰徹四聰之聽臣

竊謂孟子不盡信武成之策宗元猶深疑卬命之文矧茲設官分

職之辭決非垂世立教之本蓋劉歆作以輔新室莫掩其奸謂周

公以之致太平恐垂其實惟唐宗誤以為聖作雖漢儒亦識其陰

謀字。文旋此而疾顛。安石行之而大壞。儻畏出古者不刊之訓。何
至為後來取欺之階。臣退揆蒙愚。未能渙釋。且提面命。頗有得於
父師。口誦心惟。因默參於義例。乃詳訂而為之辨。欲深藏以淑其
私。隕惟積聞見於丁年。豈意裨覽觀於乙夜。茲蓋恭遇天生神聖。
日就緝熙。格物致知。固已循於本末。謹思明辨。尤欲盡於精微。遂
令熒燭之未光。亦造蟬蛸之邃宇。臣夙衰臆說。欣際昌期。學古訓
而求多聞。消埃奚補。藏書府以待能者。鉛槧為榮。故友范去非精
工表奏。謂余曰。此表殊未易作。而聖弼作此。極有手段。馮虛駕空
自成一片。令人讀之心服。去非與聖弼交情不孚。而當時公論如

此隱居通議

初允文由臨安府學教授為國子監書庫官遷宗學諭以言去踰
年得監華州西嶽廟以啓謝諫官曾廣微淵子有曰多男富壽請
祝聖人之三萬事功名竊誦諫官之四亦輕俊也允文舊所長者
作賀體詩及長短句甚精工其後殊謹言之臨安失守後福州建
行朝允文奉密詔舉義初建柵屬余作謝表起句曰天臨南面將
恢正統之山河地復西江重見中華之日月允文甚喜之其後允
文事不成為文丞相所殺予作哀文以弔之曰人懷舊主捐軀興
義義之師天厭中華縱敵負英雄之志衆競非其晚節我獨諒於
初心輒摘朋友之哀以慰幽冥之憤故江西制置招討使侍郎吳

公稟資明銳。遭世艱虞。當樞密。誅范瓊。實參計畫。適翰林。乏陸贄。遂掌贊書。俄拂衣從田里之歸。忽游騎迫鄉邦之陷。社稷實不血食。深哀傾覆之何辜。宗廟盡為黍離。每念播遷。而隕涕既出。危城之岌岌。長懷故國之茫茫。會飛龍重建於行朝。而繫雁鼎來於密詔。慟哭拜命。慷慨起兵。閔中遺民。喜見孔明之奮。山東群盜。悉歸宗澤之招。既雲合而風從。宜乾旋而坤轉。云云。隱居通議

景定癸亥冬至節。次山為運司進皇太子賀箋。有曰聖心觀復。驗初畫之震庚卦氣。守中迂循環之乾甲。蓋次年即甲子。見得是亥年賀震宮冬至也。其賀皇帝表有曰壁中軫中。密察乾文之運。天大地大。益昭王道之尊。隱居通議

頃年番江初刊唐子西詩集時寓公熊叔雅來見先人偶案間置
此書顧輝曰曾看否第九卷第一篇惠州謝復官表首云始以為
夢既而果然語簡而意足可法也退而先人誨輝曰前輩觀書不
苟簡類如此雖一覽亦記篇目後生豈可不勉

清波雜志



西山先生曰表有賀有謝經筵進讀進講有進貢有進書其體頗不同除單題易區處有摠數事為一題者破題須包盡至於瑣碎工夫尤為繁多且如出一賀冊表非胸中有五六件冊寶如何展布得一篇又有不可測者如宣和間順州進枸杞表固非場屋中出萬一試日或遇此題平時不知枸杞為何物焉能作靈根夜吠之語哉須燈窗之暇將可出之題件件編類如初學記六帖藝文類聚太平御覽冊府元龜等書廣博搜覽多為之備向年嘗見臨安進野蠶繭及絲綿紗絹因謂同學者曰萬一以此命題中間將何鋪叙皆相顧無語其後擬一聯云壓絲織纊無慙禹貢之供冰

素方空。不數齊官之獻。絲綿紗絹四者皆全。須如此用工可也。辭

學指南

甲子六月六日昧爽福寧殿東西向列聖訓及讀書紀要各二匣
凝華集一匣太子兩拜問安又兩拜云臣某職守東闈恩承南面
近思問學謹葺章編伏遇爹爹皇帝陛下聖訓尊嚴師資妙選遂
令謏見晉徹睿知臣下情無任瞻天望聖激切屏營之至兩拜措
笏舞三拜開匣各奉一冊以進兩拜云纂輯所聞編摩亦久慚非
博學幸徹嚴宸陛下教育歲深脩為日漸謹祈鈞覽終賜玉成兩
拜進凝華集云自幼習詩久承親訓僭編草藁恭進冀階陛下勤
於教子學乃知方仰異聖慈錫之乙覽兩拜退本宮聖堂祈祝文
云愚昧謏才勉強學問夙佩君親之訓垂二十年問安視膳之頃

凡一語一言之教詔服膺勿失會集為編目曰聖訓凡二百卷上
吉恭進惟神靈陰相之八日付史館賜詔云朕惟萬邦克正端自
元良百世昭垂常存典則爰示宗嚴之訓以昭燕翼之謀期續心
傳用敷言教皇太子某天資既淑學問益充凡平時丁寧告誡之
辭悉見於躬行實踐之際復加編集以示鑑觀爰實契於朕心可
永垂於世則庸加諭旨丕寓至懷九日起居畢致詞云頃集訓言
獲遭乙覽登之史館獎以溫辭陛下道重傳心恩深教子敢不益
加勉勵庸竭忠勤兩拜進詩云寵頒御墨十行新天錫光華被小
臣家學傳心當謹守恩深何以報君親兩拜舞蹈退祝文云昨者
告恭進聖訓果蒙默佑得徹宸嚴君親悅怡宣付史館不惟見某
平日積習之功亦見我皇上天縱之學修齊治平之道藏之石渠
照耀今古佩服神迎與此編相為長久尚享

陳世榮
隨隱漫錄

宋紹熙甲寅太學諸生擬勸行樂表云周公欺我願焚酒誥於通
衢孔子空言請束孝經於高閣以勸為諷字字有來歷

歷
鶴林玉露



岳武穆家謝昭雪表云青編麈
乙夜之觀白簡悟玉人之諧甚工
鶴林玉露

國家圖書館, NATIONAL CENTRAL LIBRARY, TAIWAN, R.O.C.



嘉定和戎湖南師帥曹彥約賀表云過也更也何傷日月之明赦
之宥之式彰天地之大一時傳誦吾郡羅蓬伯之詞也 鶴林玉露



國家圖書館 NATIONAL CENTRAL LIBRARY, TAIWAN, R.O.C.


嘉定受寶璽南塘賀表云函封遠致不知何國之白環環刻孔章。

咸曰寧王之大寶困學紀聞

國家圖書館, NATIONAL CENTRAL LIBRARY, TAIWAN, R.O.C.



攻媿樓公曰順州得枸杞宿根於土中碁北海屬聯曰靈根夜啗
美異質于千年驛騎朝馳薦聖人之萬壽春荒裔沈歲之久實王
師恢復之初物豈無知時如有待表既進天子為之改容
南 辭學指



朱異宣諭七閩劾江夕拜常循俗異宮朝廷薄其罪止令分析江
謝表云盡擊鮮更日之歡復擁笏垂簾之樂四六談塵

東萊先生曰表中謝後當說竊以各隨題意如代樞密使謝賜玉
帶表云竊以裴度視師服章武通天之賞衛公戡難拜文皇于闐
之珍如謝賜御書周易尚書表云竊以法始四營莫辯乎易文兼
五典皆聚此書是也或用事或不用事亦無定格

辭學指南

胡交脩代謝賜御製御書夏祭神應記表曰聖謨煥發紀休應于
柔祗宸翰昭垂霈龐恩于適服第二人便說御書不甚分明
辭學
指南

黃伯庸代宰相賀雪表云。招來衆彥。無晝卧洛陽之人。激勵三軍。有夜入蔡州之志。詞意壯切。直宰相事也。李公甫表云。漢使啗羶。未必得匈奴之要領。楚軍挾纊。惟當堅祈。父之爪牙。語雖巧。頗牽

疆
鶴林玉露


代嗣高麗王修貢表俱是先說襲封方及來王之意惟第一人黃符先說本朝首聯云仰被王靈獲承基緒敬修臣職敢後要荒羅崎曰中國明昌適際聖神之運遠邦奔走宜修臣子之恭雖不及嗣王之意亦以首言中國遂為第二

辭學指南



羅疇老代高麗備貢表全篇皆穩其間一聯云地瀕日出每輸傾
藿之心天濶露零亦被蓼蕭之澤二事人用之極熟此聯稍變言
語遂為佳句大抵用事當如此不然則汎濫雷同矣其斷句云矢
來肅謹用昭遠慕之誠弓掛扶桑永荷誕敷之德亦好

辭學指南



林虞謝修都城記表全篇皆好但斷句無力其中天造地設示根
本於華夷陽曜陰藏壯規摹於今古警句也

辭學指南



張彥實楊原仲並居西掖代言多彥實與之潤色初亦無他彥實
偶戲成二毫筆絕句云色羞曾借虎皮蒙筆陣仍推兔作鋒未用
吹毛強分別即今同受管城封原仲以為誚已大怒懇于會之誅
言路彈之彥實以本官罷為宮祠謝表云雖造化之有生有殺本
亦何心然臣下之或賞或刑咸其自取揮麈餘話

李侍郎伯玉為侍講。誤犯穆陵嫌名。上章自劾。有旨免犯罪。震卿為
草謝表。有曰。講學方新。聿陳古誼。臨文不謹。誤觸嫌名。凜雷電之
震驚。荷乾坤之涵育。臣若稽虞典。舜曰重華。載考夏書。禹稱文命。
如揭日月。不以山川。有耳目者。皆知。豈齒牙之敢及。又曰。姓所同。
名所獨。既重犯於嚴威。功惟重罪。惟輕。乃大恢於聖度。此表一時

為人夸誦

德居進議

李全既得張林要領表奉十二州版籍以歸表辭有云舉諸七十
城之全齊歸我三百年之舊主表馮洵所作也

宋史逆臣傳



淳祐三年召趙葵欲除右相葵到京言者謂宰相須讀書人葵知
乃運出國門上表辭相位曰霍光不學無術每思張詠之語以自
慚後稷所讀何書敢以趙抃之言而自解歸領鄉郡宋李三朝政

要

楊駙馬賜第拓四旁民居以廣之最逼近者莫如太學生方大猷
之居首獻作倡穆陵大喜視其直數倍酬之方作表謝有云普天
之下莫非王土一毫以上悉出君恩自此擢第登朝皆由此階而

梯焉 齊東野語

杜善甫山東名士工詩文不屑仕進有薦之於朝遂名之表謝不
赴中二聯云俾獻言于乞言之際敢盡其忠若求仕於致仕之年
恐無此理不能為白居易漫法香山居士之名惟願學陸龜蒙拜
賜江湖散人之號

山房隨筆



開禧間陳宜中與權劉黼聲伯黃鏞器之林則祖興周曾唯師孔
陳宗正學亦以上書得謫號六君子至景定初時相欲收時譽並
擢高第既而林則祖陳宗先死曾屢遭黜三公者相繼召試居言
路出藩入後咸淳癸酉間聲伯自海閩召為從官翰苑與權自閩
帥擢秋官居瑣闥器之起家知廬陵兼倉節是歲六月正言郭閻
劾器之云虛名多足以誤世實德乃可以服人又云黃鏞偶儕六
士遂得虛名昨守吳門怪狀百出愧士不敢謁學畏軍不敢閱武
既綰郡符復兼庾節怪誕仍不可枚數矣越宿陳與權入奏曰朝
廷建官本欲兼收實用臣子事上豈容徒竊虛名倘公議有及於

斯恐頃刻難安于位。比觀諫垣造膝之抨彈，斥云廬陵治郡之無狀，一皆公論。何預孤蹤，但首發虛名之誤世，上係國家，而明指六士以修言，已形辭色。蓋亦謂忝論思之數，將使自知進退之謀，欲使特昇閒廩，以穆師言。詔不允云虛名誤世，辭氣若過於抑揚，實德服人。指意則有所歸重，援是求去，非朕攸聞。劉聲伯亦一再上疏求去，不允。郭不自安，乞罷言職者，亦再云直言無忌者，諫之職，何敢容私。轉喉觸諱者，語之窮，安能逆料。惟茲老守，舊有直聲，惜其預六士之稱，不能終譽若此。今指其兩郡之政，謂非虛名可乎。二臣何見，相總引嫌，實是實，虛自虛。人品固難於概論，聞所聞，見所見，事理委無以相干，亦不允其請。

齊東野語

德祐元年五月太皇太后詔諭呂文煥等息兵通好文煥回本國
書云報國盡忠。自許初心之無愧。居城守難。豈苗末路之多羞。茲
祈轉念昔年之功。庶可少伸今日之款。明公問信。歸人欲言。伏念
少歷戎行。壯臨邊徼。干戈滿眼。輕性命于鴻毛。弓箭在腰。繫死生
於馬足。不憚驅馳于西北。誓將屏蔽于東南。幸以微勞。屢收薄效。
至若襄城之計。最為淮甸之危。蠢茲無厭之人。指將必攻之地。迅
裂如水火之衝擊。震蕩如風雨之去來。坐一日為尤難。居九年而
可奈。南向高築。蓋欲拒吾喉襟。樊城盡屠。其在剪我羽翼。雖劉也
先首於犯順。而焦然中苦於黨姦。孤城其若彈丸。謂可靴尖之踢。

倒長江雖曰天塹。或欲投鞭而斷流。克燭如斯。先聲屢至。臣能死爾。仰天而哭。伏地而哀。男既生氓。析骸而爨。易子而食。尚冀廟堂之念我。急會鄰郡之聚兵。委病痛于九年之間。案肌肉于羣虎之口。思念張巡之死守。不如李陵之詐降。猶期後圖。可作內應。國手局敗留着。此豈出尋常之機。俗眼圖耳觀形。奈不識驪黃之馬。豈使忠臣。偶陷于他國。亦從絕意。不念于鄉閭。固知死也。何補于生。安有食焉。不任其事。因銜北命。乃擁南兵。視以犬馬。報以仇讐。非曰子弟。攻其父母。不得已也。尚何言哉。臣煥等死罪。幸荷今皇上。寬其好生。開以自新之路。明公都督。雖是問罪。藹然念舊之情。安敢固違。永為背叛。見今按兵不動。卧轍不驚。撫此良辰。伏覩景命。且秦穆公之赦殺馬。在野人猶知報恩。如齊威公之相射鈎。願君子終無忌怨。

劉一清錢塘遺事

△
盧多遜丞相謫海外國史載其謝表末云流星已遠拱北極以無
由海日空懸望長安而不見又其孫載作范陽家誌附其臨終自
作遺表畧云昔日位居黃閣衆口鑠金此時身謝朱崖蔓草縈骨
雖有五代衰氣然亦可哀矣

五月廿四六話



△王元之謫居黃州至郡二虎闖於郡境一死之羣雞夜鳴冬雷電
司天奏守土者當之詔內臣乘驛勞之即徙蘄州抵蘄上謝表曰
宣室鬼神之間敢望生還茂陵封禪之書止期身後上覽之曰禹
偁其亡乎

四六話



元之自黃移蘄州臨終作遺表曰豈期遊岱之魂遂協生桑之夢
蓋昔人夢生桑而占者云桑字乃四十八果以是歲終元之亦以
四十八而歿也臨歿用事精當如此足以見其安於死生之際矣



嘉定間寶謨閣學士許奕病篤口占遺表云臣非衰病偶染微疴當湯熨可去之時臣則以疾而為諱及破砭已窮之後醫遂束手而莫圖靜思膏肓所致之由大抵脈絡不通之故固知養患成禍豈惟理身則然苟能疏雍預防以之醫國亦可蓋指近事以為身喻也乾道間胡周伯尚書亦云賈誼號通達國體大瘡踈鑿類辟病癰皆借一身喻之今日國體何病也能言病未必能處方不能言病而輒處方誤人死矣今日之病名風虛虛內也風外也外風忽中半身不遂靖康也幸其半存建炎也咎已往半存之身常凜凜不自保也今欲併治不遂者林市道之說售嘗試之方湯熨砭

石雜然而進使誼復生必慮中風再至至半存之身亦不能救矣
所謂可痛哭流涕者也蓋本呂獻可乞致仕表云臣本無痼疾偶
直醫者用藥乖方不知脈候有虛實陰陽有順逆診察有標本治
療有後先妄投湯劑率任情意差之指下禍延四肢寢成風痺遂
難日步非徒憚蹙蹙之苦又將虞心腹之變勢已及此為之奈何
雖然一身之微固所未恤其如九族之託良以為憂是思逃祿以
偷生不俟引年而退政三公之論實祖誼云 岩溪詩話

張南軒將死作遺表曰再世蒙恩一心報國大命至此厥路無由
猶有微誠不能自己伏望陛下親君子遠小人信任絕一己之偏
好惡公天下之見永清四海克鞏丕圖臣死之日猶生之年表來
再郎吏以庶僚不得上遺表却之卒四日上乃聞之 宋名臣言行錄

表章自序以兩臣字對說由東坡至汪浮溪多用之然須要審度
君臣之間情義厚薄及姓名眷顧於君前如何乃為合宜坡潮州
謝表云知臣愚不適時難以追陪新進察臣老不生事或能牧養
小民登州表云於其黨而觀過謂臣或出於愛君就所短以求長
知臣稍習於治郡侍讀謝表云謂臣雖無大過人之才知臣初有
不欺君之實欲使朝夕與於討論潁州表云意其忠義許國故暫
召還察其老病畏人復許補外汪謝徽州云謂臣不改歲寒故起
之散地察臣素推月旦故付以本州為陸藻謝給事中云知臣惟
魯無它故長奉賢王之學憫臣踐揚滋久故亟陞法從之班為汪

樞密謝子自虜中歸不令入城降詔獎諭表云知臣齒髮已凋常
恐鄧攸之無後憐臣肺肝可見有如去病之辭家凡此所言皆可
自表於君前者劉夢得代竇羣容州表有察臣前任事實恕臣本
性朴愚之句坡公蓋本諸此近年後生假倩作文不識事體至有
碌碌常流乍得一壘輒云知臣察臣之類真可笑也 容齋四筆

△ 郡守謝上表首必云伏奉告命授臣某州已于某月某日到任上
訖然後入詞獨劉夢得數表首尾叙述皆與它人表不同其夔州
汝和州同州蘇州諸篇一體邁長子梓嘗稱誦之及為太平州遂
擬其體代作一表其詞云臣邁言伏奉今年九月十七日制書授
臣知太平州者一麾出守方切矜危三命滋共弗容控避仰皇天
之大造扣丹地以何言中謝恭惟皇帝陛下敷知有臨神武不殺
慕舜之孝見堯于墻德冠古今而獨尊仁並清寧而徧覆明見萬
里將大混于車書子來庶民更精求于岳牧臣家本儒素時無令
名濫竽鴻博之科稅駕清華之地瀛山抱槩郎省握蘭在紹興之

季年。汚記注於右史。龍飛應運。鳳紀卜祥。不遺細微。兼取愚頓。遂以詞賦之職。獲侍清閒之歡。雖宿命應仙。許暫來於天上。而塵心未斷。旋即墮于人間。一去十八年之中。三叨二千石之寄。未繇金華。郡還紬石室書。從玲臺閒館之遊。勸廣廈細旃之講。真拜學士。號名私人。受九重知己之殊。極三入承明之幸。使與大議。不專斯文。而臣弱羽不足以當雄風。蹇步不足以勝重任。上恩惜其終棄。左符寵其餘生。李廣數竒。徒羨侯于校尉。汲黯志發。敢歎薄于淮陽。臣即以今月二十八日到任。上訖伏以。郡在江東。昔稱道院。地鄰淮右。今謂壯藩。謹當宣布恩威。奉行寬大。求民之莫。問俗所宜。緩帶輕裘。雖弗賢長城於李勣。清心省事。敢不避正堂于蓋公。庶幾固結本根。少復報酬。知全規模。其步驟然。視昔所作。猶覺語煩。



表起聯 東觀書林久後漢儀之觀西崑榮府載瞻周馭之臨

賀車駕幸

秘書省

倪正文進

壽皇日紀

進壽皇

皇治憲天垂宰纂於萬世史編繫日昭成法於一玉

德茂重華接源而詒燕書嚴大典績寶牒以垂鴻

壽皇日紀

下字

未後書卷

講一時之盛禮

凡小註皆雙排

一字

辭學指南學直寫

廟儲祥挺靈華之

秀發 說齊賀仁 英室芝草

上聖紹休丕衍洪圖之慶元儲正位茂膺顯冊

之儀 陳正文賀皇 太子受冊

治繼三朝丕闡貽謀之懿法垂萬世聿嚴紀

事之書 西山進三朝 國史帝紀

聖神御極廣推徧覆之仁動植蒙休共効

太平之瑞 葉謙亨進五色 崔瑞麥芝草圖

聖而濟眾親成垂世之經予以馭臣

例及稱藩之國

李公彦代夏國謝賜聖濟經

烈祖文孫一本續承之誌皇支

帝載兩全筆削之公

王器之進三祖類譜今上重脩玉牒

三后在天軼鴻猷於今

古百王冠德紀茂實于典謨

東萊進三朝國史

規摹宏遠更三聖以重

光憲度著明參四書而並載

進慶元勅令格式

惟皇上帝將開與子之

祥有恤閔宮肆歲尊謀之事

野處賀祠高禱

舜數在躬大一人之聖教

堯言布下輯三紀之睿謨

東萊進建炎紹興詔旨

投戈講藝載信三代之

風肆筆成書增賁七篇之訓

東萊謝賜御書孟子

九月授衣駿發先庚

旨百官承式溥霑令甲之恩

謝冬衣

親年有永方齊箕翼之輝聖

孝無前併上乾坤之策

賀太上帝后尊號冊寶禮成

宸襟典學稽上古之聖

謨帝幙疏恩錫先儒之義贊

許蒼舒代講讀官謝賜尚書正義

鏤牒編年並紀

光華之旦涓辰歲事聿新尊閣之儀

傅景仁賀奉安玉牒日記

明聖宣恭寫

作宸居之監書言深潤勒為冊府之珍

代宰臣進秘書省石刻御書御製敬天圖

御

府分珍煥切磋之文采使軫臨賜新指畫之威儀

龍溪謝賜象簡

皇天

萬佑忽垂象以示人聖主靈承乃側身而修行亟銷變異宜即曩

儀率顛庶工仰干淵聽

星變請御殿後膳

保章瞻象既除星祲之灾太

僕詔王盍正朝儀之位

龍溪星變請御正殿

辭學指南

表竊以用事

真宗著清景之題必言省費仁祖述危竿之諭蓋

謹居高

周益公謝御製損齊記

德如堯帝祝多子于封人聖若文王詠百

男于周雅

周益公賀生皇子

世祖推恩長安列六子之舍明皇廣愛華

清建百孫之居

盤洲代郡王謝賜第

周有采薇之詩因命率以衛中國漢

著大風之詠期得士以守四方

初蔡謝賜御詩

被阜以生驗漢庭之熙

治食榭而化彰唐室之隆平

滕子濟賀野蠶成繭

漢文繼統每惟代邸之

優唐帝嗣圖尤軫路宮之念

魯可宗代常德府謝賜府額

姬姓作藩未成人

而賜履漢宗受社方在祿以錫封

元章簡代皇子謝

堯言布下猶資五

典之傳漢制恤人尚賴六經之績

進續修寬恤詔令

笙鏞列于舜陛無



相奪倫。管磬設于周庭。既備乃奏。初察賀燕樂成與史冊以並驅。唐有

嘉名之創。煥文風而可述。漢稱洪業之尊。陳益父賀奉安玉牒御集犀來徼

外。表章帝之重熙。雖貢越裳。慕成王之極治。周益公文進象擁彗迎

門。漢祖悟櫟陽之敬。望樓執鞚。唐宗羞興慶之歡。玉卮唯志於夸

毗。寶冊不忘於授受。奮乎百世。在我一時。野處賀加太上尊號頌采羽於

漢。賢盛述威懷之應。紀來牟於周雅。備陳率育之休。惟效異之靈

華。亦騰歌於樂府。莫冲五色雀瑞麥芝草圖天錫嘉符。芝稱珍物。俯延英之

御座。爰興唐帝之詩。生甘泉之齋房。嘗下漢皇之詔。說齋賀仁宗英宗室前柱

上生 辭學指南 芝草

表推原。烏本陽精。鵲知歲事。方聖祚紹隆於火德。適天時應在

於金穰。龍溪賀赤烏白鵲極儒者之榮。獨高翰墨之選。鼓天下之動。莫

如號令之孚。矧參基命之承。尤峻禁林之望。王岐公謝翰林學士承旨皇祖

有訓。嘉言孔彰。開創守持。垂億萬年之基業。都俞吁咈。振六十載

之網條。皆聚此書。克昌厥後。周益公讀三朝寶訓終篇辭學指南

表鋪叙形容

重陰益固。應水澤腹堅之時。積潤潛通。迎土膏脉。

起之候。

常衮賀雪

有璞於此。必使琢恍。驚制作之工。匪伊垂之。則有

餘。允謂便蕃之賜。

洪景嚴謝玉帶

鳳生而五色。悵丹穴之已遙。龍藏乎

九淵。驚驪珠之忽得。

呂吉父謝賜神宗御集

帝暉下矚。光榮河溫洛之歲。

天藻昭垂。跨過沛橫汾之詠。

東萊賀幸秘書省

金英並秀。絢藻井以煌

煌。紫蒂駢分。映堦階而蔓蔓。

北海賀芝草

如玉韞石。虹氣隱乎山川。

及雲升天。龍澤沛乎宇宙。

南塘賀登極

太極班朝。肅廷紳而咸會。少

陽在列。粲卷服之彰施。洋洋軌範之言。奕奕瓊瑤之刻。溫文有恪。

陟降欽承。將以鼓鐘。對峙黃麾之仗。授之璽紱。交輝青輅之旂。小



國立中央圖書館 國家圖書館 NATIONAL CENTRAL LIBRARY, TAIWAN, R.O.C.

侯邦備物之彞。陋王社初封之誥。陳正父賀皇太子受冊品羅羣帙。岳峙

大庭。粲然物采之新。將以鼓鐘之奏。徹覽觀於宸極。重尊閣於禁

嚴。典籍聿崇。小廣內承明之秘。圖書畢出。會滎河溫洛之祥。陳益父賀

奉安玉牒御集禮成適華編之初徹。叨異渥之沓來。輝映宮螭。特煥寶奩

之飾。歡均革鹿。例陪綺席之光。文韞名駿之鮮明。濃麝龍團之芬

郁。夸鄭澣析經之賜。侈桓榮稽古之蒙。輒陳歸美之章。丕展逢時

之慶。詩哀百詠。倣麗正之賡酬。句寫七言。埒栢梁之聯屬。徐子儀代經筵

讀孝宗聖政終篇謝宴賜進詩編簡旁羅。尚想古文於歲壁。金絲迭奏。如聆雅

韻於升堂。傳景仁講尚書謝宴樂啟韶英之奏。儀修弁甫之容。甘醴薦令

芳秩。彌文於主鬯。吉日告爾。字申嚴訓於臨軒。賀皇子冠禮銀潢滉

漾。玉版閱嚴。千八百國之封。先乎異姓。五三六經之籍。展也同符。

東萊賀進類譜玉牒二后受之同歸。于治萬物備矣。皆聚此書。萃圭璧於

綠文。會日星於漆簡。進寶訓旌旗燭耀於洪河。金鼓震驚於靈嶽。

介邱霧息。已望翠華之來。沂水更生。更起舞雩之詠。柳子厚賀破東平

東臺瑞物。冠玉璽之珍符。左戶輿圖。增金城之列障。呂吉甫賀元會璿

題灑落。煥東壁之星躔。藻衛森羅。備甘泉之法駕。奉雕輿而降格。

袂玉座以妥安。呂希純賀景靈宮奉安御容禮成公孫數萬之詭辭。披圖可見

虞初九百之小說。開卷盡知。豈伊龍閣之珍藏。乃作雞林之秘寶。

葛滕仲代高麗
謝賜太平御覽
山立林虞謝場
都城記

龍盤虎伏。瞻王氣以雲屯。螭首龜趺。據神靈而
辭學指南

表用事形容 名臣畢萃。踵劉珍建武之規。異域旁該。掩德裕會

昌之作李燾進四 肇易編年。脗合馬遷之纂。次著為考紀。更逾

班固之鋪張西山進 遠循函俗。先九月以授衣。俯陋漢儀。因立

春而賜帛謝賜冬衣 徊翔有煒。協周家玉屋之符。粹美而真。異莊子

彫陵之見龍溪賀赤 効貢毫都。上揜太宗之迹。伴圖蜀郡。益增

仁視之光府說齊代臨安

辭學指南



表末聯撮其機要誠堯典十萬之言奉以周旋取武成二三之

第姜凱謝賜尚書正義謹文王安否之問敢急帥行書唐宗仁孝之詩仰

祈札賜攻魏代皇太子謝冊命既興在庭之多士同值文興將今就傳之

百男悲從隗始龍溪代嘉王謝及弟寶五典之書而為訓獲舉宏綱舉三

宗之事以戒王願禪末議西山進三朝帝紀紀周宣舞鎬之年外攘復

古按韓愈辨徐之說不戰來戎初寮賀白兔動鼓鐘於長樂何慙漢

家為壽之儀響環佩於後宮更邁唐室奉觴之禮周益公賀太上皇后生辰

視淮南之書豈但矜誇於下國聽山東之詔固當禪助於中興同上

謝翰林學士聽漢詔於山東少補中興之治布堯言於天下庶無內



表

相之慙同上事做石渠稱制仰勤於臨決才非山甫有司終愧於

將明攻魏進吏部奏讀列聖之錄諒思風烈之如存上庶事之歌所冀

明良之交勅徐子儀讀聖政篇進詩惟禮可以為國願廣晏嬰之言非道

不敢陳前竊效孟軻之敬西山謝禮部侍郎賜官錦而嘉草詔之能雖

非敢望即金鏡而擯任賢之要知所自期謝翰林學士舜裳五色慚

微裨補之長燕駿千金願廣招徠之意謝衣帶鞍馬書大事而小則

簡牘願殫緗素之勤歲名山而副在京師終冀汧青之望野處進三朝帝

紀鼎鼐養賢省已難勝於異數樽酒納約愛君期盡於愚衷山西

謝講易終篇賜宴願偕髦士稱棫樸之能官人載詠詩章思采繁之不

失職倪正父代進士謝賜射推賞君已知言榮感坐移於三舍臣當守職泰

階願獻於六符龍溪代宰臣星變謝放罪鄭衣又改為兮莫副尚賢之目禹

黻無間然矣永肩歸美之誠謝春衣使忠臣得盡其心敢忘周詩

實篚之意如羣生有以自樂願推漢詔賜帛之仁同上繼中興聖

統之編式符瑞應陋皇室維城之錄未究編摩進玉牒修長樂之

注已觀景耀之宣誦思齊之詩更侈徽音之嗣率羣卿洎宗臣

俯陋唐家之制令史官宣景耀願陳漢頌之辭賀皇太后上尊號辭學

指南

辭學

渤海賀正表曰三陽應律載肇於歲華萬壽稱觴欣逢於元會恭
惟受天之祐如日之升布治惟新順夏時而謹始卜年方永邁周
世以垂庥臣幸際明昌良深抃頌遠馳信幣用申祝聖之忱仰冀
清躬茂集履端之慶夏國賀正表曰斗柄建寅正帝朔更新之旦
葭灰飛管屬皇圖正始之初四序推先一人履慶恭惟化流中外
德被邇遐方熙律之載陽應令時而布惠克凝神於_宣奧務行政
於要荒四表無虞羣黎仰治爰鳳闕屆春之早協龍廷展賀之初
百辟稱觴用盡輸誠之意萬邦薦祉克呈獻歲之心高麗賀正表
曰帝出乎震方當遂三陽之生王次乎春所以大一統之始覆幬

之內歡慶皆均。中孚應天。大有得位。所過者化。閱衆以常新。不怒而威。覲庶邦之率服。茂對佳辰之後。備膺諸福之休。臣幸覲昌期。遠居海外。千萬歲壽考。曾莫預於臚傳。億兆人同心。但竊深於普祝。金國聞見錄

追尊皇考妣禮成。百寮奉表賀曰。聖子神孫。膺期適駿。烈考文母。正名垂鴻。為帝者之大榮。宜臣哉之胥慶。伏惟睿蘊生知。爰敦終慕。駒馳過隙。嗟日月之不我留。龍飛在天。視富貴之無以樂。欲報之德。不忘於心。故能尊其所尊。可謂孝乎。惟孝爰遵舊典。仰奉徽稱。亦既追王。宜載隆於異數。本為繼祖。非謂顧其私親。莖循周武以肆遷。事比漢宣而更異。駿奔清廟。贊大禮以告成。鷺集冊庭。對宏休而歸美。大金集禮

大定二十七年冊皇太孫賀表。璿宮敷佑。夙開甲觀之祥。寶冊正名。爰定春宮之位。載舉升儲之典。式昭繼體之光。肆嚴奉于宗祧。保永安于社稷。是謂立國家之本。有以格神祇之歡。少海分流。接瀛波而增潤。前星續耀。拱帝座以常明。和氣周被于九區。厚福延及于羣品。臣等欣逢聖運。幸覩曠儀。基緒有輝。仰重離之叶吉。戩穀未備。慶萬壽之無疆。

大金集禮

夏國進誓表曰臣國久不幸時多遇凶兩經母后之擅權累辱奸臣之竊命頻生邊患增怒上心釁端既深理訴難達幸凶黨伏誅稚躬反正遐馳懇奏陳前咎之所歸乞紹先盟果淵衷之俯納故班詔而諭意獲貢誓以輸誠謹當飭疆吏而永絕爭端戒國人而嘗遵聖化違約則凶咎再降背盟則基緒非延約束事條恭依處

分 宋史記夏國傳

高麗牋奏比年頗工建炎乞入覲表云惟有春秋之事可達意于
明庭願踰朝夕之池獲升聞于行在又問使者云金風已趣于西
成方圖平秩日脚斲違于北所適御行朝四六談麈



上親試諸道貢舉人詔賜高麗賓貢進士王彬崔罕等及第既授
以官遣還本國至是靖等使回治上表謝曰學生王彬崔罕等入
朝習業蒙恩並賜及第授將仕郎守秘書省校書郎仍放歸本國
竊以當道薦修貢奉多歷歲年蓋以上國天高遐荒海隔不獲躬
趨金闕面叩玉階唯深拱極之誠莫展來庭之禮彬罕等幼從範
繫嗟混迹於嶠夷不憚蓬飄早賓王於天邑緼袍短褐玉粒桂薪
堪憂食貧若為卒歲皇帝陛下天慈照毓海量優容豐其館穀之
資勗以藝文之業去歲高懸軒鑑大選魯儒彬罕接武澤宮敢萌
心于中鵠濫中英域空有志于羨魚陛下以其萬里辭家十年觀

國俾登名于桂籍。仍命秩于芸臺。憫其懷土之心。慰以倚門之望。別垂宸旨。令歸故鄉。元造曲成。鴻恩莫報。臣不勝感天戴聖之至。
宋史高麗傳

遼嘗欲過鴨綠江為界。樸實亮修表曰。普天之下。既莫非王土。王臣尺地之餘。何必曰我疆我理。又曰。歸汶陽之舊田。撫綏獫狁。回長沙之拙袖。并舞昌辰。遼帝覽之。寢其議。
無名氏朝鮮史畧

李資元棄官入春州清平山王累徵堅不就表曰以鳥養鳥庶無
鐘鼓之憂觀魚知魚俾遂江湖之性

朝鮮史畧

國家圖書館 NATIONAL CENTRAL LIBRARY, TAIWAN, R.O.C.



世南家嘗藏高麗國使人狀數幅乃宣和六年九月其國遣使金
紫光祿大夫檢校司空知樞密院事上在國李資德副使太中大
夫尚書禮部侍郎在國賜金紫魚袋金富輒至本朝謝恩進奉各
有四六倣中國體李之詞云跂予望之適江干之弭節亦既覲止
幸堂上之披風况飛五朶之雲特貺千金之幣禮當拜受心則愧
惶金之詞云穆如清風幸被餘光之照酌彼行潦可形將意之勤
幸被寬裕而有容敢以菲微而廢禮所塵名品別具染濡

游宦紀

聞



磁州有崔府君廟邦人嚴奉又京師北郊亦建廟中興駐蹕臨安
加封真君築祠西湖上像設尤嚴或以其神為崔子玉非也神乃
唐貞觀中相州滏陽令遷蒲州刺史有惠愛於滏陽後為磁州民
為立祠歿因葬其地本朝景祐二年七月詔曰春是靈祠本於外
服且以惠存滏邑恩結蒲人生著令猷歿司幽府案求世系雖史
逸其傳尸祝王官而民賴其福崔府君宜特封護國顯應公有司
遣官祭告然迄莫知其名字

梁漢漫志



宗澤奏請鑿輿復還京師前後數十章嘗褒諭曰舜巡四岳有歸
格藝祖之文周撫萬邦存王歸在豐之訓庸知帝王之軌範咸以
都邑為本根朕遭時多艱思世大治永懷撥亂之策不懼省方之
勞俟救寧之有期即旋復以何晚夙宵軫慮寢食不忘雖王者以
天下為家曾靡常於臨幸而臣子視人君猶父得無鬱於瞻思卿
等留居千里之畿拱扈九重之闕合數十百函之奏傾億千萬乘
之心渴聞鳴蹕之音虔舉回鑿之請備觀忠款深可嘆嘉

趙姓之

康平仲執權在揚州嘗當宗開封制以舉似及云想望夷門未泯
葱葱之佳氣頤瞻淮甸安能鬱鬱而久居四六談塵



信王遣馬擴赴行在乞兵制除信王河外兵馬副元帥制曰頃敵
國之內侵屬都城之失守逼宮闈而遠適歷險阻以備嘗肆眇躬
之續承濟多難而恢復追襲之兵繼遣勤請之使屢馳撫時序以
既周悵初心之未遂忽覽章疏之近奏始聞行役之獨留盍既言
歸竚寬遐念乃陳手足之助願効忠孝之誠慨然壯圖副朕本旨
宜就顯於臨制庶盡總于營屯以迎二聖六宮之還以慰兩河諸

鎮之望

節齋續自叙

建炎初。聶昌奉使未還。加官制云。風寒易水。嗟衆往以誰還。日遠
長安。望人來而不見。中書舍人孫覲詞也。

能改齋漫錄

孫仲益直院草黃懋和罷相制云移股肱者固非朕志作耳目者
言皆汝尤又謝吏部侍郎表云名節壞于謗讒孰聽鼠牙之訟精
神消于憂患屢驚馬尾之書四六談塵



劉廷開封人思陵中興更名誨上書自奮應募願使北庭召對稱
旨自韋布授京秩供侍從以行復命有旨擢直顯謨閣守楚州制
詞云昨將使指之光華備歷征途之險阻命分憂於凋郡併進直
於清班

揮麈三錄



朱勝非右僕射制曰朕戒懼多虞疇咨良輔維持左右緊吾二相
之協心推挽後先豈予一人之獨濟雖得賢者國之福然知人者
帝所難懲亟易之徒煩蓋嘗輕用於新進懷老成之徃效曷若登
用於舊勞爰即治朝誕揚明命具官某閎深而端亮敦大而疏通
陳平之智有餘如晦之才能斷從予初載蚤宣力於要津嘉乃一
心遂奮庸於揆路駭巨姦之竊發睨神器而敢搖獨倚精忠陰摧
元惡馴豺狼之暴而事無遺策卒銷沮於兌謀翊簾帷之政而人
莫間言旋復還於明辟成功不處巧語俄興嗟去位之累年殆謗
書之盈篋朕追原曩昔深想話言惟當軸者三旬豈遠猷之能究



爰賜環而屢命。趣舊德以來歸。再覩儀刑。益新啟沃。從容經幄。期入奉於燕間。密勿巖廊。蓋同寅於康濟。乃還升於右揆。仍兼秉於中樞。增衍封租。併隆寵渥。以慰具瞻之素。以章注意之誠。於戲謝安未起而心已繫於蒼生。蓋大臣之重輕在望。裴度既還而威復行於河朔。則朝廷之得失以人。顧予共政之賢。時乃同功之舊。庶幾茲舉。無媿前聞。其戮力於我家。俾有辭于永世。宰輔編年錄

朱勝非丁母憂執喪居廬上遣使奪哀強起之三辭不獲王人踵至賜詔有曰念同心相與而共吾事惟二三臣闕一不可卿遠朕躬而失左右手又曰朕方興復是圖蓋一切當用權以有濟卿既安危所繫何三年不從政之可言勝非辭愈切及叙本朝典故屬同列開陳上曰匪卿疇克任者虛府以待又賜親筆詔曰卿罹私艱已踰卒哭之制且朕待卿為政奚翅三秋耶蓋恩由義斷情以禮奪古所然也况情成命已故人情昏悅卿無濡滯以拂朕心勝非得詔皇恐不敢辭上命督促甚至不得已而造朝面陳皆不許即乞歸第見賓客衣黎黑紫袍皂鞋帶從之雖居外治事而還家

哀毀盡執喪之禮遺史

朱勝非復拜宰相制詞有曰懲孟易之徒煩。蓋嘗輕用於新進。懷老成之往効。曷若登庸於舊勞。又曰馴豺狼之暴而事無遺策。卒銷沮於克謀。翊簾幃之政而人靡間言。旋復還於明辟。復比之謝安心繫於蒼生。裴度威行於河朔。皆上授旨也。三朝北盟會編

呂頤浩左僕射制曰朕。天而興聖緒。兼創業守文之所難。論相以恢遠圖。攬善謀能斷而並用。載念舊人之共政。無喻著節之老臣。揚于王庭。授以魁柄。具官某。挺剛明之度。函英果之姿。識每豫於造微。才自優於任重。申伯作翰。實維嶽崧之神。太公秉旄。遂應渭濱之兆。向輯勤王之畧。最先戡難之勳。妖氛盡掃於紫微。義馭復行於黃道。神器既正。大猷乃經。獨秉國鈞。安危並深於注意。外綏戎律。文武兼備於憲邦。比勤宣室之思。適趣介圭之覲。論帝王之秘策。既深契於朕心。章祖宗之極功。當聿求於元宰。竊歎省方之久。未知定鼎之期。任棟愈艱。籌帷加謹。惟幾深以成務。何用不

臧惟審固以定謀乃終有慶粵茲壽俊實易多盤還正位於東臺
仍晉官於亞保理陰陽而遂萬物舊釐冢宰之成亮天地以弼一
人肇拜二公之典併敦井賦用峻巖瞻於戲陳平智有餘而安劉
寄於周勃宋璟善持正而應變專於姚崇是皆同心而濟謀無嫌
比德以贊事益成大烈罔愧前猷

席益詞 卷之十 補傳 年錄

靖康之亂柔福帝姬隨北狩建炎四年有女子詣闕稱為柔福詔
遣老宮人視之其貌良是問以宮禁舊事畧能言彷彿但以足長
大疑之女子顰蹙曰金人驅迫如牛羊跣足行萬里寧復故態哉
上惻然不疑其詐即詔入宮授福國長公主下降高世榮汪龍溪
行制詞云彭城方急魯元嘗困於面馳江左既興益壽宜充於禁
鸞資粧一萬八千緡紹興十二年顯仁太后回鑾言柔福死久矣
始知其詐執付詔獄乃一女巫也

鶴林玉露

建炎旌褒死事之臣。贈李邈節度使制曰。朕思復艱難之業。永懷
將帥之臣。禁暴安民。雖未成。衛社稷之效。忘軀殉國。庶幾得死。封
疆之臣。又曰。方敵師之入塞。當孔道之雄藩。藐無唇齒之依。坐失
金湯之固。拘原方力。屍褻莫還。不貽隴右之羞。迄並睢陽之操。
中

興遺史

楊邦乂忠襄公吉水人建炎三年除建康倅建康陷不降遇害贈直祕閣立廟建康告詞略曰懦夫偷生名不稱於沒世烈士砥節死有重於泰山以爾梟質剛方值時艱厄介胄之士望風而速奔城郭之臣蒙恥以求活爾能明事君之義抗死職之忠綽有張御史之風無愧顏常山之節云云紹興七年加褒贈徽制告詞略曰故忠襄公云云方戎馬之絕江以貳車而捍敵守既屈膝脅衆士以偕降爾獨挺身嬰孤城而益厲抗彼虎狼之衆奮乎鋒鏑之間罵不絕音死而後已朕方規復土宇進幸江濱覽萬里之山川考累朝之人物捨生取義如汝幾人故老興悲有歎息而談者英風



激懦思奮迅以後之顧廟貌之具存凜精爽之如在雖已加於贈
卹念未究於哀榮爰陞次對之聯用彰仁者之勇九原可作其隨
會之與歸千載猶生歎相生如之不已宋名臣言行錄

再贈太保告詞畧曰昔在燕山之後每忤權臣至於靖康之初首
陳善訃謀既沮於和議功莫遂於戰成飲恨而終昌言猶在太常
謚議忠憲以心篤國家之念材兼文武之資也折彥質撰种師道
行狀

紹興元年有旨宇文虛中奉使日久守節不屈令福州賜錢千緡
且令守臣存恤家屬常因遣使以金帛團茶賜制曰男子有四方
之志夙屬于遠圖行人道二國之言久勤于將命肆頒渥澤用侈
光華卿頃以才猷常登樞近抗使旌於萬里不憚勤勞留異域者
十年益昭忠信念其良勤宜有褒嘉錫以兼金賁之束帛加織文
之織繳分異蒞之甘芳特示殊私式將厚意每懷靡及方賴于咨
謀有功見知尚期於來諭

三朝北盟會編

秦檜右僕射制曰君臣相須成體股肱良而元首乃尊政事要在
得人紀綱張而衆條乃舉朕遴選賢佐協圖治功孰膺名世之期
我得爽邦之俊肆盼大號用詔群工具官某才博而周氣剛以大
出處行藏皆合乎道死生禍福不移其心謀國盡忠常若著龜之
先見捐身挺節獨如松柏之後凋堂堂真社稷之臣奕奕蓋廟堂
之器昨疇人望叅知政機惟獻替之日陳殆弼諧之大授定策而
安劉氏素聞周勃之賢矢謨而翊舜朝終賴咎繇之德是用擢登
公輔實首中台廣井邑之提封增賦租之奠食肇開侯社併峻文
階以明論相之公以輔用賢之慶於戲君不借才於異代所資當

世之豪英天將降任於是人必付終身之勲業朕固兼收於群策
汝其勿棄於分陰往恢厥圖宰相予治

汪藻

東宰輔編年錄

紹興二年秦會之罷右僕射制略云自說得權而舉事當聳動于
四方逮茲居位以陳謀首建明於二策罔燭厥理殊乖素期又云
予奪在我豈云去朋黨之難終始待卿斯無負君臣之義此綦叔
厚之文褫職告詞云聳動四方之聽朕志為移建明二策之謀爾
材可見謝任伯之文也綦謝姻家也秦大憾之

王明清揮麈後錄

鄒浩追復龍圖閣待制崇禮當行詞推帝所以褒恤遺直之意有
曰。處心不欺。養氣至大。言期寤意。引裾嘗犯於雷霆。計不顧身。去
國再遷於嶺。繳羣臣動色。志士傾心。又曰。英爽不。忘。想生氣之猶
在。奸諛已死。知朽骨之尚寒。同列推重。

宗史纂崇禮本傳

曲端死陝西軍士皆流涕悵恨有叛去者尋詔復端宣州觀察使
制曰頃失意於權臣卒下獄而遣死恩莫追於三宥人將贖以百
身其後又詔謚端壯愍制曰屬委任之非人致刑誅之橫被興言
及此流涕何追

案讀此二制張魏
殆難為情矣

齊東野語

卷一

婁公神道碑九月明堂為禮儀使前導趨拜如少壯然賜生餼詔
曰九秋風露之清。裛時英氣。三吳山水之秀。生我耆儒。四上告老
之章。詔曰太公既老。猶起海濱。留侯雖病。強輔太子。公弗敢復言。
孟冬分詣原廟。疾又大作。求歸尤切。上猶未許。方形詔旨云。年雖
耄矣。初未聞知慮之昏。志方浩然。亦未見精神之憊。公復敘四說
以進。懇請不已。除資政殿學士知福州。攻媿集

紹興五年太常寺申檢紹興五年十一月四日指揮照得故知鄧
州權京西安撫使贈大中大夫劉汲係守臣戰沒應得上項指揮
正月三十日奉聖旨特與賜謚施行本寺今欲擬謚二月二十九
日奉勅以孤壘抗方張之氣義弗圖存示本朝有仗節之臣死為
不朽敬狗易名之請因宏厲俗之規具官劉汲奧學決科誠心事
上值奸回之惡直遭排擯而自如賜環於靖康更化之初分間於
建炎再造之日屬茲穰守正扼賊衝衆避敵以苟全獨舍生而狗
難髮歸若動尚想常山之威皆裂大呼不愧睢陽之戰哀百身而
奚贖節壹惠以表尊慮國為忠捐軀曰介冀英魂之如在敬卹寵

之不忘。可特賜謚忠介。中興遺史

陳東歐陽澈既贈官汪伯彥遂落職制曰朕痛念建炎之初政實
虧從諫之令名俯仰八年寤寐永歎比下責躬之詔敢為歸咎之
文而論者謂汝專宥密之司實任仰成之寄汝言汝聽汝弼汝從
宜思廣朕之聰何卹庶人之議使人主蒙拒諫之謗而朝廷污殺
士之名仰覲君親何施面目朕覽人言而惕若撫往事以何追罪
固在於朕躬詎難寬於爾責蓋東澈書頗攻黃汪為黃汪者正當
上震怒未解宜叩頭請免二子上倘不從以去為期則二子必不
至東市矣當時諫臣亦有不與汪黃分其責者

葉紹翁四朝

聞見錄

紹興己未金人歸我侵疆。曲赦新復州縣。赦文曰：上穹開悔禍之期，大金報許和之約，割河南之境土，歸我輿圖。戢宇內之干戈，用全民命。兀朮讀之以謂不歸德。其國明年遂指為釁，以起兵復陷。而有其地。後二年和議成，秦檜以孽子燬及其黨，程克俊補螯。故其文曰：上穹悔禍，副生靈願治之心。大國行仁，遂子道事親之孝。可謂非常之盛事。敢忘莫報之深恩。而况申遣使，輶許敦盟好。來存沒者萬餘里，慰契濶者十六年。禮備送終，天祐固陵之吉壤。志伸就養，日承長樂之慈顏。

程史

少保左僕射秦檜加大師制曰三公論道莫隆帝者之師一德格
天乃大賢人之業。曠時真宰。為世宗臣。事有至難。收成功於指顧。
人無遠慮。獨克定於規摹。力輔眇躬。通誠大國。荷上天之後欲。成
愛孝以事親。悉出贊襄。宜崇褒陟。爰正久虛之位。用告大昕之朝。
具官秦檜。碩大而光明。忠肅而恭懿。心潛于聖。有孟軻命世之
道。致其君。負伊尹覺民之任。早中異科。之目。旋躋要路。之津。節義
著於艱難。正程嬰存趙孤之比。平生仗於忠信。見子卿持漢節而
還。亟登次輔之聯。再執元台之柄。險夷一致。首尾七年。謀皆同予。
國無異政。歸兵權而營屯自肅。定浮議而反側以安。廟算無遺。固

衆人之所不識。征車遠狩。惟君子以為必歸。蓋信既結而情通。則恩必賜而欲得。龍輻來返。視西洛以寓永固之靈。駟馭惟迎。肅東朝以極慈寧之養。庶事備矣。厥功茂焉。宜進大名之封。寵拜維垣之貴。併加圭食。增重鈞衡。彌聳具瞻。式昭深眷。於戲。呂望尚父。西伯之業所以成。周公為師。成王之勲所以集。永惟耆德。毋愧前人。其祇邦休。以副朕命。

程元俊詞

宰輔編年錄

紹興復疆除兩京留守孟庾西京路允迪南京旋坐失守皆貶責後追復官職適當草制孟曰屬關中之事初有望於蕭公棄河上之師尚何尤於高克路曰惟睢水之遺忠始焉有愧比李陵之失節終則為多。

周輝清波別志

中央圖書館
CENTRAL LIBRARY, TAIWAN, R.O.C.
紹興十年五月十一日內降詔曰恭惟徽宗皇帝躬天縱之睿資
輔以日就之聖學因而制治修禮樂恢學校發揮典墳緝熙治具
宸章奎畫發為晞令著在簡編者煥乎若三辰之文麗天垂光賁
飾羣物何以詒謨立教作則萬世殆與詩書相表裏將建層閣以
嚴寶箴用傳示於永久其閣恭以敷文為名祇迺舊章宜置學士
直學士待制直閣以次列職備西清之咨訪為儒學之華寵其著
於今珂謹案典故凡建閣降詔必著閣之所以名龍圖天章寶文
乃太宗真宗仁宗在御時所建固無詔書可考而天聖八年十月
天章置待制之詔有曰真宗皇帝燁赤景炎丕隆寶構凡資禮樂

之用積成辰象之文俯近禁楹創崇層閣治平四年五月二十八日寶文建官之詔亦曰仁祖升遐先皇纂御首命近列論次遺文鈿軸寶函未終潘錄白雲紫氣遽遂上賓今告畢又甫將安奉則天章寶文四字具見於詔文矣建中靖國元年二月九日改顯謨為熙明閣詔曰神宗皇帝神心經緯聖學緝熙百度維新備矣有周之庶事四方其訓巍乎堯帝之成功言則為文昭如雲漢寶之垂世炳若丹青則熙明之意章大觀二年二月十三日建徽猷閣詔曰哲宗皇帝英文睿武沈潛無方事天治人彰善殫惡訓迪在位攘卻四夷號令指揮若揭日月蓋自親覽庶政一話一言罔不

儀式刑神考之典故緝熙紹復著在簡編與熙寧元豐之所行相為終始在詩有之君子有徽猷其哲宗閣以徽猷為名則徽猷之義尤著自是而下如煥章建閣淳熙十五年十一月九日之詔有曰載稽帝世之隆無越堯章之煥華文建閣慶元二年五月十五日之詔有曰華協堯章之煥文光舜哲之明寶謨建閣嘉泰元年十一月十二日之詔有曰寶列義圖之祕謨新禹蹟之承蔽之一言皆可即見坦明之制固應如此還考敷文則皆隱其義而無其辭固已疑一時之詞臣述作之未工及考趙彥衛雲麓漫鈔曰徽宗書閣曰敷文取帝乃誕敷文德於兩階七旬有苗格以寓譏誚

其刻薄而不遜如此是時秦檜當國正與珂前所書五字定制者
同再三反覆互考其無君之心蓋尤不可不誅焉

愧郊錄

哲宗實錄成趙鼎遷僕射本中草制有曰合晉楚之成不若尊王
而賤霸散牛李之黨未如明是以去非檜大怒言于上曰本中受
鼎風旨伺和議不成為脫身之計風御史蕭振劾罷之

王維儉宋

史呂本中傳

秦檜當國鄭驥之親屬為檜客驥以死節贈通議大夫猶以為未
足為錄其叱罵不金人之節加贈樞密直學士制曰往者人習治安
士喪廉耻遭時分變坐視傾危盖平日詭隨罔知尊主庇民之道
故臨事警懼宜無仗節死難之人朕承多難每為永歎倘聞義烈
豈無褒揚其官鄭驥稟性剛明守身端靖始將使指旋剖郡符迨
強敵之橫侵能嬰城而自固旁無應援迄以陷亡蹈白刃之在前
叱羣克之愈厲雖加卹典未慰忠魂載頒渙渥之恩增賁宥密之
職靈分英爽歆此寵榮後又請謚曰威愍

中興遺史

紹興曲赦福建本翟公巽為承旨當制翟入參綦叔厚直院當制
遂用其文其曰朕臨朝不怡視古太息者是也

四六談塵



王日嚴曠為少蓬權直禁林草秦會之加恩制取熊升雅啓一聯
入詞中云大風動地不移存趙之心白刃在前獨奮安劉之畧翌
日除禮部侍郎出王仲言揮塵後錄按中興玉堂制草此紹興二十年五月
秦會之提舉玉牒進高宗中興聖統加恩制也時日嚴以右史直
北扉實當此制二十一年四月日嚴乃遣儀曹貳卿仲言誤記

韓世忠罷樞密使制曰進則顯密席之崇。允賴威名之重。退而處
殊庭之秩。蓋從偃息之休。眷君勲賢。勞於事任。茲力祈於閭佚。其
寵渙於恩褒。爰造治朝。誕敷明命。具官韓世忠。忠懷亢烈。風槩沈
雄。偉然一世之英。凜有萬夫之望。陳軍謨而訓旅。勇且知方。持師
律以臨戎。多而益辨。自歷艱虞之險。備殫攻守之勤。勲在王家。爛
若旂常之紀。威行夷裔。烈如雷電之馳。比繇外閫之嚴。入幹鴻樞
之柄。予深注意。日觀前箸之籌。敵六聳聞。固已側席而坐。何忽陳
於悃愾。願即遂於燕申。謂收身於百戰之餘。難復縻以萬微之務。
異黃樞之得謝。追赤松而與遊。載嘉止足之風。固宜滋欲。獨念倚

毗之久。弗忍遐遺。是用升帝傅之峻班。還將壇之疊組。乃冠靈臺之飾。併增井食之封。俾諧就第之榮。不廢造朝之禮。有蕃命數。式侈寵光。於戲。知臣下勤勞。朕尚迪寬洪之度。以功名終始。爾克遵明哲之規。雖出處之或殊。寔安危之並倚。勿云失位。不我告猷。

宰輔編年錄

秦檜遺表略曰。伏念臣早緣末學。奮自諸生。當見危致命之秋。守策名委質之分。畫疆之遣。元樞飛掩執之符。存趙之陳。具僚奉懲斷之指。倉皇去國。奔走從君。衣冠不變於中華。覲會自安於常度。雖歷九死。其無悔猶一言。而可興草微廟之尺書。破偽齊之三策。身屈營窟。心在周行。洎浮海以言旋。舉同朝而趣異。下石而擠者。紛至。奉身而退者。累年。荷上聖之深知。排羣疑而復用。延登右揆。峻陟維垣。專兼任於鈞衡。奉疇咨於帷幄。入而告后。玉音嘗許其無心。出則稱君。輿論共推於得體。上遵成算。復建中興。云云。伏望皇帝陛下。惟新盛德。謹保清躬。萬壽無疆。長奉東朝之養。五兵

不試水居北極之尊益堅隣國之歡盟深思宗社之大計謹國是
之搖動杜邪黨之窺覷以治亂為著龜以賢才為羽翼事有未形
而宜戒言或逆耳而可從緩刑乃得衆之方訓本乃富民之術凡
此數端悉留聖念史遺

宰輔編年錄

秦會之丞相卒魏道弼作叅政委任頗專且大拜矣翰苑欲先作
白麻又不能辦假手於士人陳豐豐以其姓魏遂以晉絳和戎對
鄭公論諫久之道弼出典藩而沈守約万俟元忠並拜左右揆翰
苑者倉猝取豐所作制以與沈公而忘易晉絳鄭公之語

陸游老

學菴筆記

王卿月為澹庵制云吾寧身蹈東海獨仲連不肯帝秦至今名重
泰山微相如何以強趙困學紀聞

國家圖書館 NATIONAL CENTRAL LIBRARY, TAIWAN, R.O.C.



顯仁太后龍輜將渡會稽上聖孝出於天性預恐風濤為孽遙於
宮中默禱忠清廟及篙御既戒浪平如度上命詞臣行制詞以封
之曰追惟文母將祔裕陵閔殿告成容車將發奈以大江之阻具
形羣辟之憂既竭予誠亟孚神聽某王一節甚偉千古如存帖然
風濤既賴幽冥之相煥乎天寵用昭崇極之恩尚綏予四方之民
以綿爾百世之祀可特封忠壯英烈威顯王盖于舊號四字上加

忠壯二字

四朝聞見錄

周望除簽書樞密制詞曰腹心留侯高祖肇基於有漢文武吉甫
宣王復振于宗周夫非躬百世之全材何以濟中興之遠業賢者
登用國其庶幾望何以當此

中興遺史

國家圖書館 NATIONAL CENTRAL LIBRARY, TAIWAN, R.O.C.

王德以功遷興寧軍承宣使龍神衛四廂都指揮使制有之曰智
勇自見。屢收不戰之功。果毅敢前。如踐無人之境。德甚慰悅。三朝
北盟會編

陳去非草故相義陽公起復制云眷予次輔方宅大憂有以宅憂
為言者令貼麻陳改云方服私艱說者又以為語忌王初寮草鄭
華陽持餘服麻云惟君臣相與之際當諒乃心顧忠孝兩全之難
重違所請四六談塵



汪彥章草赦書敘軍興征歛其詞云八世祖宗之澤豈汝能忘一
時社稷之憂非予獲已最為精當人以比陸宣公興元赦書然議
者謂自太祖至哲宗方七世若并道君數之又不應曰祖宗彥章
亦悔之信乎文之難也

老學菴筆記

高宗敕常德府官吏軍民僧道耆老曰朕以為國宗英相予郊祀
克同寅而竣事爰易鎮以增奮眷惟常德之邦邈在重湖之北載
更齋鉞已錫言綸凡爾軍民迨夫吏士聳聞成命諒溢驩心此則
紹興三十六年高宗皇帝皇子普安郡王為本軍節度使敕也 四

朝聞見錄

席叅政大先作嗣安定制頌太祖曰爾惟元孫予曰伯父其謝潭
帥表云暴揚之惡初過於共兇播告之詞忽聞於方名四六談塵

國家圖書館 NATIONAL CENTRAL LIBRARY, TAIWAN, R.O.C.

紹興辛巳金亮渝盟有上封者言吾方得歲詔以問太史考步如
言陳文正康伯當國請以著之親征詔書故其詞有曰歲星臨於
吳分奠成泚水之勳鬥士倍於晉師當決韓原之勝蓋指此

程史



金亮窺江劉錡已病亦同扞禦未幾亮殲錡亦殂特贈太尉周益
公行詞云岑彭殞而公孫亡諸葛死而仲達走雖成功有命皆莫
究於生前而遺烈在人可徐觀於身後讀者服其的切

鶴林玉露



宰相未倬視師回至平江洪遵景嚴為守以求入為禱及將內禪
陳康伯奏書詔方岳翰林獨員洪遵在近欲召之倬惡非已出不
可上卒召遵時競傳覃需在學生員皆免解倬子端厚嘗肄業既
蔭補矣頗欲並緣在學人例竄名其間張震真父庶得其事疏中
言之遂罷相景嚴適當制有云為君子邦家之基曾未聞於成效
有元良天下之本乃欲冀於疇庸

齊東野語

汪聖錫代言溫雅朱文公推許之有玉山詞章如賜四川宣撫虞
允文辭名命不允詔云惟汝一德既咨裴度而往釐于今三年復
念周公之久外賜知紹興府史浩乞宮觀養不允詔云尸茲東夏
非徒畫錦之榮循彼南陔蓋便晨羞之養賜陳俊卿辭左相不允
詔云應事幾之糾紛大車以載閱世俗之變化直道而行民具爾
瞻已公論之胥慶帝賚予弼豈寵章之敢私賜虞允文辭右相不
允詔云以夢營求孰若驗事功之已試以言寤合孰若察志節之
所安賜大將成閔復節鉞詔云不以一青掩大德既當念功安得
壯士守四方豈若求舊除郭振節度使制云不顯亦世尚繼汾陽

之休。無競維人。孰云克國之老。皆可喜也。
鶴林玉露

△李顯忠復節鉞汪聖錫草制云。念秦伯用孟明之意。與馮唐面文
帝之言。又云。與人之周。庶幾得頗。牧而能用。共武之服。爾其繼英
衛之善兵。
因學紀聞

孝宗受禪赦文云凡今者發政施仁之目皆得之間安視膳之餘
天下誦之洪景嚴筆也

姚寬殘語

國家圖書館 NATIONAL CENTRAL LIBRARY, TAIWAN, R.O.C.

陳康伯罷相制曰輔相股肱於元首身久佩於安危帝王體貌於大臣誼必隆於進退眷我家司之老懇辭魁柄之榮既莫遠於挽留宜有加於寵秩肆盼明命誕告治朝具官某學貫天人周經綿中和自稟言有物而行有常度量難名澄不清而撓不濁爰登揆路五閔歲華當國家多事之時專廟廊萬微之寄雍容鎮俗談笑折衝道蕩蕩以遵王無有作惡心休休而樂善其如有容邦政弗愆物情交附惟予一人纂承之慶本太上皇付託之誠能將順以輸忠實贊襄之有助心如金石勲在旂常朕方委任而責成爾亦勤勞而匪懈久煩機務累抗封章丁寧諭旨而莫回偃倭陳詞



而愈固。式揚典冊，俾解鈞衡。亞保升華，煥衮衣於左棘。鴻儒列職，
冠書殿於西清。進公社於新邦，分使符於故里。載疇井邑，併衍圭
腴。於戲功名，克保於始終。古今所重，出處暫均。於勞逸中外，何殊
其思注意之深。勿替告猷之舊。東宰輔編年錄

乾道丁亥十一月二日冬至郊祀有風雷之變宰相葉頤魏杞皆
策免洪邁當制有曰理陰陽而遂萬物所嗟論道之非因災異而
策三公實負在天之愧。齊東野語

史浩右僕射制曰朕欽奉聖謨。惕臨初政。人主之職。論相念圖。任之惟艱。大臣以道事君。豈登庸之可後。眷予賢佐。久穆政塗。宜陞次輔之聯。誕播明廷之號。具官某。高明而端亮。寬裕而直方。學窮聖道之微。損益可知於百世。識周天下之務。文武為憲於萬邦。蚤由顓俊之公。夙有濟時之望。資爾耆德。傳我潛藩。王求多聞。舊服盤庚之學。帝賚予弼。有若傳說之賢。茲嗣守於慶基。亟入參於機務。以心膂之臣。而任之勿貳。竭股肱之力。而知無不為。一新萬化之原。寔格九功之叙。肆稽民譽。其遂相予。仍兼樞筦之司。大啟封侯之宇。崇階增峻。多戶申陪。惟眷倚之益隆。顧責成之彌重。於

戲予欲循堯道而致時雍之化。爾其迪百志之熙。予欲廣文聲而
卒外攘之功。爾其贊五兵之運。同蕭何之心而安四海。守宋璟之
文而佐中興。時乃之休。副朕所望。東宰輔編年錄

崔大雅草史直翁制云皇祐之詔二老設几以須熙寧之遇四臣
齋書而訪尚有斯禮勿遐爾心

原注二老杜衍任
書四臣韓富文曾

困學紀聞

文忠四六近世所未見如史相服闋加官制詞云素冠纓纓方畢
三年之制赤舄几几爰新百揆之瞻又謂史相云陳平之智有餘
蕭相之功第一戒詞云天難謀斯當無忘惟幾惟康之戒民亦勞
止其共圖既庶既富之功撫諭江西寇曲赦詔其中一二聯云自
有乾坤至於今日未聞盜賊可以全軀又曰弄潢池之兵諒非爾
志焚崑岡之玉亦豈予心又行永陽郡王制詞云若時懿屬可限
彝章其登公朝位棘之尊仍疏王社苴茅之賞蓋文忠既入剡廟
堂謂二恩恐不可得而兼故致微詞云

四朝聞見錄

乾道六年初議於太上皇帝尊號中加憲天體道四字皇后加慈
明^二字必大草詔云太上皇帝與天同大體道之宗太上皇后如
月之明以慈為寶蓋取文義之順耳將宣布而議者謂天聖二年
賜太宗女申國大長公主謚曰慈明當避於是改用明慈^一字字
執云詔書先明而後慈蓋^{一作}始^{一作}默定也 玉堂雜記

周益公擬加上尊號詔其頌太上皇帝云以德行仁本性誠之固
有脩文偃武合經緯之自然太上皇后云月齊日以得天而能久
照坤順乾而配地是以廣生上再三稱獎謂數句用經語該括明
滿非卿不能為真大手筆也

辭學指南



岳鵬舉征羣盜過廬陵託宿廛市質明為主人汛掃門宇洗滌盆
盜而去郡守供帳餞別于郊師行將絕謁未得通問大將軍何在
斃者曰已雜徧裨去矣其嚴肅如此真可謂中興諸將第一周洪
道為追復制詞有云事上以忠至不嫌於辰告行師有律幾不犯
於秋毫蓋實錄也辰告者謂岳嘗上疏請建儲云

齊東野語

乾道九年六月七日宣當直學士草南郊御劄三更進草其間云
乾清坤夷振四方之綱紀星輝海潤兆百世之本支玉卮每奉於
親闈瑞節歲郊於鄰境上改作農扈屢豐戎軒載戢崇禮樂而四
達嘉風俗而再淳玉卮每奉於親闈美化遂淳於海宇仍批云可
改蓋抹者五句意不近于郊祀其欲得體大率如此

周必大玉堂

雜記

淳熙十三年在翰苑作賜安南國王朔日詔云茲履夏正載頒漢
朔書夏正為周正院吏以呈宰執周益公見而摘其誤吏還以告
蓋語順意同一時不自覺也 容齋四筆

直學士院湯公思退以禮部侍郎知貢舉時百官多闕大抵一人
兼數職凡進士出身皆入試闈獨留監察御史王公綸蓋備拆號
也內制既闕官遂降旨暫權適草劉統儀進位貴犯制太上稱其
有典詰體潤筆殆萬緒賜硯尤奇秦丞相不樂遭論列而去秦薨
召還掌內外制知樞密院事垂相而病除大資政留守金陵即其
鄉也未第時兄弟就食府庠至是人以為榮尋卒官予嘗草其致
仕制云少則歌鹿鳴而薦於鄉老則釋麟符而居其里考昔人而
或有在近世以幾希

玉堂雜記

史浩右丞相制曰朕儀圖俊傑。勩相邦家。受命溥將。協濟藝祖興王之業。治民祇懼。共恢光堯復古之勳。念弄印者累年。嘗命龜而載卜。人惟求舊。既朕志之素孚。民具爾瞻。亦物情之衆允。渙以大號。揚於外朝。具官某道廣而智周。才宏而德備。經綸之蘊。蚤自許於功名。寬裕之懷。時莫窺其器量。東學翼天飛之運。中階符帝賚之祥。自弼亮於初元。即宣昭於美業。敬王如孟子非仁義不陳於前。告后若君陳有謀猷。乃順於外方。叅和於鼎飪。旋力解於機衡。比趣召環。進陪經幄。姪公邁。返初無四國之言。裴度求歸。尚使兩河之畏。屬宵旰勵精之日。適辨章虛席之時。宜續前功。再膺大任。



易零陵之舊壤。啟淇水之新封。增衍土田。併隆體貌。惟任之不
輕。則望之彌重。惟始之不易。則終之實難。予其仰成人。且觀政於
戲。兆姓輯於下。然後可以調陰陽。四維張於朝。然後可以正法度。
堅忠實之志。則不革。絕親黨之私。則除授罔不公。使真
枕如淳化。端拱之間。而迓衡如至和。皇祐之際。庶益光於舊學。斯
無負於殊知。東宰輔編年錄

史浩既素主棄地及拜相亟行之且親為詔有曰棄雞肋之無多
免狼心之未已。宋史虞允文傳

張蘊古為朝議大夫令使金求和僚吏力止之以為不可乃奏乞
致仕又乞遣使求和孝宗怒曰方敗而求和是何舉措於是下詔
罪已有云朕明不足以見萬里之情智不足以擇三軍之帥號令
既乖進退失律又云素服而哭殺陵之師敢廢穆公之誓嘗膽而
雪會稽之耻當懷句踐之圖

周憲齋東野語

淳熙丙申八月乙未都堂名議賜交趾詔書予謂李天祥去冬已薨龍翰未經封拜欲作安南國王嗣子龍翰執政然之先是予以兵部職事上言天祥贈典按故事其王初立即封交趾郡王久之進南平王死則贈侍中南越王上以天祥自紹興丁巳嗣位今四十年淳熙元年二月又自南平王特封安南國王故欲厚其禮予請仍贈侍中追封南越國王詔可之安南為國蓋曹丞相之失聞奏章行移舊止稱安南道加封之後浸自尊大文書稱國不復可改丁酉三月二十四日制授龍翰靜海軍節度觀察處置等使特進檢校太尉兼御史大夫上柱國安南國王食邑三千戶寔封壹

阡戶仍賜推誠順化功臣予適當制其云即樂國以肇封既從世襲極真王而錫命何待次升蓋言不封郡王也

玉堂雜記

淳熙己亥三月辛未上行明堂前四日皆大雨晝夜傾注通衢殆如溪澗有旨來早不乘玉輅止用逍遙車徑入北門趨文德殿致齋朝服導駕官皆改常服應儀伏排立人並放趙相為大禮使密諭有司未得放散黃昏後雨驟止夜分內侍李思恭傳旨御史臺閤門太常寺仍舊乘玉輅府合行事件即速施行庚午昧爽駕來登輅必大執綏上喜曰且得晴霽辛未行禮月色如晝上拜起不倦以迄於成黎明登樓肆赦簪花過德壽宮人情熙然赦書乃必大視草其間云惟周成宗祀洛中陟配於文王惟漢武合祠汶上推嚴於高帝皆用親郊之禮具殫尊祖之誠於鑠本朝若稽前代

倣經路寢。有皇祐之彛儀。徧秩羣神。有紹興之近制。不愆於素。可舉而行。蓋欲明著古禮。以示來世也。後數日。加恩羣臣。必大復草。趙相制云。裸將太宮。霖潦驟霽。陞恪大寢。月華正中。又云。鎮定大事。如彥博之恢宏。貫通羣經。如宗庠之博洽。皆紀一時之事。且以仁宗初行明堂。二公實為相也。玉堂雜記

洪适罷右僕射制曰。輔相任股肱之寄。身常係於重輕。帝王隆體貌之恩。義必全於始終。睠惟端揆。茲解繁機。爰敷制綽之嚴。用亶廷紳之衆。具官某。性資雋敏。心術通明。智略湊前。綽有論思之美。辭章華國。形乎播告之修。自密簡於朕知。幾立登於要路。亟升樞筓。旋秉國成。方本朝循名責實之秋。蓋大臣同心輔政之日。奮庸熙載。獨膺亮采之求。當軸處中。正倚調元之助。何未凝於懿績。遽有嘖於煩言。既簡劾之存存聞。亦囊封之屢貢。是用釋鈞衡之重任。仍休宥密之繁。通書殿之崇班。俾遠真祠之佚。式遵彛矩。庸表殊私。於戲。后德惟臣不德。惟臣朕敢輕於注意。進人以禮。退人以禮。

爾宜體於眷懷思勉令猷往祇明命

宋宰輔編年錄

公當制吳環少師致仕贈永安郡王公以孟忠厚乃隆祐親弟又
號勲舊吳為憲聖猶子恐難用孟例亦用劄申廟堂時相憚其由
中旨以出遂亟以劄繳入從之祇命草致仕制末篇二句云今其
往矣寧不盡然先以制示攻媿樓公公稱善但以筆易往字為歸
盡字為倦文忠親出示予云吳蓋致仕也不應用往與盡字前輩
一字不苟如此 四朝聞見錄

子昂

野處草梁叔子制云鼎學子昂之大稱盖用劉禹錫天平軍壁記以
牙璋玉節鼎右僕射官稱之語又草葉子昂左相制云學聖人之道
高天下以聲或云葉語音高故以戲之然矜人臣以能高天下以
聲史記謂殷紂也不當用之王言困學紀聞



常子正同作先公再致政詞云熟本朝之故事追聞正始之風迎
代邸而清宮獨奉渭橋之謁屬對似少偏 四六談塵

國家圖書館 NATIONAL CENTRAL LIBRARY, TAIWAN, R.O.C.

虞允文罷左丞相制曰保王躬而式百辟爰推上宰之功紹大業而綏四方正賴元臣之助眷言特傑久秉國鈞宣勞既積於我家求去願還於相紱宜加隆委就錫優恩誼告大廷敷為茂命其官某高風鎮物奧學潛神謀謨具合於著龜誠信自期於金石式疇瞻知寢陟顯途方為言語之官已蒞師干之事曩江干之開釁窺重險以馮陵煽褻象以滔天締妖氛而貫日彼兇匪茹斷流正擬於投鞭我道有光制命殆同於折箠坐失羣雄之七筈居成萬里之金湯泰階于以告平鼎鉉為之增重永言忠壯厥有本原遂持樞宥之權即奉岷梁之使器與名竝位由德躋贊法座之懿綱實

相以濟。翊岩廊之景化。有功見知。方觀績用之優。乃上封章之劾。重違其請。實難輟於弼諧。庸聽其歸。蓋雅資於綏撫。是用錫榮名於孤保。寵鉅鎮之節旌。以昭左棘之華。以大中軍之制。胙之成國。行以爰田。為六十州晏繁之基。啓八百國典隆之勢。於戲陳平畫護。漢家倚以差強。李靖一行。唐室於焉大競。勉迪徽數。用恢遠圖。

宋宰輔編年錄

光宗內禪詔書鑰所草也。有云。雖喪紀自行於宮中。而禮文難示於天下。薦紳傳誦之。
宋史樓鑰傳

倪正父草壽皇尊號制云率百官若帝之初丕講非常之禮於萬
年受天之祐聿迎滋至之休周益公辭免表云遜于芟伯與敢
忘稽首有若號叔閔天尚助迪威正父答詔云芟伯與固可遜
未聞虞帝之必從號叔閔天雖曰賢蓋視周公而不及

困學紀聞



淳熙二年十一月詔太上皇帝聖壽無疆新歲七十用十一月冬至加上尊號冊寶十二月十七日立春行慶壽禮是日早文武百僚並簪花赴文德殿立班聽宣慶壽赦赦文太極之功不宰其可贊者兩儀之生大明之照無疆所能推者千載之至欽惟聖父誕保我家二百餘載而中天定神器於歌側艱虞之始三十六年而宅位授朕師於康強暇豫之時上穹綿有永之年下土洽無為之化興言菲質日侍慈顏竭幅員之富而未足伸至養之誠極尊美之稱而未足表難名之德茲載新於歲律庸展慶於耆齡前殿奉卮企高皇而踵武大安進膳邁貞觀之彌文鏘金奏以克庭儼臣

工而在外。和氣適周於宇宙。盛容創見於古今。仍內奉於母儀。庸備殫於子道。為酒以介眉壽。誕膺純嘏之常。立春而下。寬書更廣庶民之富。可大赦天下。於戲。建無窮之基。則享無窮之樂。命方卜於萬年。有非常之事。則侈非常之休。恩蓋推於四海。矧羣黎百姓。夙依於覆育。而耆老大夫。咸自於甄陶。今而仁壽之同躋。必也安榮之共保。諒爾有邦之衆。知予錫類之心。

文獻通考

慈明楊太后養母張夫人善聲伎。隨夫出蜀。至儀真。長蘆寺前。僦居。主僧善相。適出見之。知其女當貴。因招其父母。飯語之。故且勉之。往。行都當有所遇。以無資告僧。以二千楮假之。遂如杭。或導之入慈福宮。為樂部頭。后方十歲。以為則劇孩兒。憲聖尤愛之。舉動無不當。后意有嫉之者。適太皇入浴。儕輩俾服后衣冠。為戲。因諧之后。后笑曰。汝輩休驚他。將來會到我地位上。在其後。茂陵每至。后所必目之。后知其意。一日内宴。因以為賜。且曰。看我面。好好看他。傅伯壽草立。后制有云。洪惟太母。念我文孫。美其冠於後庭。俾之見於內殿。蓋紀實也。

齊東野語

寧皇立皇子洵時上春秋猶盛竹隱徐似道行制詞內二句云爰
建神明之胄以觀天地之心真學士也其意味悠長矣 四朝聞見
錄



跋趙忠定公家書八月二十八日鑰時以西掖直學士院主上猶
在北內忽聞宣押御筆留某以少師觀文殿大學士判建康府趙
某宗姓之賢偉然忠實太上體壽皇圖任之意擢貳機衡肆朕繼
承厥功為大俾居宰路控避莫回殊弗眷懷尤幸興望朕惟不膠
者卓惟時之宜今政令未孚水旱間作得一賢佐度越拘繫萬幾
實繁其遂我相可除右丞相詞臣苟得君上一言敢不具載況承
宸翰詳密如此何敢不以屢書并草兩麻丞相制有云壽皇咨其
切直屢敷心腹之言太上察其篤誠徑委股肱之寄擢居宥府密
贊籌帷逮予有興厥功尤大又云亟頒詔綍俾踐台符何循墻之



過勤致反汗而中止既辜輿望殊弗眷懷又云矧今政令之未寧
復多水旱之間作是圖賢佐以贊繁機越彼拘繫不膠者卓矣置
於左右亦職有利哉非為朕私其遂我相益具載其語也 攻媿集

周益公碑趙丞相雄以中書舍人奉使賀金主生日宗室伯駢為
介御札生辰使兼齎國書一封理會受書公立具草有云尊卑分
定或校等威叔姪情親豈嫌坐起後四日對祕殿上曰朕未嘗諭
國書之意而卿能道朕心中事可謂大才 攻媿集

王魯公淮衍狀公特進左丞相封異國公制詞有曰似不能言而
智足以決天下之疑如不勝衣而勇足以任天下之重士林誦之
攻媿集

人 貶趙汝愚制詞乃傅伯壽所草韓亦先啗之以美官詞曰屈麓與
廣利妄議武帝戮之於事聞之初林甫輔明皇不忠肅宗誅之於
論定之後是皆宗室之為相卒蹈譴呵而寘刑蓋竊東坡懼呂惠
卿之故智也趙聽制手持象簡不知輕重云 四朝聞見錄

初詞臣傅伯壽嘗從朱文公於武夷當公懇辭待制草制詞云逮
茲累歲始復有陳前受之是今受之非誰能無惑大遜如慢小遜
如偽夫豈其然顧而務徇於名高在我詎輕於爵馭俾解禁嚴之
直復居論著之聯噫猷承明勞侍從既違持橐之班歸鄉里授生
徒往究專門之學遂授脩撰之命

四朝間見錄

趙汝愚責永州制曰。屈登與廣利妄議。武帝戮之於事。聞之初。林甫輔明皇不忠。肅宗誅之於論。定之後。是皆宗室之為相。率蹈譴訶而致刑。本朝深鑒於前車。同姓不登於揆路。雖欲選任。亦難冒居。果罪戾之徹聞。豈憲章之幸免。具官某。色厲而內荏。身私而託公。偶早竊於科名。已徧塵於華要。惟歷年典故之未有。尚巧計經營而欲為嫌疑。既弗避於此時。狂僭知難防於異日。朕位繇主器。躬獲紹圖。蓋承太上御札之倦勤。復奉隆慈誨言之詢旨。父子之傳。本於素定。堂陛之勢。豈其易陵。而乃敢貪天功。遂執國命。謀動干戈而未已。人孰無疑。譏符識之不經。意將安在。過歸君而有暴

揚之迹威震主而無退歛之思盤互妄邪參通籌策內欲擅移
軍帥而結腹心之死黨外將生事戎夷而開邊境之釁端每務紛
更非獨朝廷之不可實懷怨望殆將路人而皆知茲第令解職以
包容乃頻有訟寃之指教愈喧物論具載臺評其黜授於散官以
竄投於遠郡自今立政立事我其守祖宗用人之規無有作福作
威爾庶知家國名分之戒勿忘自省高體寬恩

汪義端詞

宰輔編

年錄

趙汝愚贈少保告詞曰人主以天地為心刑賞率歸於忠厚大臣
與國家同體死生當極於哀榮念飾終之未周每懷舊而有感具
官某系聯屬籍名冠儒科陪淳熙侍從之班受先帝樞機之寄肆
朕初政擢登宰司中因議論之交騰遂使寵章之久闕仰念祖宗
之法每隆輔相之恩苟有過焉常遷就而為之諱逮其亡也必惻
怛以致其情繫我後人敢忘此意矧屬精而更化方建極以用中
凡海內之群才舉無終棄豈地下之一老顧使獨遺爰追錫於篆
車以流光於壤戶噫朝而目送尚思加禮於絳侯見若毛生寧忍
少息於德裕幽魂不泯明渥其歆

宋宰輔編年錄

侂胄欲使蘇師旦為節度使密諭詞臣使草制時秘書監陳峴兼
直學士院語人曰吾惟有去而已出知泉州未上韓誅名除兵部
侍郎兼學士院賜詔其畧曰衆翼怒飛儀鳳之翔何遠洪流奔注
砥柱之立不移蓋嘉其安義命於權勢翕赫之日制詞真文忠所

草
四朝見間錄

蘇師旦將建節學士顏棫莫子純皆莫肯當制易被彦章為樞密
院檢文字師旦為都承旨被與之昵欣然願任責遂以國子司業
兼兩制竟為師旦草麻極其諛佞至用前人舊對所為有文事有
武備無智名無勇功者蓋以孔子比之子房不足道也既宣布物
論譁然亟擢被左司諫諸生為之語曰陽城毀裴延齡之麻由諫
官而下遷於司業易被草蘇師旦之制由司業而上擢於諫官既
而韓誅蘇得罪被遂遠貶

齊東野語

追封岳侯制詞中書舍人李大異行制曰。人主無私。予奪一歸。萬世之公。天下有真是非。不待百年而定。眷言名將。宿號蓋臣。雖勲業不究於生前。而譽望益彰於身後。緬懷英概。申畀愍章。故追復少保武勝軍節度使武昌郡開國公食邑六千一百戶食實封二千六百戶。贈太師謚武穆。岳飛蘊蓋世之才。負冠軍之勇。方畧如霍嫖姚。志滅匈奴。意氣如祖豫州。誓清異朔。屢執訊而獲醜。亦舍爵而策勲。外憺威稜。內殫謨畫。屬時講好。將歸馬華山之陽。爾猶奮威。欲撫劍伊吾之北。遂致樊蠅之集。寢成市虎之疑。雖懷子儀貫日之忠。曾無其福。卒墮林甫偃月之計。孰拯其寃。逮國論之既

明果邦誣之自辨中興之主思念不忘重華之君追褒特厚肆眚
沖之在御想風烈以如存是用頒我恩綸綏之王爵錫熊紅之故
壤超敬德之舊封宣特慰九原之心蓋以作三軍之氣於戲脩車
脩械適當閒暇之時顯忠遂良固間幽冥之際諒惟泉窆敬此寵
光可特追封鄂王餘如故

岳珂金陀粹編

開禧追貶秦檜周南仲代草制云兵於五材誰能去之首弛邊疆
之禁臣無二心天之制也忍負君父之讎又云一日縱敵遂貽數
世之憂百年為墟誰任諸人之責

困學紀聞



安子文與楊巨源李好義合謀誅逆曦矯詔之詞曰惟干戈省厥
躬朕既昧聖賢之戒雖犬馬識其主爾乃甘叛逆之臣邦有常刑
罪在不赦詞旨明白乃好義紳夫楊君玉之詞也

鶴林玉露



△韓平原南園既成遂以記屬之陸務觀務觀辭不獲遂以其歸耕
退休二亭名以警其滿溢勇退之意甚婉韓不能用其語遂致於
敗務觀亦以此得罪遂落次對大中大夫致仕外祖章文莊兼外
制行詞云山林之意方適已遂掛冠子孫之累未忘胡為改節雖
文人不顧於細行而賢者責備於春秋某官早著英猷寢躋膺仕
功名已老蕭然鑑曲之酒船文采不衰貴甚長安之紙價豈謂宜
休之晚節蔽於不義之浮雲深刻大書固可追於前輩高風勁節
得無愧於古人時以是而深譏朕亦為之慨歎二疏既遠汝其深
知足之思大老來歸朕豈忘善養之道勉圖終志服我寬恩此文

已載於嘉林外制集或以為蔡幼學或謂出於馮端方皆非也
浩
然齋雅談

開禧初降詔興師李公壁草起句云天道好還蓋中國有必伸之
理人心助順雖匹夫無不報之讎累詞殆將數百予侍叔父貢士
詠自浦城行至都之玉津園前售摹詔而讀之叔父曰以中國而
對匹夫氣弱矣其能勝乎已而兵果大敗金因亦有詔詆韓侂胄
云蠢爾殘昏巨逆此句疑有脫文輟鼓兵端首開邊隙敗三朝七十年之
盟好驅兩國百萬衆之生靈彼既逆謀此宜順動尚期決戰同享
升平四朝間見錄

開禧三年十一月三日聖旨韓侂胄久任國柄粗罄勤勞使南北
生靈枉罹凶害以致敵人專以首謀為言不令退避無以繼好息
民可罷平章軍國事與宮觀陳自強專務巧諛不恤國務事一作可
罷右丞相日下出國門罷韓侂胄麻制門下朕圖回機政委用柄
臣遠至邇安所賴經邦之益力小任重難逃誤國之誅揆以羣情
奮由獨斷爰誕敷於免冊庸敷告於治朝太師平章軍國事平原
郡王韓侂胄早以勲門寢登顯路久周旋於軒陛適際會於風雲
服勞王家言前人之是似預聞國政殆故事之所無位極王公職
無文武宜思靡盬之義用答非常之恩而乃植黨擅權邀功生事



不擇人而輕信。不量己而妄為。敗累世之歡盟。致兩國之交惡。三軍暴骨。萬姓傷心。列聖有好生之德。爾則專於嗜殺。朕躬有悔過之實。爾則務為飾非。公事誕謾。曾無顧忌。遂致敵人之未戢。專以首謀而為言。臨機果見一作料。理明既無半策。得君專行政久。徒積衆愆。倘今尚處以廟堂。何以遂安於社稷。欲存大體。姑畀真祠。庸少慰於多加。以一新於庶政。於戲。威福惟辟。朕方親總於大權。明哲保身。爾尚自圖於終吉。往哉。一作其。祇若茲謂優容。可罷平章軍國事。依前太師永興軍節度使平原郡王。特授醴泉觀使。在外任便。居住食邑實封如故。罷自強制云。以道事君。所異贊襄之益。朋

姦罔工。乃辜委寄之隆。殊呷巖膽。宜從策免。特進右丞相兼樞密使秦國公陳某起。舊闕云云。沈厚之略。亟用是宜。豈期胡廣無謬諤之風。優禮何補。粵從言路。進秉國鈞。不思洗心之忠。徒附炙手之勢。以庸為工策。以唯為善謀。賄賂公行。廉恥俱喪。鍾鳴漏靜。一作畫而行。且勿止。鼎折。鍊覆。而任。何以勝。暨權臣輕啓於纍端。與鄰境頓乖於和好。內郡竭於糧餉。邊城瘠於干戈。誰無憂時之思。獨存保位之舉。擬而言議。而動悉。付括囊。危不持顛。不扶殆。成撓棟。尚不亟從於退黜。必將愈積於罪愆。爰解軍樞。俾奉香火。猶以股肱之舊。務全體貌之存。於。戲乞骸骨。以避賢己。昧滿盈之戒。歸田

里而思過無忘循省之誠往服寬厚益祇明訓可罷右丞相樞密
使依舊秦國公醴泉觀使在外任便居住 四朝見聞錄

錢塘知縣程松遷諫議大夫市一妾獻之名松壽侂胄曰奈何與
大諫同名曰欲使常達鈞聽耳後貶官責詞有處污穢而不羞莫
汝為甚之句蓋謂此也 去名氏 慶元黨禁



國家圖書館 NATIONAL CENTRAL LIBRARY, TAIWAN, R.O.C.